

Maketuru le Mattiye

Mattiye

Mt

Gel kuju Jeju

¹ Ri gel dewje ke ujuje Jeju-Kiriste toke be: Jeju Kiriste to dew ke gel Dabbiti te, ngaa Dabbiti to dew ke gel Abaraham te.

² Abaraham uju Ijake. Ijake uju Jakobbo. Jakobbo uju Juda ke ngakoenje.

³ Juda de ke Tamar dujuje Pareje de ke jara. Pareje uju Eserom. Eserom uju Aram.

⁴ Aram uju Aminadab. Aminadab uju Naason. Naason uju Salmɔ.

⁵ Salmɔ de ke Rahabe dujuje Bowaje. Bowaje de ke Rutu dujuje Obede.

⁶ Obede uju Ijayi. Ijayi uju toku mbay Dabbiti. Dabbiti de ke dene le Uri* dujuje Salemo.

⁷ Salemo uju Robowam. Robowam uju Abiya. Abiya uju Aja.

⁸ Aja uju Jojapa. Jojapa uju Joram. Joram uju Ojiyase.

⁹ Ojiyase uju Jotam. Jotam uju Akaje. Akaje uju Ejekiyase.

¹⁰ Ejekiyase uju Manase. Manase uju Amɔ. Amɔ uju Jojiyase.

* **1:6** 1.6 Dabbiti ta dene neenn le goe te ke Uri oy, ooje 2 Sam 11.12

¹¹ Jojiyase uju Jekoniyase ke ngakoenje. Bbale teenn a daw ne ke ngann Ijarayelje to bbereje bbe te ke Babilonn.

¹² Go kuwa te ke duwade daw ne to bbereje Babilonn a, Jekoniyase uju Salatiyel. Salatiyel uju Jorobabel.

¹³ Jorobabel uju Abiyutu. Abiyutu uju Eliyakim. Eliyakim uju Ajor.

¹⁴ Ajor uju Sadoku. Sadoku uju Akim. Akim uju Eliyudu.

¹⁵ Eliyudu uju Eliyajar. Eliyajar uju Matan. Matan uju Jakobbo.

¹⁶ Jakobbo uju Jejebbe ngaw le Marije ke to kon Jejuje ke daw n̄-bbare to Kiriste.

¹⁷ Unn kute dɔ Abaraham te ndereng Dabbiti te, buwa kuju dewje kara kara tee dɔku gire sɔ. Unn kute dɔ Dabbiti te ndereng kare te ke daw ne kede bbe-bbere te ke Babilonn, buwa kuju dewje kara kara tee dɔku gire sɔ. Unn kute dɔ ndɔ bbere te lede ke Babilonn ndereng ndɔ te le Kiriste, buwa kuju dewje kara kara tee dɔku gire sɔ.

Tar kuju Jeju

¹⁸ Tar kuju Jeju Kiriste toke be: Jejebbe aw aw mɔrɔ le Mari kon Jejuje. N̄-nayn n̄-taa naa ang bbay a, Mari le uwa sem ddew te le Ndil-me-nda.

¹⁹ Jejebbe nje-mɔrɔ laa le to dingaw ke gate gate, ngaa ndiki ta tee ke tare ke ddaka kem dewje te ang. Yeenn a n̄-diki ta kinyae hoy baa.

²⁰ Toke Jejebbe aw eje tar neenn le mee te bbay a, mare anji le Ebbe-dewje tee ingae me ni te ngaa pa are na: «Jejebbe dew ke gel Dabbiti te,

are bbeel ddai ang bbo e-taa Mari to dene lei, mba sem le ngonn ke to mee te le ddee ddew te le Ndil-me-nda.

²¹ Na kuju ngonn ke dingaw, ta a kunda ria na Jeju, mba ne a na kaji dewje laa me majangje te lede.»

²² Nejeenn toyn teeje mba kare tar ke Ebbe-dewje unda ta nje-kila mber-tar laa are pa ddee to tar ke tɔkɔɔ. Tar le na:

²³ «Ngonn mande ke gere ngaw ang a kuwa sem, na kuju ngonn ke dingaw, ngaa da kunda ria na Emanuwel.»

Gel ri le na: Lubba ee ke je.

²⁴ Toke Jejebbe le ndol a dda ne ke anji le Ebbe-dewje pa are le, ngaa n̄-taa Mari to dene laa.

²⁵ A, n̄-mbɔn saa naa ang ndereng Mari le uju ne ngonn ke dingaw, ngaa Jejebbe unda ri ngonn le na Jeju.

2

Nje ne-gereje ddeeje mba koo Jeju

¹ Duju Jeju me bbe te ke Betelehem, do nange Jude te, kare te ke Erodeto ne to tɔku-mbay. Goe te a, nje-ne-gereje inje er ke lo tee te le kare, n̄-teeje Jurusalam,

² ngaa n̄-dujuje na: «Tɔku-mbay le Jiipije ke duje le ee dda wa? Mba joo endenterenden laa er ke lo tee te le kare, are n-ddee ta poloe.»

³ Toke Erodeoo tar le a, mee sange nya, ngaa dewje toyn ke Jurusalam kara mede sangede tɔ.

⁴ N̄-mbɔn tɔke nje-poloje Lubba toyn, ke nje kɔruje gel ndu ngaa n̄-dujude se lo ke dda bba duju Kiriste te wa?

⁵ N-paje dareje na: «Duje me bbe te ke Betelehem, dɔ nange Jude te mba nje-kila mbertar le Lubba dda tare Maketuru te na:

⁶ <Ei ke Betelehem, ke nange te le Juda, e-to ten baa horo ngann bbeje te ke nange te ke Juda ang.

Mba nje-kɔn bbe a kin mei te tee

ta kɔru nɔ dewje lem, ngann Ijarayelje.> »

⁷ Erode ula bbar nje ne-gereje le lo-kiyae te dujude ta gere ndɔ ke endenterenden le tee ne.

⁸ Goe te a, nulade Betelehem, n̂-pa narede na: «Awje aw dujuje tar dɔ ngonn te le ke maje ta bbo ingaeje a, e-ddeeje e-paje are ema kara maw m-poloe tɔ.»

⁹ Goe te ke dooje tar le tɔku-mbay le a, dawje. A endeterenden ke dooje kete lo tee te le kare le ɔru nde aw ke de ndereng aw ar dɔ lo te ke ngonn le to te.

¹⁰ Rɔ nje-ne-gerje le nelde nya wɔju dɔ endeterenden ke dooje le.

¹¹ Dandeje me key te ngaa dooje ngonn le, de ke kɔenje Mari. Dɔsuje golde nangê ngaa n̂-poloeje. N-teynje ta bolje lede ngaa dareje neje ke toke, ande, ke yambo, ke ubbu ne ke ria na mir.

¹² Goe te a, Lubba ndɔru mbide me ni te kare n̂-telje rɔ Erode te ang, a dunnje ddew ke dang n̂-telje ne bbe lede.

Dayn ke Jeju dawsaa Ejipite

¹³ Go kote te le nje-ne-gereje le a, anji le Ebbedewje ddee ke ni dɔ Jejebbe te ngaa pa are na: «In taar, unn ngonn le de ke kɔenje bbo ayn aw Ejipite ta e-nayn nunn ndereng ndɔ ke ma pa kari

kare e-tel, mba Erode a sange ddew ta tol ngonn le.»

¹⁴ Tile teenn njaa, Jejebbe in taar unn ngonn le de ke kœenje ngaa dawje Ejipite.

¹⁵ N-nayn nunn ndereng Erode oy. Yeenn bba tar ke Ebbe-ddewje pa ddew te le nje-kila mber-tar le ddee to tar ke tɔkɔɔ. N-pa na: «M-bbar ngunum kare tee nange te ke Ejipite ke ddang.»

Erode tol ngannje ke Betelehem

¹⁶ Toke Erode gere to nje ne-gereje le ereje a, ungu œen nya. Yeenn a nunn ndu kare n̂-tol ngannje ke dingaw ke bbalde joo wase bbalde aw ngɔsi ke bbal joo me bbe te ke Betelehem, ke me bbeje te ke mbɔre te, ase kem ndɔ ke nje ne-gereje turaje are.

¹⁷ Yeenn ngaa tar ke Jeremi nje-kila mber-tar le Lubba pa ddee to tar ke tɔkɔɔ. N-pa na:

¹⁸ «Ko bbar me bbe te ke Rama, ndu-nɔ ke ndinga-rɔ uta dœe.

Rasel a aw nɔ nganne.

N-ndiki ta koo ndeje ang,

mba nganne gotoje ngaa.»

Jejebbe de ke nje-ke laa dinje Egipite te n̂-telje

¹⁹ Go koy te le Erode a, anji le Ebbe-dewje ddee dɔ Jejebbe te ke ni me bbe te ke Egipite.

²⁰ Anji pa na: «In taar bbo unn ngonn le de ke kœenje, ta e-tel nange Ijarayel te, mba nje ke aw sangeje ngonn neenn ta tɔle le oyje mban.»

²¹ Jejebbe in taar, unn ngonn le de ke kœenje ngaa n̂-tel ke de nange te ke Ijarayel.

²² Toke Jejebbe oo na Arekelayusu ngaa ɔn bbe nange te ke Jude turu bœeje Erode te a, bbel ddae

ta tel. A Lubba pa tar are ke ni ngaa naw nange te ke Galile.

²³ Naw ngaa n̂-dda bbe ke ria na Najarete. Yeenn bba kare tar ke nje-kilaje mber-tar le Lubba paje le ddee ne to tar ke tókɔɔ. Da bbare to dew ke Najarete.

3

Jan Batisi ila mber

¹ Dɔ ndɔe teenn Jan Batisi tee me kɔr te ke Jude ngaa aw ila mber.

² N̂-pa na: «E-turuje ddew lese mba Bbe-kɔn ke darâ e ngosi.»

³ Ejayi nje-kila mber-tar le Lubba pa tar le Jan neenn le lew na:
«Mare dew ila mber me kɔr te na:
«E-mɔseje ddew le Ebbe-dewje.
E-ddaje ngann ddewje laa areje ndɔju njarara.»

⁴ Jan le ula kubbu ke n̂-dda ke biin jambal, ngaa n̂-tɔ bbere ke endaar. Ne-kusa laa to ebeteje ke ubbu teje ke me kɔr te.

⁵ Dewje ke Jurusalam, dewje ke Jude tɔyn, ke dewje ke bbeje te ke guku dɔ maann Jurden ddeeje rɔe te.

⁶ N̂-paje tar majangje lede ke ddaka ngaa Jan le ddade batem maann Jurden te.

⁷ Toke Jan oo Parijiyenje ke Saduseyenje banya banya ke ddeeje kare n̂-ddade batem le a, n̂-pa narede na: «See embakanraje, na ulase kare aynje sariya le Lubba ke aw ddee wa?

⁸ Areje kula ddase tɔju to e-turuje ddew lese mban.

⁹ Aw ejeje mese te e-paje na Abaraham to kajeje. Yeenn njaa kara baa ase ang. Mba m-pa marese: Lubba ase ta turu erje neenn kare telje to ngannka Abaraham.

¹⁰ Tina to ngösi baa ta tuka ne kakeje ngirade te mban. Kake ke ande kande ke maji ang a da tuka kila poro.

¹¹ Ema, m-ddase batem maann ta toju to e-turuje ddew lese. A dew ke aw ddee gom te, singae utam. Ne-gol laa kara mase kōru gōle te ang. Ne, na ddase batem Ndil-me-nda ke batem puru.

¹² Nuwa ne to kande koo laa jia te. Na kuta ta paal laa. Na kōru kem koo laa kungu damâ, a na ro tisa kem puru te ke a koy ndo kara ang.»

Jan dda Jeju batem

¹³ Me ndoje teenn Jeju in nange te ke Galile, ddee ro Jan te ta maann te ke Jurden kare ddae batem.

¹⁴ A Jan a ta mbete, ngaa pa are Jeju le na: «Ema a, a ddam batem, a ei a e-ddee rom te wa?»

¹⁵ A Jeju ilae te na: «Ke bbasine neenn, e-ndiki te bbo e-dda toke baann. Mba to maji kare n-ddaje ne toyn ke to gate gate toke baann.» Yeenn ngaa, Jan le ndiki te saa.

¹⁶ Kake Jeju inga batem, ngaa tee me maann te a, kare teenn njaa ta dara teyn. Ngaa noo Ndil le Lubba ddisi döe te toke le der jeenn.

¹⁷ Ndu Lubba in me dara te bbar na: «Ne neenn n̂-to ngonum ke m-ndike nya. Minga rō-neel ddew te laa nya.»

4

Esu na Jeju

¹ Goe te a Ndil aw ke Jeju me kōr te mba kare Esu nae.

² Jeju mbete ne-kusa ndo dōso til dōso to ngaa bbo ddae.

³ Esu nje-na-dewje ddee ngosi saa ngaa pa na: «Toke e-to ngonn le Lubba a unn ndui are erje neenn telje ne-kusa.»

⁴ Jeju ilae te na: «Maketuru le Lubba pa na: <Dew a kisi ke tebbe ddew ne-kusa te kara baa ang. Na kisi ke tebbe ddew tar te toyn ke tee ta Lubba te.> »

⁵ Goe te a Esu le aw saa Jurusalam ke to bbe ke maji toyn. Naw nilae lum do key-polo-Lubba te,

⁶ ngaa n̂-pa nare na: « Toke e-to ngonn le Lubba a, in do key te neenn oso nangê mba Maketuru le Lubba pa na:

<Lubba a kunn ndu kare anjije laa wōju dōi, ngaa da lai to la kare unda goli er te ang.> »

⁷ Jeju ilae te na: « Maketuru le Lubba pa to bbay na: <Ebbe-dewje ke to Lubba lei le a nae ang.> »

⁸ Esu tel aw saa do ddingiri te ke ndew nya ngaa toje bbe-konje toyn ke do nange te ke neje ke kura ke me te,

⁹ ngaa pa are na: «Toke osu goli nom te, ngaa e-polom a, ma kari neje neenn toyn.»

¹⁰ Yeenn a Jeju pa are na: «Otu ke ddang, Satan! Mba Maketurule Lubba pa na: <Maji kare Ebbe-dewje ke to Lubba lei njaa kara baa a osu goli nōe te, ta ne kara baa a e-dda saa to.> »

¹¹ Yeenn ngaa Esu le ɔtu inyae, a goe te a, anjije ddeeye rɔe te ngaa ddaje saa.

Jeju unn kutu kula laa nange te ke Galile

¹² Toke Jeju oo na dila Jan key kula te a, nɔru rɔe naw nange te ke Galile.

¹³ Ninya Najarete a naw nisi Kapernayum kare tɔke dange te, nange te le Jabulon, ke le Nepetali.

¹⁴ N-dda baann kare tar le Ejayi nje-kila mber-tar le Lubba ddee ne to tar ke tɔkɔɔ. Tar le na:

¹⁵ «Nange le Jabulon, ke le Nepetali, ke toje ddew ba-kate te, tura maann Jurden te, ke to Galile, nange le dewje ke toje to Jiipije ang.

¹⁶ Dewje ke isije me til te ooje tɔku lo-kare ke.

Lo a kare dɔ dewje te

ke isije dɔ nange yo te ke il biti biti.»

¹⁷ Un kute kare teenn njaa, Jeju unn kutu kila mber na: «E-turuje ddew lese mba Bbe-kɔn ke darâ e ngɔsi.»

Jeju bbar dɔngɔr nje-njaje goe te

¹⁸ Toke Jeju aw nja kar tɔku dange te ke Galile a, noo ngakɔn naaje joo: Simɔ ke daw n̂-bbare na Piyar de ke ngokɔen Andere. Daw dilaje ddenge tɔku dange te le mba n̂-toje to nje-ndɔn̂-maannje.

¹⁹ Jeju le pa arede na: «Unnje gom. Ma ddase to nje-sangeje dewje.»

²⁰ Njange baa njaa a, dinyaje ddengeje lede a dunnje goe.

²¹ Jeju aw ngaji ke kete a oo mare ngakɔn naaje joo: Jake de ke Jan ngann le Jebede. Deeje me tɔku to te ke bɔdede Jebede le, daw n̂-mɔseje ddengeje lede, ngaa Jeju le bbarde.

²² Njange baa njaa a, dinyaje toku to lede ddem, bodede ddem ngaa dunnje go Jeju le.

Jeju toju ne ngaa ɔru rɔ-to rɔ dewje te

²³ Jeju nja nange te ke Galile toyn. Naw n̂-toju ne dewje me key-mbɔn naaje te le Jiipije ke nange teenn ngaa, nila mber Tar ke maji ke wɔju dɔ Bbe-kɔn le Lubba. Nɔru rɔ-toje toyn rɔ dewje te, ngaa n̂-dda nare dewje ke debbe rɔde tuju ddeje maji.

²⁴ Ri Jeju bbar dɔ nange Siri te toyn are dewje ddeje ke nje-rɔ-toje dang dang rɔe te: dede ke rɔ-toje dang dang ula kemde ndoo, nje ke eeje ke ndilje ke maji ang, nje-dɔ-kilaje ke nje ke debbe rɔde oy ngaa Jeju ɔru ro-to rɔde te.

²⁵ Dewje banya banya unnje goe. Dinje nange te ke Galile, ke nange Toku Bbeje ke Dɔku. Mareje inje Jurusalam, ke nange te ke Jude, ke nange te ke to tura Jurden te.

5

Jeju toju ne dewje dɔ ddingiri te

¹ Toke Jeju oo dewje ke banya le a, aal dɔ ddingiri isi te ngaa nje-njaje goe te awje rɔe te tɔ.

² Nunn kutu tojude ne toke be:

Kisi ke rɔ-neel

³ «Rɔ-nel to mba dewje ke gereje to, n̂-toje to nje-ndooje ddew keje te lede, mba Bbe-kɔn ke darâ to lede.

⁴ Rɔ-nel to mba dewje ke aw nɔnje, mba Lubba a wul mede.

⁵ Rɔ-nel to mba dewje ke wulje pe,

mba Lubba a karede nange neenn to lede.

⁶ Rɔ-nel to mba dewje ke isije ke bbo nya ta dda
ne ke gate gate,

mba Lubba a karede ne ke mede ndiki.

⁷ Rɔ-nel to mba dewje ke aw ooje kem-to-ndoo le
nga-mardeje,

mba Lubba a koo kem-to-ndoo lede tɔ.

⁸ Rɔ-nel to mba dewje ke mede nda kayn,
mba da kooje Lubba.

⁹ Rɔ-nel to mba dewje ke aw ddaje are me-wul
lom to horo dewje te,

mba Lubba a bbarde to nganne.

¹⁰ Rɔ-nel to mba dewje ke daw dula kemde ndoo,
wɔju dɔ kula-ddade ke to gate gate,

mba Bbe-kɔn ke darâ to lede.

¹¹ Areje rɔse nelse,

toke dewje aw tajise,

toke daw dula kemse ndoo,

toke daw n̂-paje tarje ke majang dang dang,

ke to tar ngemje baa dɔse te wɔju dɔm.

¹² E-ddaje rɔ-nel,

isije ke koko,

mba kuka lese ke darâ a bo nya.

Nje-kilaje mber-tar le Lubba ke kete arese kara,

n̂-ddaje singa ke de toke baann tɔ.»

Kate ke lo-kare ke dɔ nange te

¹³ «Sese a e-toje to kate ke nangê neenn. A bbo
kate neel ang ngaa a, ddi bba dew a dda kare kate
le tel neel bbay wa? Mare ne dang ke ta dda ne
goto. To ne kungu kɔrɔ kare dewje mbɔynje ke
golde.

¹⁴ «E-toje to lo-kare ke nangê neenn. Bbe ke
n̂-dda dɔ ddingiri te a kase kiya rɔe ang.

¹⁵ Dew unda puru lambe te a, a kaw kunda koy joo te ang. Na kunda do ne te taar kare nje-keyje le toyn ooje ne lo.

¹⁶ Ddew kara baa, areje ndoko lese to kem dewje te toyn. Yeenn bba da kooje kula ddase ke maji, ngaa da kosu ne gaji Bosese ke isi darâ.»

Ne-toju le Jeju do Ndu te

¹⁷ «Ejeje to m-ddee ta tuju Ndu le Moyiji wase ne-tojuje le nje-kilaje mber-tar le Lubba wa? M-ddee ta tuju nejeenn ang. M-ddee ta dda kare dewje ooje kande tarje ke me nduje tenn le ke maje.

¹⁸ Tokoro njaa m-pa marese, kare ke dara ke nange n-naynje bbay a, mare ngonn gol maketuru wase mare mbita gol Maketuru-Ndu a koso nangê ang, ndereng ddutu ndo te.

¹⁹ «Bbo dew mbete mare ngonn tar kara ke me ndu te, ngaa toju dewje are mbeteje ndu le a, na ddee to dew ke ten baa uta kese dewje toyn me Bbe-kon te ke darâ. A bbo dew ngem Ndu, ngaa toju dewje kare ngemje to a, na ddee to dew ke bo me Bbe-kon te ke dara.

²⁰ M-pa marese: Bbo e-ddaje ne ke gate gate uta nje-koruje gel Ndu wase Parijiyenje ang a, a kandeje me Bbe-kon te ke darâ ang.»

Ne-toju do wungu te

²¹ «Ooje na n-pa dare kaseseje lew na: E-tol dew ang, mba da gange sariya do dew te ke tol dew mare.

²² A ema, m-pa marese: «Bbo dew dda wungu ke ngokoen a, ase kare n-gange sariya doe te. Bbo dew bbar ngokoen mbe a, nase kare daw saa no

sariya te. A bbo dew bbar ngokɔen woy a, nase kare dilae kem puru te ke aw ɔn ke ndɔ ke ndɔ.»

²³ «Bbo aw nɔ baann te ke ne-kare-baa lei, a bbo mei ole to ngokɔin ee sei ke tar a,

²⁴ maji kare inya ne-kare-baa lei le nɔ baann teenn, a aw dɔngɔr rɔ ngokɔin te le e-gɔl saa tar bba goe te a, e-ddee are ne-kare-baa lei le Lubba.

²⁵ «Toke dew ke ee sei ke tar aw sei ke lo gange sariya te, a e-naynje ddew-bô bbay a, maji kare e-gɔl saa tar njange. Baann ang a, na kilai ji nje-gange sariya te, ngaa nje-gange sariya a kilai ji mbambaje te kare dilai key-kula te.

²⁶ Tɔkɔrɔ njaa m-pa mari, toke uka nare ke da kɔju dɔi te tɔyn tunga ang a, a tee key-kula teenn ang nyɔm.»

Tar dɔ lo-to majang te

²⁷ «Ooje na n̂-pa lew dare kaseseje na: E-dda lo-to majang ang.

²⁸ A ema, m-pa marese: dew ke aa dene le nje-mare ngaa dda bbo laa a, dew le dda saa lo-to maji ang mee te mban.

²⁹ Toke kemi ke kɔl dda are oso majang te a, ɔru ila kɔrɔ ddew ew. Mba bbo debbe rɔi kara a goto a, maji uta kare da-rɔi tɔyn njaa aw kem puru te ke aw ɔn ke ndɔ ke ndɔ.

³⁰ A bbo jii ke kɔl dda are oso me majang te a, e-gange ila kɔrɔ ddew ew. Mba bbo debbe rɔi kara a goto a, maji uta kare da-rɔi tɔyn njaa aw kem puru te ke aw ɔn ke ndɔ ke ndɔ.»

Tar tubba dene

³¹ «N̂-pa lew tɔ na: Toke dew tubba dene laa a, maji kare n̂-dda maketuru kinya-naa nula jia te.

³² A ema, m-pa marese: Toke dene dda lo-to-majang ang, a bbo ngaweje tubbae a, dingaw le a dda kare dene le dda lo-to-majang. Ngaa toke dingaw taa dene ke ngaweje inyae a, dingaw le dda lo-to-majang to.»

Tar kunda yo

³³ Ooje na n̂-pa dare kaseseje lew na: Unda yo ang. Ne ke unda yo kem Ebbe-dewje te ta dda a, maji kare e-dda ne le.

³⁴ A ema, m-pa marese: Dang bba undaje yo ang. Undaje yo ke ri dara ang, mba dara to ngende-mbay le Lubba.

³⁵ Undaje yo ke ri nange ang to, mba nange to lo kungu gole. Undaje yo ke ri Jurusalam ang, mba Jurusalam to bbe le Toke-Mbay.

³⁶ Unn dangara doi unda ne yo ang, mba ase ta dda kare ben doi kara nda wase ndul ang.

³⁷ A maji kare e-paje na: Ye njaa ann, ye njaa ann. Wase ye ang, ye ang. A bbo ilaje mare tar doe te a, to tar ke in ro Nje-Me-Majang te ann*.»

Tar kila bare

³⁸ Ooje na n̂-pa lew na: Toke e-to kem dew a da to kemi. Toke e-guru ngange dew a da guru ngangi.

³⁹ «A ema, m-pa marese: Ilaje bare ang. Toke dew unda ka-mb̄ori ke kol a, e-turu ye ke gel are nunda to.

⁴⁰ A bbo dew aw sei sariya te ta taa do-kubbu lei ke taar a, inya kubbu kul lei are to.

* **5:37** 5.37 Nje-Me-Maji ang to emare ri Esu ann

41 Bbo dew uwai ke gu kare e-nja saa kula-metere kara a, e-nja saa kula-metere joo.†

42 Toke dew duji ne a are. Ngaa bbo dew duju ta tunai ne a ɔke ang.»

Tar ndiki nje-baanje

43 «Ooje na n̂-pa lew na: Maji kare e-ndiki nje-mari. A e-mbete nje-baan lei.

44 A ema, m-pa marese: E-ndikije nje-baanje lese, ngaa e-dujuje Lubba wɔju dɔ dewje ke aw ulaje kemse ndoo.

45 Yeenn bba a toje to ngann le Bɔsese ke isi darâ. Mba naw n̂-dda nare kare laa ɔsu dɔ dewje te ke majije ang ke dɔ dewje te ke majije tɔ. Naw n̂-dda nare ndi aw ere dɔ dewje te ke pa-nja lede to ke dɔgɔle ddem, dɔ dewje te ke pa-nja lede to ke dɔgɔle ang ddem.

46 Toke dewje ke ndikise dɔrɔ a, e-ndikijede a, kuka ddi bba a kingaje ji Lubba te wa? Nje-taaje nare-lambo kara ddaje toke baann tɔ.

47 A bbo ngakɔnse njaa a, e-ddajede lapiya a, ddi ke dang boy a e-ddaje wa? Dewje ke gereje Lubba ang kara ddaje toke baann tɔ.

48 Yeenn a, maji kare e-ddeeje to dewje ke maji toyn ddew kara baa toke Bɔsese ke isi darâ maji toyn.»

6

Gusu kare ne nje-ndooje

1 «E-ngemje ddew lese ke maje: Toke e-ddaje ne ddew Ndu te le Lubba a, e-ddaje ne le kem

† 5:41 5.41

dewje te toyn kare daase ang. Baann ang a, Bosesese ke isi darâ a kukase ang.

² «Yeenn a, toke aw are ne nje-ndoje a, maji kare uru ne ekii ang. Mba nje-ngemje aw ddaje toke baann me key-mbo-naa te le Jiipije, wase go ddew te mba kinga ne piti ta dewje te. Tokoro njaa, m-pa marese, dingaje kuka lede mban.

³ A bbo are ne nje-ndoo ke jii ke kol a, are jii ke gel gere ang.

⁴ Yeenn bba ne ke are le a to lo-kiyae te. Boije Lubba ke oo ne ke to lo-kiyae te le a kukai.»

Gusu duju Lubba

⁵ «Toke aw dujuje Lubba a, e-ddaje toke le nje-ngemje ang. Dede n̄-ndikije nya ta kar taar bba duju Lubba me key-mbo-naaje te wase to-ddewje te ta kare dewje toyn oojede. Tokoro njaa, m-pa marese, dingaje kuka lede mban.

⁶ A ei, toke a ta duju Lubba a, aw me key te lei ngaa, utu ta key bba e-duju Lubba lo kiyae te. Boije Lubba ke aw oo ne ke to lo-kiyae te le a kukai.

⁷ «Toke aw dujuje Lubba a, tar ke kara baa njaa e-tel doe te gol bayan nya ang mba dewje ke gereje Lubba ang aw ddaje toke baann. Dejeje to n̄-paje tar nya bba Lubba a koo.

⁸ E-ndajijede ang, mba Bosesese gere ne ke e-ndikije bba e-dujeje guku baa.»

Jeju toju gusu duju Bojeje

⁹ «Maji kare e-dujuje Lubba toke be:
Ei Bojeje ke isi me dara te,
Maji kare dewje gereje to rii maji toyn.

¹⁰ Maji kare e-ddee on bbe!

Maji kare dewje ddaje ne ke mei ndiki do nange te,

ddew kara baa toke ye ke dara.

¹¹ Areje ne-kusa taje ke bbokone.

¹² Oru tar majang leje doje te,

ddew kara baa toke jeje kara jaw joru tar do dewje te ke ddaje majang ke je.

¹³ Inya ddew are mare ne na meje ang.

A oruje me ji Nje-Me-Maji ang te.

[Mba ei njaa kon-bbe, singa-mongu, ke piti to lei ke ndo ke ndo! Amem.]

¹⁴ «Mba toke oruje tar do dewje te ke ddaje maji ang ke se a, Bosese ke ee darâ a koru tar dose te to.

¹⁵ A toke bbo oruje tar do dewje te ang a, Bosese a koru tar maji ang dose te ang to.»

Tar mbete ne-kusa

¹⁶ «Toke e-mbeteje ne-kusa a, e-tojuje to isije ke ro-kate ddew kara baa toke nje-ngemje aw ddajeenn ang. Daw n-toju do kemde te to daw n-mbeteje ne-kusa. M-pa marese, to tar ke tokoro, dingaje kuka lede mban.

¹⁷ A ei, toke e-mbete ne-kusa a, e-toko kemi, ngaa e-ndem ubbu.

¹⁸ Baann bba kare dewje gereje to aw e-mbete ne-kusa ang. A are Boije kara baa njaa ke ee lo te ke iya roe a gere. Boije ke aw oo ne ke to lo-kiyae te le a kukai.»

Tar ne-kingaje ke nangê ke ye ke darâ

¹⁹ «E-sangeje ne-kingaje ke do nange te neenn nya nya ang mba esololo a kon, a kuwa mborkase ngaa, nje-bbokoje a tete ta-key mba bboko.

²⁰ A maji kare e-sangeje ne-kingaje ke darâ, mba dara to lo ke esololo a kon ne te ang ddem, ne a kuwa mborkase te ang ddem, nje-bbokoje kara a tete ta-key mba bboko ne te ang ddem to.

²¹ Mba lo ke ne-kinga lei to te, mei a to te to.»

Kem dew to lambe ke rœ te

²² «Kem dew to ddew kara baa toke lambe ke da-rœ dew te. Yeenn a bbo kemi to ke maje a, da-rœi toyn njaa a ndoko.

²³ A bbo kemi to ke maje ang a, da-rœi toyn a ndul. Yeenn a bbo lo-kare ke rœi te tel to til a, til le a tel kil biti biti.»

Maji ta dda ke Lubba kara baa

²⁴ Dew kara ase dda bbere le ebbejedede joo ang mba, na mbete mare kara, a na ndiki mare kara. Wase na kunn rœ kare mare kara a, na mbete mare kara. A kaseje ta dda bbere le Lubba ddem, le nare ddem ang to.

Tar kunda me do Lubba te

²⁵ «Mba yeenn a, m-pa marese: E-sangeje mese woju do tebbe lese wase da-rœse ang ddem, woju do ne ke a kayje wase ne ke a kusaje wase kubbu ke a kulaje ang. Tebbe lese ngeng uta ne-kusa ddem, da-rœse ngeng uta kubbu ddem ang wa?

²⁶ Ooje eelje ke darâ. N̄-dubbuje ne ang ddem, dujaje kande ko ang ddem, n̄-mbonje ne-kusa damâ ang ddem to. A B̄sese ke darâ aw ngemde ke ne-kusa. Gatese ngeng uta gate eelje ang wa?

²⁷ «Na bba horose te a kase kila mare ndo kara do ndo tebbe te laa ddew sange-me te laa wa?

²⁸ Yeenn a, mba ddi bba aw sangeje mese woju do kubbuje wa? Aaje ddew ke putu-kakeje ke

mû aw unjuje ne. Daw n̄-ddaje kula ang ddem, dujuje ne ang ddem.

²⁹ A m-pa marese: Salemo ke da-rœe njaa kara, dann ne-kingaje te laa t̄oyn, ula kubbu ke kura ase putu-kakejeenn kara ang.

³⁰ Sese ke me-kunn lese to ngaji baa neenn! Putu-kakeje bbay ke toje bbokone neenn ngaa bara a puru a k̄on a Lubba ulade kubbu. A sese, na kulase kubbu ang toke baann wa?

³¹ «Yeenn a aw paje na: Ddi a ja kusa? Wase, ddi a ja kay? Wase, kubbu ddi a ja kula wa. E-sangeje mese w̄oju d̄o nejeenn ang.

³² Dewje ke gereje Lubba ang a aw sangeje nejeenn ke kare t̄oyn. B̄osese ke darâ gere to eeje ke bbo nejenn t̄oyn.

³³ E-sangeje Bbe-k̄on le Lubba, ke gate gate laa d̄onḡor, a na karese kese nejeenn t̄oyn d̄o mare te.

³⁴ «Yeenn a, e-sangeje mese w̄oju d̄o ne ke bara ang. Mba bara njaa a sange ne laa bbay. Nd̄o kara kara ase kem ndoo laa.»

7

Maji kare e-gangeje sariya d̄o nje-marse te ang

¹ «Maji kare e-gangeje sariya d̄o nje-marse te ang, mba kare Lubba gange sariya d̄ose te ang to.

² Mba Lubba a gange sariya d̄ose te ddew kara baa toke e-gangeje sariya d̄o nje-marse le. Ne ke unnje bba ojuje ne a na kunn ta k̄oju ne ne lese to.

³ Mba ddi bba mu ke to kem ngok̄oin te a oo a, toke kake ke to kemi te oo ang wa?

⁴ A pa kare ngokoin pa na: «Are more mu kemi te», a ei njaa oo toke kake ke to kemi teenn ang toke baann wa?

⁵ Nje-ngem, oru toke kake ke to kemi te dongor bba a koo lo ke maje ta koru ne mu ke to kem ngokoin te.

⁶ «Areje ne ke maji toyn bisije ang, mba da tel turu rode ke dose te ngaa da njarese. Unguje mereje lese no bereje te ang. Mba da mboynje ke golde.»

Toke dew duju ne Lubba a, a kinga

⁷ «E-dujuje ne a da karese. E-sangeje ne a, a kingaje. Undaje ta key a, da koru karese.

⁸ Mba dew ke duju ne a, inga. Dew ke sange ne a, inga, ngaa dew unda ta key a, doru dare.

⁹ Horose te, na bba ngonno duje ne-kusa a, a kare er wa?

¹⁰ Wase na bba ngonno duje kanji a, a kare li wa?

¹¹ Sese e-majije ang, e-gereje ta kare ne ke maji ngannse. A Bosese ke darâ a kare ne ke maji nje ke dujeje ang wa?

¹² «Ne toyn ke e-ndikije kare dewje ddaje ke se a e-ddaje ke de to. Yeenn to Ndu ke Moyije ke maketuruje le nje-kilaje mber-tar le Lubba tojuje aann.»

Ta-ddew ke joo

¹³ «Andeje ke ta-ddew ke ngaji, mba ta-ddew ke tate to ta-ddew ke aw ke ta yo te. Ddewe ngeng ang are dewje nya andeje ne.

14 A ta-ddew ke ta kaw lo-kinga tebbe te to ngaji baa ngaa to ddew ke ngeng nya, are dewje kara kara baa a aw ingaje.»

Nje-kilaje mber-tar ke toje to nje-ngemje

15 «Aaje rɔse wɔju dɔ nje-kilaje mber-tar ke toje to nje-ngemje. Dulaje ngira bate bba n̄-ddeeje ne rɔse te. A mede te nu, n̄-toje to enjakemnjarje ke aw uwaje ne aw usaje.

16 Ne ke a gereje ne de a to kula-ddade. Dew a kuja kande binye dɔ kula konn te ang ddem, kande Pige dɔ kake te ke ubba konn ang ddem.

17 Kake ke maji, ande kandeje ke maji, a kake ke tuju, ande kandeje ke maji ang.

18 Kake ke maji ase ta kande kande ke maji ang ang. Ngaa kake ke tuju ase ta kande kande ke maji ang ngaa.

19 Kake ke ande kande ke maji ang a, da tuka kila poro.

20 Yeenn a, ddew kula-dda te le nje-kilaje mber-tar ke toje to nje-ngemje a, a gereje ne de.»

Nje-njaje go Jeju te ke tɔkɔrɔ

21 «Dewje ke aw paje arem na: Ebbemje! Ebbemje! Dede tɔyn a da teeje Bbe-kɔn te ke darâ ang. Dede ke n̄-ddaje ne ke me Bɔmje ke ee darâ ndiki ke karede baa a da teeje.

22 Ndɔ gange sariya a, dewje nya a paje karem na: <Ebbejeje! Ebbejeje! Jila mber-tar, n̄-tubba ndilje ke maji ang ddem, n̄-dda ne-mɔrije nya ke rii ang wa?>

²³ Yeenn ngaa ma pa karede na: m-gerese ndo kara ang ta otuje mborem te ddang. Awje ddew ew, ese nje-dda neje ke maji ang.»

Gusu-tar do keyje te joo

²⁴ «Yeenn a, bbo dew ke oo tarje toyn ke m-pa neenn ngaa dda ne kula a, na to ddew kara baa ke nje-kem-kare ke dda key laa do er te.

²⁵ Ndi ere, maannje sirije taaje lo toyn, ngaa yel ula yeke key le, a key le oso ang mba dungu gol key le do er te.

²⁶ A dew ke oo tarje lem ke maw m-pa neenn, a bbo dda ne kula ang a, na to ddew kara baa ke mbe-dew ke dda key laa do enangara te.

²⁷ Ndi ere, are ngann maannje sirije taaje lo toyn, ngaa yel ula yeke key le, a key le oso ngaa guru njuku njuku.»

Jeju toju ne ke singa le dew ke on mbay

²⁸ Toke Jeju pa tarje neenn le toyn nunga a, ne-toju laa le oru singa dewje ke banya ke ooje tar le.

²⁹ Mba n-toju ne toke engan nje-koru gel-nduje le Jiipije ang. N-toju ne ke singa kon-mbay.

8

Jeju oru ro-to banji ro mare dew te

¹ Toke Jeju ddisi do er te le a, dewje ke banya unnje goe.

² A, a ta koo a, mare nje-banji ddee ngosi ke Jeju le, osu mekeji-gole noe te ngaa pa are na: «Ebbemje, toke e-ndiki a, a kase dda kare m-ddee maji.»

³ Jeju ula jia ɔru ne nje-banji le ngaa pa na: «M-ndiki te, e-ddee maji.» Njange baa njaa a, banji le gayn rɔe te ke ddang ngaa n̂-ddee maji.

⁴ Ngaa Jeju pa are na: «Oo ke maje, e-pa tare are dew ang. A, aw tɔju rɔi are nje-polo-Lubba tenni oo bbo are ne-polo ke Moyiji unn ndu woju dɔe kare dewje tɔyn gereje to rɔi ddee maji ngaa.»

Jeju ɔru rɔ-to rɔ nje-kula te le nje-kɔn dɔ mbambaje ke Rɔm

⁵ Kare te ke Jeju a ta tee Kapernayum a, mare nje-kɔn dɔ mbambaje ke Rɔm ddee ngɔsi saa ngaa duju kare numae.

⁶ Nje-kɔn dɔ mbambaje le pa na: «Nje-kula***** lem to key, debbe rɔe oy are naw noo ndoo to bbeel.»

⁷ Jeju pa are na: «Ma kaw kɔru rɔ-to laa le.»

⁸ A nje-kɔn dɔ mbambaje le ilae te na: «Ebbe-mje, mase kare ande key lem ang. Tar kara njaa a e-pa a, rɔ-to le nje-kula lem le a nunga.

⁹ E-ma, mare dew aw ɔn dɔm, ngaa mɔn dɔ mare mbambaje tɔ. Bbo m-pa mare mare kara m-pa na: <Aw!> A naw. Bbo m-pa mare mare m-pa na: <E-ddee!> A n̂-ddee. M-pa mare nje-kula lem m-pa na: <E-dda ne neenn!> A n̂-dda.»

¹⁰ Toke Jeju oo tar le nje-kɔn dɔ mbambaje le baann a, tar le nele to bbeel, ngaa n̂-pa nare dewje ke unnje goe na: «M-pa tar ke tɔkɔrɔ marese, nange te ke Ijarayel tɔyn, m-nayn minga mare dew ke koo me te laa bo toke be ang.

¹¹ M-pa marese: <Dewje nya a kinje lo-tee te le kare, ke lo-kande te le kare ta da kisije ta toku

ne-kusa te ke Abaraham, Ijake, ke Jakobbo me Bbe-kon te ke darâ.

¹² A dede ke Bbe-kon le to lede le, da kungude ddaka lo te ke ndul ngaa lo teenn le, da nonje ddem da ngerje ngangede ddem.> »

¹³ Goe te a, Jeju pa are nje-kon do mbambaje le na: «E-tel aw bbe lei. Ne ke e-duju le, a kinga woju do koo me te lei.» A kare teenn njaa, ro-to nunga ro nje-kula te le nje-kon do mbambaje le.

Jeju oru ro-to ro dewje te ke banya.

¹⁴ Toke Jeju ande key le Piyar a, noo mum Piyarje ke dene ke to key ke ro-to. Roe tunga nya.

¹⁵ Jeju oru ji dene le ngaa roe ke tunga le wul. Dene le in taar ngaa unn kutu dda saa.

¹⁶ Lo-kul a, n-ddeeje ke dewje ke eeje ke ro-to ndilje ke maji ang toke banya ro Jeju te. Tar ke ta Jeju te njaa tubba ne ndilje ke maji ang le ngaa noru ro-to ro dewje te le toyn.

¹⁷ N-dda baann bba kare tar le Ijayi nje-kila mber-tar le Lubba* ddee to tar ke tokoro. Tar le na:

«Noru namaje leje ke ddang,
ngaa n-taa ro-toje leje ke doe te.»

Dewje ke ndikije ta kunn go Jeju

¹⁸ Toke Jeju oo dewje ke banya banya ke gukeje le a, n-pa nare nje-njaje goe te kare dawje tura toku dange maann te.

¹⁹ A mare nje-koru gel ndu ddee pa are na: «Nje-ne-toju, lo toyn ke aw te a, ma kuwa goi.»

* **8:17** 8.17 Oo Ejayi 53.4

²⁰ Jeju ilae te na: «Mulaje eeje ke lo-kiya rɔ lede ddem, eelje ke darâ kara eeje ke key lede ddem. A Ngonn† le dew ee ke lo kara ta kula dɔe te ang.

²¹ Mare nje-nja goe te pa are na: «Nje-ne-tɔju, inya are maw m-dubbu bɔy bba.»

²² Jeju ilae te na: «Unn gom a inya yoje are dubbuje yoje lede.»

Jeju ndange bamburanbo are ew rɔe

²³ Jeju aal tɔku to ngaa, nje-njaje goe te danneje.

²⁴ A ta koo a, bamburanbo in dɔ tɔku dange maann te le. Maann le aw lenge ungu me tɔku to te le are naye ngosi ta ddusu, a Jeju naye aw tibbi.

²⁵ Nje-njaje-goe te awje ngosi saa aw ndoleje ngaa paje areje na: «Ebbe-dewje ajije! Ja ta koy!»

²⁶ Jeju ilade te na: «Mba ddi bba aw bbeelje wa? Sese ke koo me te lese bo ang.» Yeenn ngaa ni taar, n̂-ndange lel le ddem maann le ddem ngaa lo tel to ddekeke.

²⁷ Dede tɔyn njaa mede unda dɔ binya ngaa n̂-paje na: «Dew ddi njaa neenn bba lel, ke maann kara ooje tae neenn wa?»

Jeju tubba ndilje ke maji ang rɔ dingawje te joo

²⁸ Toke Jeju tee tura dange maann te, nange te le dewje ke Gadara a, dingawje joo inje dɔbareje te tilaje keme. Ndilje ke maji ang isije mede te.

† 8:20 8.20 Ngonn le dew to Jeju

N-ddaje singa nya are dew kara ndiki ta nday ke ddew ke dobareje te le ang.

²⁹ Duruje ekii na: «Ngonn le Lubba, ddi a aw sange roje te wa? E-ddee ta kula kemje ndoo kete bba kare ndoe ke Lubba woju le ase wa?»

³⁰ Ngosi ke lonn le, toku kusu bereje aw usaje ne.

³¹ Ndilje ke maji ang le ddaje rode to ndoo ro Jeju te na: «Bbo a ta tubbaje a, ulaje me kusu bereje te tonn.»

³² Jeju pa arede na: «Awje!» Ndilje ke maji ang le teeje me dingawje te le ngaa aw andeje me kusu bereje te le. A, a ta koo a, kusu bereje le toyn inje do kongo te ke ndew osoje me dange maann te le, ngaa doyje me maann te le toyn.

³³ Dingawje ke aw ngemje bereje le aynje awje me toku-bbe te, ngaa paje tar ne ke tee le, ke tar ne ke inga dingawje ke joo ke ndilje ke maji ang to mede te le toyn are dewje.

³⁴ Yeenn ngaa dewje toyn ke me toku bbe te le teeje aw tilaje kem Jeju le. Toke dooje a, n-ddaje rode to ndoo roe te kare note ke ddang nange te lede.

9

Jeju dda are ro dew ke debbe roe oy ddee maji

¹ Jeju aal toku to ngaa gange dange maann le tel aw toku bbe te laa. *

² Dewje ddeje roe te ke mare dingaw ke debbe roe oy ke dilae do tuwa te. Toke Jeju oo koo me te

* **9:1** 9.1 Bbe ke Jeju isi te kare teenn le to Kaperenayum. Ooje ke Marke 2.1

lede le a, pa are dew ke rœ oy le na: «Ngunnum, uwa are ngeng, tar majang lei òru ðoi te ngaa.»

³ Yeenn ngaa, mare nje-kòruje gel ndu paje mede te na: «Dew neenn aw taji Lubba.»

⁴ A Jeju gere keje lede ngaa dujude na: «Mba ddi bba eeje ke keje ke maji ang baann wa?»

⁵ Ta pa na: Tar majang lei òru ðoi te, wase ta pa na: In taar bbo e-nja. Yee ke dda ngeng ang wa?

⁶ M-ndiki kare e-gereje to Ngonn le dew ee ke singa ta kòru tar majang ðo dewje te ke nangê neenn.» Yeenn ngaa ñ-pa nare dew ke rœ oy le na: «In tar, unn tuwa lei bbo aw bbê.»

⁷ Dingaw le in taar ngaa aw bbê laa.

⁸ Toke dewje ke banya le ooje baann a, bbeel uta ðode ngaa ðosuje gaji Lubba mba singa ke baann ke nare dewje le.

Jeju bbar Matiye kare unn goe

⁹ Jeju òtu lo teenn le ngaa aw nday a, noo mare dingaw ke daw ñ-bbare na Matiye isi lo kula taa nare lambo te. Jeju pa are na: «Unn gom.» Matiye le in taar ngaa unn goe.

¹⁰ Goe te a, Jeju aw usa ne key le Matiye. Nje-taaje nare lambo, ke nje-ne-ddaje ke maji ang toke banya ddeeje usaje ne le ke Jeju de ke nje-njaje goe te.

¹¹ Toke Parijiyenje ooje neenn le a, ñ-paje dareje nje-njaje go Jeju te le na: «Mba ddi bba nje-ne-tòju lese aw usa ne ke nje-taaje nare lambo, ke dewje ke toje to nje-ne-ddaje ke maji ang wa?»

12 Jeju oo tar lede le ngaa pa na: «Dewje ke røde to ke maje aw sangeje nje-koru rō-to ang. Dewje ke røde to de bba.»

13 Yeenn a, maji kare aw sangeje ddew mba gere kande tar ke Lubba pa neenn: « Ndiki naa a m-ndiki bbo ne-polo ang. Mba dewje ke ooje røde to dewje ke gate gate a m-ddee ta bbarde ang. M-ddee mba nje ke ooje røde to nje-ne-ddaje ke maji ang.»

Tar mbete ne-kusa mba duju Lubba

14 Goe te a, nje-njaje go Jan Batisi te ddeeje ngosi ke Jeju ngaa dujeje na: «Mba ddi bba jeje ke Parijiyenje jaw inyaje ne-kusa taar taar mba duju Lubba a, nje-njaje goi te inyaje ne-kusa ang wa?»

15 Jeju ilade te na: «Ejeje to nje-buwa-kuraje le nje-dene ke siki a ndingaje ndoo kare te ke nje-taa dene le nayn ke de bbay wa? Baann ang. A kare a ddee kare dunn nje-taa dene le dotu ne, a da kinyaje ne kusa bbay.»

16 Dew a kunn ta kubbu ke siki kila ne kem ngisi kubbu ang. Mba ta kubbu ke siki le a dda kare do ke kem ngisi kubbu te le tel tiir ke kete bbay ngaa do ke kem ngisi kubbu te le a tel bo kuta ye ke kete.

17 Dew a kungu ben ke n̂-dda siki bbay me konn ku endaarje† te ang. Mba kuje le a tiirje ta ben le a kula nangê ngaa kuje le kara a tujuje nyom to. Kuje ke siki a daw dungu ben ke n̂-dda toke

† 9:17 9.17 Ku endaarje to ku ke Jiipije aw unguje koto ke daw n̂-bbar na vin kete. Endaar daje a n̂-ddaje ne ku le.

siki me te. Baann bba koto le ke kuje le a naynje ke maje.»

Jeju ɔru rɔ-to rɔ dene te, ngaa ndol mare ngonn ke dene ke oy.

¹⁸ Kare te ke Jeju aw pa tar arede toke baann a, mare tɔku dew le Jiipije ddee tee. Nɔsu mekeji gɔle nɔn Jeju te le ngaa n̂-pa na: «Ngunnum ke dene oy bbassine bbay neenn. A aw ɪla jii dɔe te a, na ndol.»

¹⁹ Jeju in taar ngaa, ne de ke nje-njaje goe te dunnje go dingaw le.

²⁰ A mare dene ke mese aw ddee rɔe te are aw oo ndoo bbal dɔku gire joo ddee giri Jeju te ngɔsi ngaa ɔru ta kubbu laa.

²¹ Mba n̂-pa mee te na: «Bbo le kubbu laa njaa bba minga ddew mɔru kara, rɔm a ddee maji.»

²² Jeju turu rɔe ooe ngaa pa na: «Uwa are ngeng, ngunnum ke dene, koo me te lei ajii mban.» A kare teenn njaa rɔ-to le nunga rɔe te.

²³ Toke Jeju aw key le tɔku dew le Jiipije le, ngaa oo dewje ke aw kɔlje mbula ddem, dewje ke banya ke aw nɔnje aw uruje ne ekii ddem a,

²⁴ n̂-pa na: «E-teeje ke ddaka. Ngonn ke dene le oy ang, naw n̂-tibbi.» A dewje le kokoeje.

²⁵ Toke n̂-tubbaje dewje ke banya le dare teeje ddaka a, Jeju ande key le, uwa ji ngonn ke dene le ngaa in taar.

²⁶ Tare nja dɔ nange te le tɔyn.

Jeju dda are kem nje-kem-tɔje joo ddee maji

²⁷ Toke Jeju in lo tenn le aw nday ke kete a, nje-kem-tɔje joo unnje goe ngaa uruje ekii na: «Ngonn le Dabbiti, oo kem-to-ndoo leje!»

28 Toke Jeju ande key a, nje-kem-toje le ddeeje ngosi saa ngaa Jeju le dujude na: «Ooje mese te to mase ta dda neenn wa?» Dilaeje te na: «Ebbe-dewje, ase ta dda.»

29 Yeenn ngaa Jeju oru kemde ke jia ngaa pa na: «Maji kare ne ke e-dujuje le ddee tokoro ase kem koo me te lese.»

30 Kemde le uja, ngaa Jeju ndore mbide nya na: «Ooje ke maje, maji kare dew kara gere tare ang.»

31 A kake nje-kem-toje le teeje ddaka a paje tar le Jeju do nange te le toyn are dewje.

Jeju dda are dew ke tae utu tel pa tar

32 Toke Jeju de ke nje-njaje goe te n-teeje ta kotu a, dewje ddeeje roe te ke mare dingaw ke ndil ke maji ang ddae are pa tar ang.

33 Jeju tubba ndil ke maji ang le ngaa dingaw le unn kutu pa tar. Ne le gange singa dewje ke banya ke eeje teenn ngaa n-paje na: «Joo ne ke be ndo kara nange Ijarayel te ang.»

34 A Parijiyenje paje na: «Mbay le ndilje ke maji ang a are Jeju singa ke ta tubba ne ndilje le.»

Jeju oo kem-to-ndoo le dewje ke banya

35 Jeju nja me toku bbeje te, ke me ngann bbeje te toyn. N-toju ne key-mbon naaje te le Jiipije, nila mber Tar ke majiwaju do kon-mbay le Lubba. Noru ro-toje toyn ro dewje te, ngaa n-dda nare ro dewje ke debbe rode tuju ddeeje maji.

36 Jeju oo dewje ke banya le a, ddae ndoo. Mba dewje le singade oru ddem, rode oy njururu

ddem, ddew kara baa toke bateje ke nje-ngemde goto.

³⁷ Yeenn ngaa, Jeju pa are nje-njaje goe te na: «Kula kuja koo le bo nya, a nje-kujaje koo le bayanje ang.

³⁸ Yeenn a, e-dujuje nje-ndoo le are nula mare nje-kulaje bbay ta kula te le.

10

Jeju bbar nje-kayn-kulaje laa ke doku gire joo

¹ Jeju bbar nje-njaje goe te doku gire joo. Narede singa kare n̂-tubba ne ndilje ke maji ang, kare doru ne ro-toje toyn, kare n̂-ddaje dare ro dewje ke debbe røde tuju ddeje maji.

² Ri nje-kayn-kulaje ke doku gire joo le na: Dongor dew to Simo ke daw n̂-bbare na Piyar, ke ngokoen Andere. Jake ngonn le Jebbede, ke ngokoen Jan.

³ Pilipi de ke Batalami, Toma de ke Matiye ke to nje-taa nare lambo*, Jake ngonn le Alpe, ke Tade.

⁴ Simo dew ke ndiki bbe laa nya†, ke Judase Iskariyote ke a to nje labbe Jeju.

Jeju ula nje-kayn-kulaje ke doku gire joo le

⁵ Kete bba kare Jeju ula nje-kayn-kulaje ke doku gire joo le a, n̂-ndejede na: «Dewje ke toje to Jiipije ang a, awje røde te ang ddem, andeje me bbe te le dewje ke Samari ang ddem.

* **10:3** 10.3 Ooje Matiye 9.9. Kula le Matiye lew to kula taa nare lambo † **10:4** 10.4 Simo to kara le Jiipije ke aw ddaje singa mba tee ke bbe lede ko bbere te le Romeje ke aw wonje dode

⁶ A, awje rɔ dewje te ke Ijarayel ke toje toke le bateje ke naynje.

⁷ Kare kawse a, ilaje mber e-paje na: Bbe-kɔn ke darâ ee ngɔsi.

⁸ Ɔruje rɔ-to rɔ dewje te, e-ndolje dewje ke oy, areje rɔ nje-banjije ddee maji, ngaa e-tubbaje ndilje ke maji ang. Ingaje ne le baa, ta areje dewje baa njaa tɔ.

⁹ Unnje ande, wase nare, wase kande nare unguje me bbɔl te lese ang.

¹⁰ Unnje bbɔl mba kaw ne nja te lese le ang. E-jinje dɔ-kubbu ke taar joo ang ddem, ne-gɔl ang ddem, unnje kake ke ta kuwa jise te ang ddem. Mba maji kare dare dew ke aw dda kula ne-kusa tae.

¹¹ Toke e-teeje mare tɔku-bbe te wase ngonn bbe te a, e-sangeje dew ke a kase mba taase ke key laa, ngaa ta isije rɔe te ndereng ɔtuje ne.

¹² Toke a ta kandeje me key te a, e-ddaje lapiya nje-keyje le.‡

¹³ A bbo nje-keyje le taase ke key a, maji kare lapiya lese le arede me-wul-lɔm. A toke n̂-taase ke key ang a, maji kare me-lɔm lese tel ke rɔse te.

¹⁴ Toke e-teeje mare key te wase mare tɔku-bbe te a, dewje taase ke key ang a, kɔtuse a, e-tundaje bum-gɔlse.

¹⁵ M-pa tar ke tɔkɔrɔ marese. Ndɔ gange sariya a, sariya ke da gange dɔ nje-bbeje teenn a ngeng kuta sariya ke da gange dɔ dewje te ke Sɔdɔme

‡ **10:12** 10.12 Lapiya bbe le Jiipije pa na: Me-wul lɔm isi ke se.

ke GómorŞ.»

Ne singaje ke a kinga nje-njaje-go-Jeju te

¹⁶ «Ooje, mulase toke le bateje horo enjakem-jarje te. Yeenn a, maji kare aaje rōse toke le li aw aa rōe ddem, areje tar to dōse te ang toke le derje.

¹⁷ Aaje rōse rō dewje te, mba da kaw ke se non sariya te, ta da tundase ke ndey me key-mbon naaje te lede.

¹⁸ Da kaw ke se nō-gol nje-kon bbeje te, ke nō-gol tōku-mbayje te wōju dōm. Kare teenn a paje tar-naji lem karede ddem, kare dewje ke toje to Jiipije ang ddem.

¹⁹ A toke daw ke se lo gange sariya te a, areje mese sangese wōju dō tar ke a paje wase, gusu ke a paje ne tar le ang. Kare teenn njaa, Lubba a karese tar ke a paje.

²⁰ Mba, sese bba a paje tar le ang, a Ndil le Bōsese, a a kunda tar le tase te kare e-paje.

²¹ Dewje a kila ngakōnde ji dewje te kare n̂-tolde. Bō-ngannje a ddaje toke baann ke ngannde tō. Ngannje a telje to nje-baanje le bōdede ke le kōdede ngaa da dda kare n̂-tolde.

²² Dewje tōyn a mbetejese wōju dōm. A dew ke uwa are ngeng ndereng ddotu ndō te a, a kinga kaji.

²³ Toke n̂-dda singa ke se mare tōku bbe te a, aynje awje mare te. M-pa tar ke tōkōrō, a nayn njaje me tōku bbeje te ke Ijarayel tōyn ang bbay a, Ngonn le Dew a ddee.

Ş **10:15** 10.15 Sodome ke Gomore to bbeje ke dunnde to ne-koju-mare le bbeje ke majang to ke te nya. Ooje Genese 19.

24 Nje-ndo-ne uta nje-ne-toju ang ddem, nje-kula a kuta ebbeeje ang ddem.

25 Toke nje-ndo-ne ddee toke le nje-ne-toju laa wase, nje-kula ddee toke le ebbeeje a, yeenn ase. Toke dewje bbarje nje-key to Belejebul a, da taji ngann nje-keyje uta yeenn.»

Kunda me dɔ Lubba te

26 «Arje bbeel le dew ddase ang, mba mare ne kara ke to lo-kiyae te ke a tee ke ddaka ang goto, ngaa neje toyn ke n̂-kusu dɔe dewje a gereje.

27 Tar ke m-pa marese til te a, sese, maji kare e-ndajije areje dewje kara. A bbo n̂-pa tar darese hɔy be a, maji kare ilaje ne mber nata.

28 E-bbeelje dewje ke aw tɔlje da-rɔ dewje ang, mba daseje ta tɔl kewn le dew ang. A Lubba a maji kare e-bbeejeje. Ne a nase ta dda kare kewn le dew ddem, da-rɔ dew ddem tujuje kem puru te ke ke ndɔ ke ndɔ.

29 Daw n̂-labbe ngann eelje joo gusu kara ang wa? A toke Bɔsese ndiki ang a, ngonnn eel kara a kase koso nangê ang.

30 A sese, ben dɔse kara Lubba tura kara kara toyn.

31 Yeenn a, areje bbeel ddase ang. Kem Lubba te e-ngengje uta ngann eelje ke banya.

32 Yeenn a, toke dew pa kem dewje te to n̂-to nje-nja-gom te a, ema kara ma pa nɔ gɔl Bɔy te ke ee dara to n̂-to dew lem tɔ.

33 A toke dew pa kem dewje te na: «M-to dew le Jeju ang» a, ema kara ma pa nɔ gɔl Bɔy te ke ee dara na: «Dew neenn to dew lem ang» tɔ.

Dewje a kaynje naa wɔju dɔ Jeju

³⁴ Ejeje to m-ddee ta kila me-wul-lom do nange te neenn ang. M-ddee ta kila me-wul-lom ang, ddo a m-ddee ta kila nangê.

³⁵ M-ddee ta kila kayn-naa horo dew te ke boeje, horo ngonn ke dene te de ke koenje, ngaa horo ngonn ke dene te de ke mumeje ke dene.

³⁶ Nje ke me key te le dew njaa a toje to nje-baanje laa.

Maji kare n-toje ngosi ta kare tebbe leje toke Jeju

³⁷ Dew ke ndiki boeje wase koenje utam, a kase ta ddee to dew lem ang.

³⁸ Dew ke oto kake-dese laa bba nja ne gom te ang, a kase ta ddee to dew lem ang.

³⁹ Dew ke ndiki ta ngem tebbe laa a, tebbe laa le a nayn ke korɔ nyom. A dew ke are tebbe laa nayn ke korɔ woju dom a, na tel kinga tebbe laa le.

Dew ke taa nje-njaje-go Jeju te ke roe te a, taa Jeju to

⁴⁰ Toke dew taase ke roe te a, ema njaa n̂-taam. A dew ke taam ke roe te a, taa dew ke ulam to.

⁴¹ Dew ke taa nje-kila mber-tar le Lubba ke roe te, mba dew ke n̂-taae le to nje-kila mber-tar le Lubba a, na kinga kuka ke nje-kila mber-tar le Lubba aw inga. A bbo dew taa dew ke gate gate ke roe te, mba dew ke n̂-taae le to dew ke gate gate a, na kinga kuka ke dew ke gate gate aw inga.

⁴² M-pa tar ke tokoro marese: «Maann ke wul ke engo te baa njaa bba dew are dew ke ngaji

horo ngamareje te, mba dew ke ngaji le to nje-nja gom te a, kuka laa a koso nangê ang tɔ.

11

¹ Toke Jeju ndeje nje-njaje goe te ke dɔku gire joo le nunga a, nɔtu naw me tɔku-bbeje te ke dɔ nange teenn ta tɔju ne ddem ta kila mber-tar ddem.

Jan Batisi ula nje-njaje goe te rɔ Jeju te

² Toke Jan Batisi nawn key-kula te a, oo tam kula ke Kiriste aw dda. Yeenn a, nula mare nje-njaje goe te rɔe te nare,

³ daw n̂-dujeje na: «Ei a e-to Mesi* ke a ta ddee le wase maji kare n-ngebbe mare dew dang wa?»

⁴ Jeju ilade te na: «Ne ke ooje ke mbise ddem, ke kemse ddem neenn le, aw paje areje Jan le:

⁵ Nje-kem-tɔje ooje lo, nje-meteje njaje, rɔ nje-banjije ddee maji, nje-mbikutuje ooje tar ddem, dewje ke oyje ndolje ddem, ngaa dila mber Tar ke maji dare nje-ndooje.

⁶ Rɔ-neel to mba dew ke ema a ma to nje-dda kare koo-me te laa oso ang.»

Jeju pa tar dɔ Jan Batisi te

⁷ Toke nje-njaje-go Jan te le telje a, Jeju unn kutu pa tar ke dɔ Jan te are dewje ke banya ke eeje lo teenn le na: «Ddi a awje aw ooje me kɔr te wa? Aw ooje muje ke lel aw yeke wa?

⁸ Bbo to ye ang a, ddi a awje aw ooje wa? Aw ooje mare dingaw ke ula kubbu ke kura wa? A dewje ke ulaje kubbuje ke kura isije key-mbay te.

⁹ Yeenn a, ddi njaa awje aw ooje le wa? Mare nje-kila mber-tar le Lubba wa? Tɔkɔrɔ, m-pa marese, nuta nje-kilaje-mber-tar le Lubba bbay.

¹⁰ Jan le a n̄-dda tar laa me Maketurute le Lubba na:

«Ma kula nje-kayn-kula lem n̄ɔi te kare n̄-mɔse ddew n̄ɔi te.»

¹¹ «Tɔkɔrɔ m-pa marese: «horo dewje te toyn ke deneje ujude, mare dew ke bo uta Jan-Batise goto. A dew ke to ten uta keseje me Bbe-kɔn te ke dara bo utae.

¹² Unn kute dɔ ndɔ te le Jan-Batise ndereng bbasine, daw n̄-dda singa mba Bbe-kɔn ke dara. Ngaa nje-singaje a aw sangeje ddew ta taa.

¹³ Mba nje-kilaje mber-tar le Lubba, ke Ndu le Moyiji paje tar bbe-kɔn le Lubba ndereng tee ndɔ Jan te.

¹⁴ A bbo e-ndikije te sem a, ne njaa n̄-to Eli ke na a ddee le.

¹⁵ Maji kare dew ke mbia to a oo tar neenn!

¹⁶ «Ddi a ma kunn kɔju ne dewje ke bbasine neenn wa? N̄-toje ddew kara baa toke ngannje ke isije nata ngaa paje ke taar areje ngann marde na:

¹⁷ «N-kɔl mbula kare e-laje ne, a e-laje ang, jɔsu pa yo jarese a, e-nɔnje ne ang to».

¹⁸ Mba Jan Batise ddee a, usa ne ang ddem, ay ne ang ddem. A dewje paje na: «Ndil ke majang to mee te.»

¹⁹ Ngonn le dew ddee ngaa usa ne ddem, ay ne ddem, a dewje paje na: «N̄-to nje-ne-kusa, ke nje-ne kay. N̄-to nje-buwa-kura le nje-taaje nare-lambo ddem, le nje-ne-ddaje ke maji ang ddem.»

A dewje ooje kem-kare ke in rō Lubba a, n̄-gereje to kem-kare le aw dda ne ke maji.»

Dewje ke bbeje te ke mbeteje ta koo-mede te ke Jeju

²⁰ Yeenn ngaa, Jeju unn kutu kōl ke dewje ke bbeje te ke n̄-dda ne-mōrije ke te nya uta keseje tōyn, mba n̄-mbeteje ta turu ddew lede.

²¹ N̄-pa na: «See dewje ke Korajen, to ndoo nya arese! See dewje ke Betesayida, to ndoo nya arese! Ne-mōrije ke m-dda horose te neenn, toke m-dda me bbeje te ke Tir ke Sidōn a be a, lew baa njaa dewje ke me bbeje teenn a kulaje kubbu-ndoo ddem, da kungu bu puru dōde te ddem ngaa da turuje ddew lede.

²² Mba yeenn a, m-pa marese : « Ndō gange sariya a, sariya ke dōse te a ngeng kuta sariya ke dō Tir te ke dō Sidōn te.

²³ «A see dewje ke Kapernayum, ejeje to Lubba a kunn bbe lese ke taar ndereng kōru ne dara wa? Na tel ke bbe lese ndereng lo te le dewje ke oy. Mba ne-mōrije ke m-dda bbe lese, toke m-dda Sōdōm a bbe le a nayn ndereng bbokone bbay.

²⁴ Mba yeenn a, m-pa marese, ndō gange sariya a, sariya lese a ngeng kuta sariya le dewje ke Sōdōm.»

Jeju tōju bōeje are dewje ke ten ereje

²⁵ Kare teenn, Jeju pa na: «Mōsu gajii Boy, Ebbe-dewje ei ke ɔn dō dara ddem, nange ddem, mba iya neje neenn le nje-kem-kareje ddem, nje-ne-gereje ddem. A e-tōju nejeenn le dewje ke toje to dewje ke ten baa.

²⁶ Tɔkɔrɔ bɔy, mba ei njaa e-ndiki kare to toke baann.

²⁷ Bɔy arem ne tɔyn mban. Dew kara gere Ngonn le ang, Bɔ njaa kara baa. Dew kara gere Bɔ ang tɔ, Ngonn njaa kara baa. A dew ke Ngonn le njaa ndiki tɔje Bɔ le bba a gere.»

Maji ta ddee rɔ Jeju te kinga lo-kuwa-rɔ

²⁸ «E-ddeeje rɔm te, sese tɔyn ke ne-koto aw ɔyse are rɔse nyase, a ma kare uwaje rɔse.

²⁹ E-taaje juku lem otoje, ngaa areje m-tɔjuse ne, mba m-wul pee ddem, mem to me ngonn kase ddem. Yeenn bba a kuwaje rɔse.

³⁰ Mba juku ke ma kunda gɔsuse te ɔɔy ang ddem, ne-koto ke marese kare otoje kara ɔle pelpel ddem.

12

Jeju to nje-kɔn dɔ ndɔ kuwa-rɔ

¹ Dɔ ndɔe teenn, Jeju aw nday me ndɔɔ beleje te ke ndɔ-kuwa-rɔ*. Bbo dda nje-njaje goe te ngaa daw n̂-teteje jinga beleje le daw dusaje.

² Toke Parijiyenje ooje baann a, n̂-paje dareje Jeju na: «Oo, nje-njaje goi te aw ddaje ne ke ase kare dew dda ndɔ-kuwa-rɔ te ang.»

³ A Jeju ilade te na: «Ne ke Dabbiti dda dɔ ndɔ te ke bbo ddae, ne de ke dewje laa le, e-turaje tare me Maketurute ang wa?

⁴ Dabbiti de ke dewje laa le dandeje me key te le Lubba ngaa dusaje mapa ke dare Lubba to ne-polo. De ke ddew ta kusa mapa le ang mba to ne-kusa ke nje-poloje Lubba ke karede baa a aseje ta kusa.

⁵ N-dda me Maketuru-ndu te na: Ke ndo-kuwa-ro, nje-poloje Lubba aw ddaje kula me key-polo-Lubba te. Yeenn to daw ngem ndu ke woju do ndo-kuwa-ro ang, a tar kara to dode te ang.

⁶ A m-pa marese, mare ne ke bo uta key-polo-Lubba to neenn.

⁷ Maketuru le Lubba na: M-ndiki kare dewje ndiki naa bbo m-ndiki ne-polo ang a. Toke e-gereje kande tar neenn a, dewje ke tar to dode ang le, a kundaje tar dode te ang.

⁸ Mba Ngonn le dew a to nje ndo-kuwa-ro.

Jeju dda are dew ke jia oy ddee maji

⁹ Jeju otu lo teenn ngaa aw ande key-mboñ-naa te le Jiipije.

¹⁰ Mare dew ke jia oy ee teenn. A Parijiyenje ndikije ta kunda tar do Jeju te ngaa dujueje na: Dew ee ke ddew ta koru ro-to ke ndo-kuwa-ro wa?

¹¹ Jeju ilade te na: Na horose te neenn, bbo ee ke bate kara baa, ngaa bate le oso me buwa te ke ndo-kuwa-ro a, a kore ke ddaka ang wa?

¹² A dew uta bate ang wa? Yeenn a, ndu are ddew ta dda maji ke ndo-kuwa-ro.

¹³ Yeenn ngaa Jeju pa are dingaw le na: «E-ndoju jii.» A ñ-doju jia le ngaa, jia le ddee maji toke ye ke kara.

¹⁴ A Parijiyenje le teeje ddaka ngaa mbonje naa ta kuwa dode ta koo ddew ke ta tol ne Jeju le.

Jeju to nje-kula ke Lubba mbere

¹⁵ Toke Jeju oo tar tole le a otu lo teenn ke ddang. Dewje banya banya unnje goe ngaa noru ro-toje lede toyn.

16 A ñ-ndejede nya kare ñ-pa tar dœ te dare dewje ang.

17 Yeenn bba tar ke Ijayi nje-kila mber-tar le Lubba pa ddee ne to tar ke tɔkɔɔ. Tar le na:

18 «Lubba pa na:

Ne neenn a ñ-to Nje-kula lem ke m-bere.

Ne ke m-ndike nya, ngaa minga rɔ-neel ddew te laa.

Ma kare Ndil lem isi dœ te,
kare nila mber ne-dda ke gate gate nare dewje
ke toje to Jiipije ang.

19 Na kɔl ke dew kara ang ddem,
na kuru ekii ang ddem.

Dew kara kara a koo ndue go ddew te ang.

20 Na kuwa kare mu ke tete mban guru ang.

Na tɔl puru ke a ta koy ang.

Na dda ne toke baann ndereng kare
ne ke to ke ddewe tɔy dɔ neje tɔyn,

21 ngaa dewje ke toje to Jiipije ang a kundaje
mede dœ te.»

Jeju tubba ndilje ke maji ang

22 Dewje ddeeje ke mare dew ke ndilje ke maji
ang isije mee te are dew le oo lo ang ddem, oo
tar ang ddem. Jeju ɔru rɔ-to le dew le are noo lo
ke maje ddem noo tar ke maje ddem.

23 Neenn le gange singa dewje ke banya le ngaa
paje na: «Ngonn le Dabbiti le a neenn ang wa?»

24 Toke Parijiyenje ooje tare a paje na: «Din-
gaw neenn aw tubba ndilje ke maji ang ddew
singa te le Belejebul ke to mbay le ndilje ke maji
ang.»

25 Jeju gere keje lede ngaa pa arede na: «Toke
dewje ke me mare bbe-kɔn te uruje dɔ naa te

ngaa tinje naa a, bbe-kon le a tuju. Ngaa, toke dewje ke me toku bbe te wase ke me key te uruje do naa te ngaa tinje naa a, da kaseje ta nayn ang.

²⁶ Toke satan tubba satan a, yeenn to ne njaa naw n̄-dda ddo ke roe. A bbe-kon laa le a tel nayn toke baann wa?

²⁷ A bbo e-paje na ddew singa te le Beljebul a maw m-tubba ne ndilje ke maji ang a, nje ke lese, singa le na ngaa a dede daw n̄-tubba ne de wa? Nje ke lese le njaa a tojuje to tar lese to ke dogole ang.

²⁸ A toke ddew singa te le Ndil le Lubba a maw m-tubba ne ndilje ke maji ang a, yeenn toju to kon-bbe le Lubba tee dose te ngaa.

²⁹ Toke dew ndiki ta kande key le dew ke ubba singa nya, ta taa ne-kingaje laa a, maji kare nuwa nje-singa le n̄-toe kete ngaa bba goe te a, na koto neje toyn ke to me key te le.

³⁰ Dew ke to dew lem ang to nje-baan lem. Ngaa dew ke mbon ne sem ang to dew ke aw saren ne koru.

³¹ Mba yeenn a, m-pa marese, Lubba a koru tar majangje toyn ke tar taji ke dewje aw n̄-tajeje do de te. A na koru tar do dew te ke taji Ndil-me-nda ang.

³² Toke dew pa tar ke mbete ngonn le dew a, Lubba a koru tar do te. A toke dew pa tar ke mbete Ndil-me-nda a, Lubba a koru tare do te bbokone neenn ang ddem, ndo te ke bara ang ddem.

Tar ke do kake te, ke do kandeje te.

³³ Toke kake maji a kande kara maji tɔ. Toke kake tuju a kande kara a tuju tɔ. Mba dew gere kake ddew te le kande.

³⁴ See embakanraje. Sese ke e-majije ang le a kaseje ta pa tar ke maji toke baann wa?. Mba tarje ke ddusu me dew a aw tee tae te.

³⁵ Dew ke maji aw tee ke neje ke maji, ke toje mee te ke maji ke ddaka. A dew ke maji ang aw tee ke neje ke maji ang ke toje mee te ke maji ang ke ddaka tɔ.

³⁶ M-pa marese, tarje ke baa baa tɔyn ke dewje aw paje, da telje ke tar dɔe te ndɔ gange sariya te.

³⁷ Mba Lubba a kunda tar doi te wase na kɔru tar doi te wɔju dɔ tar pa lei.

Dewje dujuje kare Jeju dda ne-mɔri

³⁸ Yeenn ngaa, mare nje-kɔruje gel ndu ke mare Parijiyenje paje areje Jeju na: «Nje-ne-toju, e-dda mare ne-mɔri are joo.»

³⁹ Nilade te na: «Dewje ke bbokone ke toje to dewje ke majije ang ddem, dewje ke toje gate gate ang ddem dujuje ne-mɔri. A bbay ne-mɔri ke da koo a to ne ke inga nje-kila mber-tar le Lubba Jonase.

⁴⁰ Mba ddew kara baa toke Jonase dda ndɔ mota ke til mota me tɔku kanji te, Ngonn le dew a dda ndɔ mota ke til mota me nange te tɔ.

⁴¹ Ndɔ gange sariya a, dewje ke Ninibe a kinje ta gange sariya dɔ dewje te ke bbasine neenn. Mba dewje ke Ninibe le, Jonase ila mber-tar arede a, n̂-turuje ddew lede. A dew ke uta Jonase ee neenn.

⁴² Ndo gange sariya a, mbay-dene ke beer a kin ta gange sariya do dewje te ke bbasine neenn. Mba lew, ni koyñ nange te mba kaw koo tar kem-kare le salomɔ. A mare dew ke uta Salomɔ ee neenn.

Tar tel le ndil ke maji ang me key te laa

⁴³ Toke ndil ke maji ang tee me dew te ke ddang a, naw ñ-sange lo me kor te ke ndo maann to te nungu yo, nungu ne ta kinga lo ke ta kuwa roe ke te a, ninga lo ang.

⁴⁴ Yeenn ngaa ñ-pa mee te na: «Ma tel key lem ke minya lew le.» Toke ñ-tel key le ngaa, noo a, to baa, me key le are ngate ngate ddem, toke moese ddem.

⁴⁵ Yeenn ngaa, naw ñ-jin mare ndilje ke maji ang nya utae bbay dode siri ñ-ddee kede ngaa, dandaje me key te le disije te. Goe te a, kisi le dew le tel maji ang nya uta ye ke kete. Ne ke a kinga dewje ke maji ang ke bbasine neenn a to ddew kara baa toke baann to.

Nje-nujuje le Jeju ke tokoro

⁴⁶ Toke Jeju nayn aw pa tar ke dewje ke banya le bbay a, kɔenje ke ngakɔenje ñ-ddeje darje ddaka ngaa daw ñ-sangeje ddew ta pa saa tar.

⁴⁷ Mare dew pa are na: «Kɔinje ke ngakɔinje darje ddaka ngaa, daw ñ-sangeje ddew ta pa sei tar.»

⁴⁸ Jeju ila dew ke aw pa tar are le na: «Na bba to komje wase, nje ke dda bba to ngakomje wa?»

⁴⁹ Goe te a nula jia ke ro nje-njaje goe te ngaa ñ-pa na: «Komje ke ngakomje a neenn.»

50 Toke dew dda ne ke me bɔmje ke darâ ndiki a, dew le to ngokɔm, to kɔnanem, wase to kɔmje.»

13

Gusu-tar dɔ nje-ne-dubbu te

¹ Ndɔe teenn njaa, Jeju tee me key te ke ddaka, aw isi kar tɔku dange te.

² Dewje banya banya mɔɔnje naa rɔe te. Yeenn a, naw naal tɔku to nisi me te. A dewje le toyn arje ta kongo dange te le.

³ N̂-pa tar nya nya narede ddew gusu-tar te, n̂-pa na: «Mare dew aw ke ndɔɔ ta dubbu ne.

⁴ Kare ke naw n̂-dubbu ne le a, mare kande-ko le gayn dɔ ddew te. Eelje ddeeje ngaa ɔnje kande-ko le.

⁵ Mare kande ko le gayn dɔ nange te ke to er are nange ndeer dɔe te ang. Koje le teeje njange baa mba nange le ndeer ang.

⁶ A toke kare ɔsu nya a, puru kare le ɔn koje le are tutuje, mba ngirade ande nangê nya ang.

⁷ Mare kande ko le gaynje horo konnje te. Konnje le ngalje ngaa taa dɔ koje le.

⁸ A mare kande ko le gayn dɔ-nange te ke maji ngaa andeje. Mare ande dɔdɔku, mare dɔ misan, a mare ande dɔ mɔta.

⁹ Dew ke ee mbi a, maji kare oo tar neenn.

Jeju unn gusu-tarje pa ne tar mba ddi wa?

¹⁰ Nje-njaje-go Jeju te ddeeje rɔe te ngaa dujeje na: «Mba ddi bba e-pa tar arede ddew gusu-tar te wa?»

¹¹ Jeju ilade te na: «Sese, Lubba arese ddew ta gere neje ke toje lo kiyae te me Bbe-kɔn te laa ke darâ. A dede, narede ddew ang.

¹² Mba dew ke ee ke ne a, da kila mare dɔe te kare, kare ne-kinga laa banya ne. A dew ke ne laa goto le, yee ke ten ke nee ne kara, da kɔru jia te ke ddang.

¹³ Mba yeenn a maw m-pa ne tar marede ddew gusu-tar te mba daw daaje loo a dooje ne ang ddem, mbide aw oo tar a, dooje tar ang ddem, a n̂-gereje kande ang ddem.

¹⁴ Yeenn a, tar le Lubba ke Ejayi nje-kila mber-pa laa pa wɔju dɔde le ddee ne to tar ke tɔkɔrɔ. Tar le na:

«A kooje tar ke maje a, a gereje kande ang, a kaaje lo ke maje a, a kooje ne ang.

¹⁵ Mba dɔ dewje neenn ketere nya.

Dutuje mbide ta koo tar ang,
n̂-bbirije kemde ta koo lo ang,
Yeenn a n̂-gereje ne kande tar ang,
Ngaa n̂-turuje ddew lede ang
kare mɔru rɔ-toje lede ang.

¹⁶ A sese, rɔ-neel to lese mba kemse aw oo ne ddeem, mbise aw oo tar ddem.

¹⁷ Mba m-pa marese tar ke tɔkɔrɔ, Nje-kilaje mber-tar le Lubba toke banya, ke dewje ke toke gate gate ke Lubba toke banya ndikije ta koo ke kemde ne ke aw ooje neenn a, dooje ang, n̂-ndikije ta koo ke mbide, a dooje ang.»

Jeju ɔru gel gusu-tar ke dɔ nje-ne-dubbu te le

¹⁸ « Ooje gel gusu-tar ke dɔ nje ne-ddubu te le.

¹⁹ Dewje ke ooje tar dɔ Bbe-kɔn te le Lubba a gereje kande tar le ang, toje ddew kara baa toke dɔ ddew ke kande koo gayn te le. Nje-baan ddee ɔru ne ke n̂-dubbu mede te le ke ddang.

²⁰ Mare dewje toje ddew kara baa ke nange ke to er. Toke dooje tar le a, n̂-taaje ke rɔ-neel njange baa.

²¹ A tar le ungu ngira nange mede te ang, goe ew mede te ang. Bbo ne-kem-to-ndoo, wase ne-singa ddee ingade wɔju dɔ tar le Lubba a, koo me te lede oso njange baa.

²² A mare dewje toje ddew kara baa ke nange ke konnje ubbaje te le. Dooje tar le ke maje, a keje tarje wɔju dɔ neje ke nange neenn, ke bbo ne-kingaje tɔy dɔ tar le are tar le ande ang.

²³ A mare dewje toje ddew kara baa ke nange ke maji ke n̂-dubbu ne te. Dooje tar le a, n̂-gereje kande ke maje ngaa dandeje kande. Mareje andeje dɔdɔku, mareje andeje dɔmisan, a mareje andeje dɔmota.»

Gusu-tar dɔ mu te ke maji ang

²⁴ Jeju tel pa mare gusu-tar arede na: «Bbe-kɔn ke dará to ddew kara baa ke dew ke dubbu kande-ko ke maji me ndɔɔ te laa.

²⁵ Kare ke dewje aw tibiije til te a, mare nje-baan ddee dubbu mu ke maji ang horo ko te ke maji le a ɔtu.

²⁶ Kare ke koje le teeje ngaa aw andeje a, mu ke maji ang le tee tɔ.

²⁷ Nje-kulaje le nje-ndɔɔ le ddeje rɔe te ngaa paje na: «Ebbejeje, kande-ko ke maji a e-dubbu

ndoo lei. A lo ke dda bba mu ke maji ang neenn in te wa?»

²⁸ Nilade te na: «Mare nje-baan a dda neenn.» Yeenn ngaa nje-kulaje le dujeje na: E-ndiki kare jaw n̄-toru mu ke maji ang le ke ddang wa?»

²⁹ Nilade te na: «E-toruje ang mba, kare aw toruje mu ke maji ang le a, e-toruje ne koo ke maji le to.

³⁰ Inyajede are n̄-nduje naa te ndereng ndo kuja ko te. A bbo ndo kuja ko le ase a, ma pa kare nje ke a kujaje koo le na: E-toruje mu ke maji ang le dongor, ngaa e-toje ke doe doe ta ulaje puru te.» Goe te a e-toje koo ke maji le unguje me dam te lem.»

Gusu-tar do kande ko te ke ria na Mutarde

³¹ Jeju tel pa mare gusu-tar arede bbay na: Bbe-kon ke darâ to ddew kara baa ke kande ko ke ria na motarde ke dew unn ngaa dubbu me ndoo te laa.

³² To kande ko ke to ten uta kese kande koje toyn. A toke n̄-tee a, n̄-ngal nuta kese koje toyn ke me ndoo te. N-ddee to kake are eelje ke darâ ddeeje ddaje key lede me barkemeje te.»

Gusu-tar do wum te

³³ Jeju pa mare gusu-tar arede bbay na: «Bbe-kon ke darâ to ddew kara baa ke wum ke dene unn ngaa bokolo ke nduju ase sambe kara are boru nduju le ti.»

Jeju aw pa tar ddew gusu-tarje te mba ddi wa?

³⁴ Ddew gusu-tarje te a Jeju aw pa ne tarje neenn toyn are dewje ke banya. Mare tar kara ke na pa karede baa a kinya gusu-tar goto.

³⁵ Yeenn bba tar le Lubba ke nje-kila mber-tar pa le ddee ne to tar ke tɔkɔrɔ. N̄-pa na:
«Ma kunn gusu-tar bba ma pa ne tar,
Ma kila mber neje ke toje lo-kiyae te unn kutue
ɔɔ ndɔ te ke m-dda ne neje tɔyn.»

Jeju ɔru gel gusu-tar ke ɔɔ mu te ke maji ang

³⁶ Yeenn a, Jeju inya dewje ke banya le ngaa aw key. Nje-njaje-goe te awje ngɔsi saa ngaa paje areje na: « ɔru gel gusu-tar ke ɔɔ tiro te le areje joo.»

³⁷ Nilade te na: «Nje-dubbu ko ke maji le to Ngonn le dew.

³⁸ Ndɔɔ le to dewje ke ɔɔ nange te. Ko ke maji le to dewje ke me Bbe-kɔn le. A mu ke maji ang le to dewje ke toje to engan Nje-baan.

³⁹ Nje-baan ke dubbu mu ke maji ang le to Esu. Ndɔ kuja kande ko le to ddotu ndɔ, nje-kujaje kande ko le to anjije.

⁴⁰ Ddotu ndɔ a, ne a to ddew kara baa toke daw n̄-tɔru mu ke maji ang ta kungu poro.

⁴¹ Ngonn le dew a kula anjije laa kare n̄-tɔruje dewje ke aw ddaje are koo me te le nje-marede aw oso, ke dewje ke aw ddaje neje ke maji ang me bbe-kɔn te laa,

⁴² ta da kungude kem tɔku puru te. Lo teenn, da nɔnje ngaa da ngerje ngangede.

⁴³ A kare teenn, dewje ke toje gate gate ke Lubba a ndɔrenje kayn kayn toke le kare me Bbe-kɔn te le Bɔdede. Dew ke ee ke mbi a oo tar neenn.»

Gusu-tar ɔɔ ne-kinga te ke diya me ndɔɔ te

44 «Bbe-kɔn ke darâ to ddew kara baa ke ne-kinga ke diya me ndɔɔ te. Mare dew tee dɔe te ngaa iya toke siki. Rɔe neele ngaa, naw n̂-labbe neje laa tɔyn, a n̂-tel n̂-ddee n̂-ndoko ndɔɔ le.»

Gusu-tar dɔ mere te ke gate ngeng

45 «Bbe-kɔn ke darâ to ddew kara baa tɔ ke nje-ne-labbe ke aw sange mereje ke kura.

46 Toke ninga mare mere ke gate ngeng a, naw n̂-labbe neje laa tɔyn ngaa n̂-ddee n̂-ndoko mere le.»

Gusu-tar dɔ ddenge te

47 «Bbe-kɔn ke darâ to ddew kara baa tɔ ke ddenge ke dila bâ ngaa uwa kanjije dang dang.

48 Toke kanjije ddusu ddenge le a, nje-ndonje-maann le ndɔruje teeje ne ta maann te ngaa isije nange ngaa ɔruje kem kanjije le. Kanjije ke maji a dunguje me kare te, a n̂-tilaje kanjije ke maji ang kɔrɔ.

49 Ne a to ddew kara baa toke baann ddotu ndɔ te tɔ. Anjije a ddeje ta kɔru kem dewje ke maji ang ke dewje ke gate gate,

50 ta kungude kem tɔku puru te. Lo teenn, da nonje ngaa da ngerje ngangede.»

Ne-kingaje ke siki, ke ne-kingaje ke to konne

51 Jeju duju nje-njaje goe te na: «E-gereje kande tarje neenn tɔyn njaa wa?» Dilaeje te na: «N-gere njaa.»

52 N̂-pa narede na: «Mba yeenn a, nje-kɔru gel ndu ke gere neje ke dɔ Bbe-kɔn te ke darâ to ddew kara baa ke nje-key ke oto neje ke siki ke konn neje me dam te laa tee ne.»

Dewje ke Najarete ooje mede te ke Jeju ang

⁵³ Toke Jeju pa gusu-tarjeenn le nunga a, ñotu loe teenn.

⁵⁴ Naw Najarete, bbe te ke ñ-toku kete, ngaa nunn kutu tɔju ne dewje me key-mbɔnaaje te lede. Ne-tɔjuje laa le gange singade ngaa ñ-paje na: «Ninga ne-gere neenn dda wa? Ninga singa dda ne-mɔrije neenn dda wa?»

⁵⁵ Ngonn le nje-dda kake * le a neenn ang wa? Kɔenje a to Mari ngaa ngakɔenje a toje to Jake, Jebbe, Simɔ, ke Jude ang wa?

⁵⁶ Ngakɔnaneje tɔyn eeje horoje te neenn tɔ ang wa? Yeenn a, ninga singa dda neje neenn dda wa?»

⁵⁷ Nejeenn dda are doo mede te ang. A Jeju pa arede na: «Dewje aw walje nje-kila mber-tar le Lubba kese loje te tɔyn, bbo bbe te ke nisi te, wase me key te laa ang.»

⁵⁸ Jeju dda ne-mɔrije nya nya Najarete ang mba, dooje mede te ang.

14

Tar yo le Jan Batisi

¹ Do ndɔe teenn, Erode Antipase ke to mbay ke Galile oo tam Jeju a,

² pa are nje ke aw ddaje kula kɔye te na: «Jan Batisi ann. Ni horo dewje te ke oy! Mba yeenn a ninga singa ta dda ne-mɔrijeenn.»

* **13:55** 13.55 Ke ndɔn tar le Gerekeje, nje-dda kake to dew ke aw unn dɔ-key ddem, aw dda mare kulaje dang dang ke kake ddem ke erje ddem

³ Mba kete, Erode are duwa Jan n̄-tœ dilae key-kula te wɔju dɔ Erodiade ke to dene le ngokœn Pilipi.

⁴ Mba Jan pa are na: «Ee ke ddew ta taa Erodiade to dene lei ang.»

⁵ Erode ndiki ta tɔl Jan le, a n̄-bbeel Jiipije mba dooje Jan to nje-kila mber-tar le Lubba.

⁶ A ndɔ kusu kuju Erode a, ngonn le Erodiade ke dene la nɔ dewje te are neel Erode nya.

⁷ Yeenn a, Erode unda yo are ngonn ke dene le na: «Ne tɔyn ke e-duju a, ma kari.»

⁸ Kœnje tulae are n̄-pa na: «Lo te neenn njaa, arem dɔ Jan Batisi me tɔku pambala sambe te.»

⁹ Rɔ Erode neele ang. A nunn ndu kare dare neenn le wɔju dɔ yo ke nunda kem dewje te ke n̄-bbarde kusu te le.

¹⁰ Yeenn a, nula dew key-kula te nare aw gange dɔ Jan le.

¹¹ Dila dɔ Jan me tɔku pambala sambe te ngaa n̄-ddee ne dare ngonn ke dene le aw ne are kœnje.

¹² Nje-njaje-go Jan te le ddeje unnje niine aw dubbuje. Goe te a, daw n̄-paje tare dareje Jeju.

Jeju are ne-kusa dewje doro mi

¹³ Toke Jeju oo tar neenn le a, nunn tɔku to ngaa nɔtu lo teenn naw ke kare baa lo te ke iya rœ. A dewje ke banya ooje tare ngaa, inje me tɔku bbeje te le unnje go maann, ɔruje goe ke golde.

¹⁴ Toke Jeju in me tɔku to te le uru nangê ngaa oo dewje ke banya le a, ddae ndoo. Yeenn a nɔru rɔ-to rɔ nje-rɔ-toje te lede.

15 Dɔ-kare a, nje-njaje-go Jeju te ddeeje paje areje na: «Lo neenn to me mu baa, ngaa kare tɔy mban tɔ. E-tubba dewje ke banya banya neenn le are dawje me bbeje te n̂-ndokoje ne dusaje.»

16 A Jeju ilade te na: «Moo a, to maji kare dawje ang. Sese njaa arejede ne dusa.»

17 A n̂-paje dareje na: «Jee ke mapa mi ke kanjije joo baa jije te neenn.»

18 Jeju pa arede na: «E-ddeeje ne aremje.»

19 Goe te a, nare dewje ke banya le isije dɔ muje te, a n̂-taa mapa ke mi ke kanji ke joo le, ngaa nunn keme ke darâ a nare wooyo Lubba. Goe te a, n̂-tete mapa ke mi le ngaa nare nje-njaje goe te nare n̂-kayn dewje ke banya le.

20 Dede tɔyn dusaje ne dare mede ndann, ngaa n̂-mbonje kese ke nayn ddusu kare doku gire joo.

21 Dewje ke usaje ne le aseje ne ke doro mi. Deneje ke ngannje n̂-turade ang.

Jeju nja dɔ maann te

22 Njange baa goe te a, Jeju are nje-njaje goe te aalje tɔku to kare daw n̂-nginaeje tura maann te kete. A ne na nayn ta tubba dewje ke banya le kare n̂-telje bbeje te lede.

23 N-tubba dewje ke banya le. Goe te a, naal dɔ ddingiri ta kaw duju Lubba ddew ew. Dɔ-lo-kul pe a nisi lo teenn ke kare baa.

24 To le aw ddew ew ke nange ngaa a, lel ula aw tila ne kem nje-njaje go Jeju te le are maann le aw lenge tɔku to le ke singa nya.

25 Ngosi ke ta-lo-kare a, Jeju aw nja dɔ maann te le aw ne ke rɔ nje-njaje goe te le.

²⁶ Toke nje-njaje goe te ooeje ke naw n̂-nja dɔ maann te le a, dɔde saren ngaa n̂-paje na: «Uma ann!» Ngaa bbeel ddade nya are daw duruje ekii.

²⁷ A Jeju pa arede njange baa na: «Ema ann, e-bbeelje ang!»

²⁸ Yeenn ngaa Piyar ilae te na: «Ebbe-dewje, bbo to ei a, unn ndui are m-nja dɔ maann te maw rɔi te.»

²⁹ Jeju pa na: «E-ddee!» Piyar in me tɔku to te le ddisi ngaa unn kutu nja dɔ maann te le ta kaw ke rɔ Jeju te.

³⁰ A toke Piyar oo lel ke aw ula ke singa nya le a bbeel ddae, are nunn kutu dii maann le. Yeenn a, nuru ekii na: «Ebbe-dewje, ajim!»

³¹ Njange baa njaa Jeju ula jia uwae ne ngaa pa are na: «Koo me te lei to ten baa nya, mba ddi bba eje tar wa?»

³² Dede joo keme daalje me tɔku to te le ngaa goe te a lel le ew rɔe.

³³ Yeenn a, nje-njaje go Jeju te ke eeje me tɔku to te le ɔsuje mekeje golde nangê nɔe te ngaa paje na: «E-to Ngonn le Lubba njaa.»

Jeju aji nje-rɔ-toje nange te ke Jenejarete

³⁴ N-gangeje maann le ngaa, n̂-teeje nange te ke Jenejarete.

³⁵ Dewje ke lo teenn le gereje Jeju. Dulaje ke tar laa dɔ nange teenn le tɔyn dare dewje ngaa, n̂-ddeeje ke nje-rɔ-toje tɔyn rɔe te.

³⁶ N-ddaje rɔde to ndoo rɔe te kare ninya ddew nare ta-kubbu laa njaa baa kara nje rɔ-toje le ɔruje ke jide. Yeenn a dede tɔyn ke dɔreje le rɔ-toje lede tunga.

15

Tar do ne-ji-bbeje te

¹ Parijiyenje ke nje-koruje-gel-ndu inje Jursalem ddeje ro Jeju te ngaa dujeje na:

² «Mba ddi bba nje-njaje goi te aw mbeteje ne-ji-bbeje le kajeje wa? Mba daw ta kusa ne a, n-tokoje jide ang*.»

³ Jeju ilade te na: «A sese, e-ddaje ne ke turu Ndu le Lubba ang a ne-ji-bbeje lese a aw ddaje mba ddi wa?

⁴ Mba Lubba pa na: «E-bbeel boije ke koinje.» N-pa to na: «Dew ke ndool boeje wase koenje a maji kare n-tole.»

⁵ A sese e-paje na: «Toke dew pa are boeje wase koenje na: Ne ke meje ta kumai ne le to ne ke mngem mba Lubba a,

⁶ to tar le dew le ta bbeel boeje ang ngaa.» N-ddaje ke baann a aw ddaje are tar le Lubba ddee ne to ne ke baa waju do ne-ji-bbeje lese.

⁷ See nje-ngemje, Ejayi ila mber tar le Lubba neenn dose te ke dogole. Tar le na:

⁸ «Dewje neenn aw walemje tade te baa, a mede to dang sem.

⁹ Polo ke daw n-polomje to polo ke ture goto, mba neje ke daw n-tojuje toje to nduje ke dewje baa a unnje.» »

Ne ke aw dda are dew ddee to ne-yerew

* **15:2** 15.2 Toko ji bbe le Jiipije to ne ke ne-ji-bbe a duju. Toke dew ru ne ke to ne-yerew, wase roe ru mare dew ke to Jiipi ang a, maji kare n-toko jia ta koru ne ne-yerew kete bba ta nusa ne.

10 Goe te a, Jeju bbar dewje ke banya le ngaa pa arede na: «Ooje tar lem bbo e-gereje kande tar neenn ke maje!

11 Ne ke aw aw me dew te a aw dda are dew ddee ne to ne-yerew ang. Ne ke aw tee ta dew te a aw dda are dew ddee to ne-yerew.»

12 Goe te a, nje-njaje goe te ddeje rœ te ngaa paje areje na: «Tar ke e-pa le oso wur Parijiyenje le e-gere njaa wa?»

13 Jeju ilade te na: «Kake tɔyn ke Boy ke ee darâ a ula ang, da kɔru ke ngirae baa.

14 Inyajede. N-toje to nje-kem-tɔje ke aw ilaje kake ji nje-kem-tɔ mare de je te. Bbo nje-kem-tɔ ila kake ji nje-kem-tɔ te a, dede joo kem da kosoje me buwa te.»

15 Yeenn ngaa, Piyar pa are Jeju na: «Oru gel gusu-tar ke e-pa neenn areje joo.»

16 Jeju ilae te na: «Sese kara e-naynje to dewje ke gere ne ang bbay wa?

17 E-gereje ang wa? Ne tɔyn ke ande ta dew te aw mee te ngaa goe te a tee ungu kɔrɔ.

18 A ne ke tee ta dew te in me dew te. Neenn a aw dda are dew tel to ne-yerew.

19 Mba kejeje ke majang neenn tɔyn inje me dew te: Tɔl dew, lo-to-majang, dda kaya, bboko, tar-naji ke ke dɔgɔle ang, nane ke naa.

20 Neje ke baann a aw dda are dew ddee ne to ne-yerew. A toko ji ang a kusa ne ne bba aw dda are dew ddee to ne-yerew ang.»

Koo me te le dene ke to Jiipi ang

21 Jeju ɔtu loteenn aw nange te ke Tir, ke Sidon.

²² Mare dene ke Kana ke isi nange teenn ddee rɔ Jeju te ngaa uru ekii na: «Ebbe-dewje, ngonn le Dabbiti, oo kem to ndoo lem! Ndil ke maji ang aw ula kem ngunnun ke dene ndoo nya.»

²³ A Jeju le ilae tar te kara ang. Nje-njaje-goe te ddeeje rɔe te ngaa dujueje na: «E-tubba dene neenn ke ddang mba naw nuru ekii naw n̂-ndole ne goje.»

²⁴ A Jeju ilade te na: «Ngann Ijarayelje ke toje toke ngann bateje ke naynje kɔrɔ a Lubba ulam mba de a bbaye.»

²⁵ A dene le ddee ungu mekeje gole nangê nɔ Jeju te ngaa pa na: «Ebbe-dewje, umam!»

²⁶ Nilae te na: «Maji ta kunn ne-kusa ke to wɔju dɔ ngannje kungu kare ngann bisije ang.»

²⁷ Dene le ilae te na: «Ye njaann, Ebbe-dewje! A ngann bisije aw usaje buru ne-kusaje ke aw gaynje nangê kɔ tabele te le ebbede tɔ.»

²⁸ Yeenn ngaa Jeju pa are na: «Dene, koo me te lei bo nya. Maji kare Lubba ari ne ke aw duju le.» A kare teenn njaa rɔ ngonne ke dene le ddee maji.

Jeju ɔru rɔ-to rɔ dewje te ke banya

²⁹ Goe te a, Jeju ɔtu keteenn ngaa aw kar tɔku dange te ke Galile. Naw naal dɔ ddingiri nisi te.

³⁰ Yeenn ngaa dewje ke banya banya ddeeje rɔe te ke nje-meteje, nje-gol-gotoje, nje-kem-tɔje, dewje ke mbide utu ddem, tade utu ddem, ke dewje ke eeje ke mare rɔ-toje dang dang. N-ddeeje ke de dungude nɔ Jeju te ngaa nɔru rɔ-to rɔde te.

³¹ Toke dewje ke banya le ooje nje-meteje ke mete lede nunga, nje-gol-gotoje ke golde ddee maji, nje-kem-toje ke ooje lo, ke dewje ke mbide utu ddem tade utu ddem aw paje tar, ke dewje ke eeje ke mare ro-toje dang dang ke rode ddee maji a, mede unda do benya ngaa doseje gaji Lubba le Ijarayel.

Jeju are ne-kusa dewje doro so

³² Jeju bbar nje-njaje goe te ngaa pa arede na: «Dewje ke banya banya neenn ddamje ndoo. N-naynje sem ndo mota ngaa, a dingaje ne ta kusa ang. M-ndiki ta kinyade kare n-telje mede bbo baa ang, mba singade a kin koru ke ddew.»

³³ Nje-njaje-goe te paje areje na: «Ja kinga ne-kusa dda lo te ke to me kor baa neenn ta kare ase dewje ke banya neenn wa?»

³⁴ Jeju dujude na: «Eeje ke mapa baann wa?» Dilaeje te na: «Jee ke mapa siri, ke mare ngann kanjije to.»

³⁵ Yeenn ngaa Jeju duju dewje ke banya le kare isije nangê.

³⁶ N-jin mapa ke siri, ke kanjije le ngaa goe te a nare wooyo Lubba a, n-tete ngaa nare nje-njaje goe te are dewje ke banya banya le.

³⁷ Dede toyn dusaje ne dare asede. A n-mbon kese ne-kusaje ke nayn le ddusu ngann kare siri.

³⁸ Dewje ke usaje ne le eeje doro so. A n-tura deneje ke ngannje ang.

³⁹ Goe te a, Jeju tubba dewje ke banya le are otuje, a naal toku to naw nange te ke Magadan.

16

Parijiyenje, ke Saduseyenje dujuje ne-mōri

¹ Parijiyenje, ke Saduseyenje ddeeye rō Jeju te ta nae. N-dujeje na: «E-dda mare ne-mōri ke toju to Lubba a ulai are joo.»

² A Jeju ilade te na: «Dō-lo-kul a, e-paje na: <Lo a to ke maje mba me dara kase.>

³ Ke endōō a, e-paje na: <Ndi a kere bbokone mba me dara kase ngaa tel tuka ndul.> Bbo aaje kem dara a e-gereje ne ke a to. A, aseje ta gere ne ke a ddee go neje te ke aw ooje bbasine neenn ang wa?

⁴ Dewje ke bbasine ke majije ang, ngaa toje gate gate ke Lubba ang dujuje ne-mōri. A bbay ne-mōri ke da koo a to ne ke inga nje-kila mber-tar le Lubba Jonase.» Goe te a, Jeju inyade a otu.

Wum le Parijiyenje ke Saduseyenje

⁵ Kare te ke nje-njaje go Jeju te awje ta gange toku dange kaw turâ a, mede oy ta kaw ke mapaje.

⁶ Yeenn a Jeju pa arede na: «Aaje rōse wōju dō wum le Parijiyenje ke Saduseyenje.

⁷ Nje-njaje-goe te le aw paje tar mbi naa te na: «Kake meje oy ta ddee ke mapa le a naw n̂-pa ne tar neenn.»

⁸ Jeju gere tar ke daw n̂-paje horo naa te le ngaa dujude na: «Mba ddi bba aw paje tar horo naa te e-paje na: <Mba mapa ke n-ddee ne ang le ann wa?> Koo me te lese bo ang.

⁹ Nayn e-gereje ang bbay wa? Mapa ke mi ke dingawje doro mi usaje ngaa e-mbōnje kese kare baann wa le, mese oy dōe wa?

¹⁰ Wase ye ke siri ke dingawje doro so usaje ngaa e-mbonje kесе ddusu kare baann wa le, mese oy doe wa?

¹¹ Toke m-pa marese m-pa na: Aaje rose woju do wum le Parijiyenje ke wum le Sadusiyenje a, tar le mbobbu tar mapa ang. A mba ddi bba a kaseje ta gere me tar le ang wa?»

¹² Yeenn ngaa, nje-njaje go Jeju te le gereje to tar ke Jeju aw pa woju do ne-tojuje le Parijiyenje, ke Saduseyenje bbo to tar wum mapa ang.

Piyar pa ke tae na Jeju to ngonn le Lubba

¹³ Toke Jeju tee nange te ke Sejare ke Pilipi a duju nje-njaje goe te na: «Dewje aw paje na m-to na wa?»

¹⁴ Dilaeje te na: «Mareje paje na e-to Jañ-Batise, mareje paje na e-to Eli, a mareje paje na e-to Jeremi wase, a to kara le nje-kilaje mber-tar le Lubba.»

¹⁵ Jeju dujude na: «A sese, e-paje na m-to na wa?»

¹⁶ Piyar ilae te na: «E-to Mesi, Ngonn le Lubba ke isi kem baa.»

¹⁷ Yeenn ngaa Jeju pa are na: «Simo ngonn le Jonase, ro-neel to lei, mba Boy ke darâ a pa gel ne neenn ke ddaka ari bbo dew a pa ari ang.

¹⁸ A ema, m-pa mari: E-to Piyar*. Do er te neenn le a ma kosu Egilisi*** lem ke te. Ngaa yo a kase dda mare ne ke Egilisi le ang.

¹⁹ Ma kari kele ta Bbe-kon ke darâ. Ne toyn ke oku ddewe nangê to ne ke doku ddewe darâ

* **16:18** 16.18 Piyar ke tar le Gerekeje to er

mban, ne toyn ke ɔru ddewe nangê neenn, Lubba ɔru ddewe darâ mban tɔ.»

²⁰ Goe te a, Jeju ndɔru mbi nje-njaje goe te na dang kara n̂-paje dare mare dew to n̂-to Mesi ang.

Jeju pa tar koy laa ke tar kin laa

²¹ Dɔ ndɔe teenn njaa, Jeju unn kutu pa ke ddaka kare nje-njaje goe te to to tar le ne ta kaw Jurusalem, ta koo ndoo ji tɔkuje te le Jiipije, ke tɔku nje-poloje Lubba, ke nje-kɔruje gel-ndu. Da kare n̂-tolne ta ndɔ mota goe te a, na kin horo dewje te ke oy.

²² Piyar ɔre ke guku ngaa unn kutu kin saa na: «Ebbe-dewje, maji kare Lubba ɔri me te ke ddang. Neenn a kingai ndɔ kara ang.»

²³ A Jeju turu rɔe ngaa pa are Piyar le na: «Esu, ɔtu ke ddang aw ddew ew sem! E-to dew ke a ta tuju ddew lem, mba keje lei to keje le Lubba ang, to keje le dewje baa.»

Dew a kunn go Jeju toke baann wa?

²⁴ Yeenn a, Jeju pa are nje-njaje goe te na: «Dew ke ndiki ta kunn gom a, maji kare neje rɔe ang ngaa, maji kare noto kake-dese laa ngaa nunn gom.

²⁵ Mba dew ke ndiki ta ngem tebbe laa a, a kinga tebbe laa le ang. A dew ke ila rɔe kɔrɔ woju dɔm a, a tel kinga tebbe laa le.

²⁶ Toke dew inga ne ke nangê neenn toyn ngaa tebbe laa nayn ke kɔrɔ a, ne ke maji ddi a na kinga ture te wa? Ddi a na kare ta tel kinga ne tebbe laa le wa?

²⁷ Mba Ngonn le dew a ddee me piti te le Boeje, ke anjije laa. Ngaa na kuka dew kara kara ase kula ddae.

²⁸ Tòkòrò, m-pa marese: Mare dewje ke eeje neenn a koyje ang ndereng da kooje Ngonn le dew ke a ddee ta kòn bbe to tòku-mbay.

17

Jeju turu to dang

¹ Dda ndò misan goe te a, Jeju jin Piyar, Jake de ke Jan ke to ngokòn Jake ungude dœ te ngaa aw ke de dò ddingiri te ddew ew.

² Rò Jeju turu to dang kemde te ngaa keme unn kutu ndoko toke le kare ngaa kubbu laa turu ndòren to ndòren.

³ A ta koo a, nje-njaje goe te le ooje Moyiji, ke Eli aw paje tar ke Jeju le.

⁴ Piyar pa are Jeju na: «Ebbejeje, to maji kare n-naynje neenn. Bbo e-ndiki te sem a, ma dda key-kam mota lo te neenn. Kara lei, kara to le Moyiji, kara to le Eli.»

⁵ Kake ñ-nayn naw ñ-pa tar bbay a mare mum ke ndòren ddee kiri dòde. Ndu Lubba bbar me mum te le na: «Dew neenn to ngonn ndiki lem, ke ròm nelem nya wòju dœ. Maji kare ooje tae.»

⁶ Kake nje-njaje go Jeju te le ooje ndu Lubba le a, bbel uta dòde are ñ-tee dosoje ñ-debbeje kemde nangê.

⁷ Jeju ddee ròde te, òrude ke jia ngaa pa na: «E-bbeelje ang, inje taar.»

⁸ Kare ke dunnje kemde ke taar a, Jeju ke kare baa njaa ngaa a dooeje.

⁹ Kare ke dinje dɔ dngiri te le daw n̂-ddisije a, Jeju ndɔru mbide na: «Dang bba e-paje tar dɔ ne te ke ooje neenn areje mare dew ang ndereng ndɔ ke Ngonn le dew a kin horo dewje te ke oy.»

¹⁰ Nje-njaje-goe te dujeje na: «Mba ddi bba nje-kɔruje gel-ndu na Eli a, a ddee dɔngɔr bba wa?»

¹¹ Nilade te na: «Tɔkɔrɔ, Eli a, a ddee dɔngɔr mba mɔse neje toyn dɔgɔle te.

¹² A ema m-pa marese to Eli ddee mban. Dewje gereje ang a ddaje saa ne ke mede ndiki. Da dda Ngonn le dew majang ddew kara baa toke baann tɔ.»

¹³ Nje-njaje-goe te gereje ke maje to, to tar le Jan-Batise a naw n̂-pa.

Jeju aji ngonn ke ndil isije mee te

¹⁴ Jeju de ke nje-njaje goe te n̂-teeje ngɔsi ke dewje ke banya. Mare dew ddee rɔe te ngaa ungu mekeje gɔle nangê nɔe te.

¹⁵ N-pa na: «Ebbemje, oo kem-to-ndoo le ngunum ke dingaw neenn. Rɔ-to ndilje ke maji ang ddae are noo ndoo nya. Noso me puru te wase me maann te gol banya nya.

¹⁶ Maw saa rɔ nje-njaje goi te, a dumaje ne pin.»

¹⁷ Jeju pa na: «See dewje ke bbasine koo me te lese goto ddem, e-gereje dɔjise ang ddem. Ma nayn ke se bbay mba ndɔ baann wa? Ma tɔ wurum dɔ kula-ddase te mba ndɔ baann bbay wa? E-ddeeje ke ngonn le ke neenn aremje.»

¹⁸ Jeju ndange ndil ke maji ang le ngaa n̂-tee ke ddang are kare teenn njaa, rɔ ngonn le ddee maji.

19 Yeenn a, nje-njaje-go Jeju te le ddeeje rœ te de saà ke karede baa ngaa dujeje na: «Mba ddi bba ja ta tubba ndil ke maji ang neenn a juma ne pin wa?»

20 Jeju pa arede na: «Mba koo me te lese ten baa. Tokoro m-pa marese, bbo koo me te lese to ten baa toke le kande ko ke ria na motarde a e-paje are ddingiri neenn na: <E-ngese neenn aw to yonn> a, na ngese.> Mare ne kara ke a kuta singase goto.

21 [Toke e-mbeteje ne-kusa ngaa e-dujuje Lubba nya bba a tubbaje ndilje ke baann.»]

Jeju tel pa tar koy laa ke tar kin laa

22 Mare ndo, toke nje-njaje-go Jeju te ingaje naa Galile a n̄-pa narede na: «Da kula Ngonn le dew ji dewje te.

23 Da toleje ngaa ndo mota laa a na kin horo dewje te ke oyje.» Toke nje-njaje go Jeju te ooje tar le a, n̄-ndingaje ndoo nya.

Jeju de ke Piyar dukaje lambo key-polo-Lubba

24 Toke Jeju de ke nje-njaje goe te n̄-teeje Kaperenayum a, nje-taaje nare-lambo key-polo* Lubba ddeeje rō Piyar te ngaa dujeje na: «Nje-ne-to lese uka lambo key-polo-Lubba ang wa?»

25 Piyar ilade te na: «Naw nuka njaa!»

Kake Piyar a ta kande key be a, Jeju oru tae dongor ngaa pa na: «Simō, keje lei do tar te neenn toke baann wa? Nje ke dda a aw ukaje

* **17:24** 17.24 Lambo key-polo-Lubba to nare ke Jiipijije ke dingaw ke eeje ke bbal dojoo wase uta yeenn aw ukaje ke bbal bbal ta mose ne key-polo-Lubba.

lambo ke mbayje ke nangê neenn wa? Ngann nje-bbeje wase nje-mbaje wa?»

²⁶ Piyar ilae te na: «Nje-mbaje.» Jeju ilae te na: «Yeenn a to tar le ngann nje-bbeje ta kuka lambo ang.

²⁷ Kare jula wungu mede te ang a, aw bâ aw ila kii. Dɔngɔr kanji ke a kɔre njaa a, e-teyn tae a, a kinga kande nare. Unn kande nare le aw ne arede to lambo lem ddem, lei ddem.»

18

Dew ke bo me Bbe-kɔn te ke darâ

¹ Kare teenn, nje-njaje-go Jeju te ddeeje rɔe te ngaa dujeje na: «Na to dew ke bo horo dewje te ke eeje me Bbe-kɔn te ke darâ wa?»

² Jeju bbar mare ngonn, undae horode te danna

³ ngaa pa na: «Tar ke tɔkɔrɔ a maw m-pa marese. E-turuje ddew lese ta ddee toke ngannje ke ngaji neenn. Baann ang a, a kandeje me Bbe-kɔn te ke darâ ndɔ kara ang.

⁴ Dew ke dda rɔe ten toke ngonn neenn to dew ke bo me Bbe-kɔn te ke darâ.

⁵ Dew ke taa ngonn ke ngaji toke be ke rɔe te wɔju dɔm a, ema njaa a n̂-tam ke rɔe teenn.»

Ne ke a dda kare dew oso me majang te

⁶ «Dew ke dda are mare dew horo ngannje ke ngaji ke ooje mede te sem oso me majang te a, maji ta tɔ tɔku biri er gɔse te kilae me tɔku ba te.

⁷ To kem-to-ndoo nya. Ne ke a dda kare dew oso me majang te banya nya. Tɔkɔrɔ, ne ke a

dda kare dew oso me majang te a to ke ndo toyn. A to ndoo nya kare dew ke dda are nje mare oso.

⁸ Toke jii wase goli dda are oso me majang te a, e-gangede ungede korɔ. Kaw lo te ke dewje isije te ke tebbe ji kara wase gol kara maji uta kaw kem puru te ke aw on ke ndo ke ndo jii joo kem wase goli joo kem.

⁹ A bbo kemi dda are oso me majang te a, maji kare ɔru kemi le ila korɔ. Kaw lo te ke dewje isije te ke tebbe kemi kara baa maji uta kaw kem puru te ke aw on ke ndo ke ndo kemi joo kem.»

Gusu-tar do bate te ke nayn

¹⁰ «Aaje ke maje! E-yabbeje mare dew kara horo dewje te ke ten neenn ang. M-pa merese, anjije lede aw arje ke ndo toyn no Bomje te darâ.

¹¹ Mba Ngonn le dew ddee ta kaji dewje ke naynje ke korɔ.

¹² Tar ddi a aw ejeje do gusu-tar te neenn wa? Toke mare dew ee ke bateje kor kara ngaa mare kara nayn a, na kinya keseje ke dojikara gire jikara le do ddingiri te mba tel kaw sange ye ke kara le kingae bba ang wa?

¹³ A toke ningae a, m-pa marese, roe a neele nya woju do bate ke kara le uta roe ke a neele woju do bateje ke dojikara gire jikara ke naynje ang le.

¹⁴ Ddew kara baa, Bosese ke ee darâ ndiki kare mare dew kara horo dewje te ke ten neenn nayn korɔ ang.»

Ddew gol tar le nje-koo me te je

15 «Toke ngokoin dda sei majang a, aw ingae ke kare e-pa are. Bbo noo tar lei a, nayn to tel a e-tel saa ddew te ke maji.

16 Bbo noo tar lei ang a, e-bbar dew kara wase joo ungude doi te. Ddew kara baa toke Makuru le Lubba pa na: «Da gól tar nõ nje-tar-najije te joo wase mota.»

17 Toke ñ-mbete ta koo ndeje lede le a, e-pa tare are Egilisi. Bbo ñ-mbete ta koo ta Egilisi to a, maji kare ooe to dew ke gere Lubba ang wase toke le nje-taa nare lambo.

18 «Tɔkɔɔ m-pa marese, ne toyn ke e-mbeteje nangê neenn a, Lubba mbete darâ mban. Ne toyn ke e-ndikije te nangê neenn a Lubba ndiki te darâ mban.

19 «M-tel m-pa marese, Bɔmje ke ee darâ a kare ne toyn ke dewje joo horose te ddaje me-kara mba dujue.

20 Mba lo ke dewje joo wase mota uwaje do-naa ke te ke rim a, mee horode te.»

Tar kɔru tar do naa te

21 Yeenn ngaa Piyar ddee ro Jeju te ngaa duje na: «Ebbemje, toke ngokom dda sem ne ke maji ang a, ma kɔru tar doe te gól bann wa? Gól siri wa?»

22 Jeju pa are na: «M-pa mari, ɔru tar doe te gól siri baa ang. ɔru tar doe te gól dosiri ndereng gól siri.

23 Mba yeenn a, tar Bbe-kɔn ke darâ to toke tar le mare mbay ke ndiki ta koo go ne laa ke to do nje-kulaje te laa.

24 Kake nunn kute a, ñ-ddee ke mare nje-kula laa ke nare laa to doe te kande nare doro doro.

²⁵ Nje-kula laa le ee ke nare ta kuka ne bbange le ang, ngaa ebbeeje unn ndu kare n̂-labbe, ne ddem, dene laa ddem, nganne ddem, ke ne kingaje laa ddem mba kuka ne bbange ke d̄oe te le.

²⁶ Kake nje-kula le oo baann a, ungu mekeje ḡole nangê n̄o ebbeeje te le ngaa pa na: <Ore wuri, a ma kuka bbangeje lei le toyn!>

²⁷ Ebbeeje le oo kem-to-ndoo laa ngaa ɔru bbange ke d̄oe te le a inyae are n̄otu.

²⁸ Kare te ke nje-kula le tee ddaka a, oo mare nje-kula mare ke bbange laa to d̄oe te kande nare d̄od̄oku. Nuwa ḡose n̂-to naa te ngaa n̂-pa nare na: <Uka bbange lem!>

²⁹ Nje-mare le ungu mekeje ḡole nangê n̄oe te n̂-dda r̄oe to ndoo na: <Ore wuri, a ma kuka bbange lei le toyn njaa!>

³⁰ A Nje-kula le mbete, ngaa uwae ilae key-kula te kare n̂-nayn teenn ndereng ta nuka bbange laa le toyn bba ta dinyae.

³¹ Kese nje-kula mare ooje baann a ddade ndoo ngaa daw d̄oru gel nejeenn le toyn dare ebbedede le.

³² Yeenn a, ebbedede le ula are daw n̂-bbare ngaa pa are na: <Ei, nje-kula ke maji ang! M̄oru bbange lem ke to d̄oi te toyn mba dda ke e-dda r̄oi to ndoo arem.>

³³ A ei, ase ta koo kem-to-ndoo le nje-mari toke moo kem-to-ndoo lei le to ang wa?>

³⁴ Wungu ɔn ebbeeje le nya. Nuwae nilae key-kula te kare dula keme ndoo ndereng ta nuka bbange ke d̄oe te le toyn bba.»

³⁵ Ta kutu ne d̄oe a, Jeju pa na: «Toke ɔruje tar

dɔ naa te ang a, Boy ke ee darâ a dda ne ke se ddew kara baa toke baann tɔ.»

19

Maji kare dingaw tubba dene laa ang

¹ Toke Jeju pa tar le nunga a, nɔtu Galile naw nange te ke Jude tura Jurden te.

² Dewje ke banya unnje goe are nɔru rɔ-to rɔde te lo teenn.

³ Parijiyenje ddeeje rɔe te ta nae. Yeenn a n̂-dujeje na: «Ndu are ddew dingaw kare tubba dene laa wɔju dɔ ne tɔyn ke dene laa le dda wa?»

⁴ Nilade te na: «E-turaje tar ke n̂-dda me Maketuru te le Lubba le ang wa? Tar le na: <Kunn-kutu ne te, Lubba ke nje-dda neje tɔyn dda dingaw ke dene.>

⁵ Ngaa Lubba pa na: <Mba yeenn a, dingaw a kinya bɔeje ke kɔenje, na nayn ke dene laa ngaa dede joo kem da ddeeje to da-rɔ ke kara baa.>

⁶ Yeenn a, deeje joo ang ngaa, n̂-ddeeje to da-rɔ ke kara baa. Ne ke Lubba mbɔn naa te a, maji kare dew kayn hore ang ngaa.»

⁷ Dilaeje te na: «Mba ddi bba Moyiji unn ndu kare bbo dingaw tubba dena laa a, maji kare nare maketuru ke a tɔju to ninyae mban wa?»

⁸ Nilade te na: «Wɔju dɔ me-ketere lese a Moyiji are ne se ddew kare e-tubbaje ne deneje lese. A kunn-kutu ne te, tare to toke baann ang.

⁹ M-pa marese: Toke mba tar kaya ang a bbo dew tubba dene laa ngaa taa mare dene a, n̂-dda lo-to-majang.»

¹⁰ Nje-njaje-goe te le paje na: «Bbo toke baann a, taa dene ang a maji.»

¹¹ Jeju ilade te na: «Dewje toyn a kaseje ta ndiki te ke tar neenn ang, nje ke Lubba arede ddew bba.

¹² Mare neje nya oku ddew dingawje ta taa dene. Mareje duju ne de toke baann, a mareje n̄-ddade to enukuje, a mareje dede njaa n̄-ddaje rōde to enukuje wōju dō Bbe-kōn le Lubba. Dew ke ase ta ndiki te ke tar neenn a, maji kare n̄-ndiki te.»

Jeju taa ngannje ke mbate ke rōe te

¹³ Dewje ddeeje ke ngannje ke mbate rō Jeju te kare nila jia dōde, ta n̄-duju Lubba dōde te. A nje-njaje-go Jeju te le inje ke de.

¹⁴ Jeju pa arede na: «Inyaje ngannje ke ngaji are ddeeje rōm te bbo okujede ddew ang. Mba Bbe-kōn le Lubba to mba dewje ke toje toke ngannje ke ngaji neenn.»

¹⁵ Nila jia dōde te, ngaa goe te a nōtu lo teenn.

Tar ke dō basan te ke to ke nje-ne-kinga

¹⁶ Mare dingaw ddee rō Jeju te ngaa duje na: «Nje-ne-tōju, ddi ke maji a, maji kare m-dda bba ta kinga ne tebbe ke ke ndō ke ndō wa?»

¹⁷ Jeju ilae te na: «Mba ddi a e-dujum tar dō ne te ke maji wa? Lubba kara baa maji. Toke e-ndiki ta kinga tebbe a, e-dda ne ke turu nduje le Lubba.»

¹⁸ Basan le tel duju Jeju na: «Nduje ke dda wa?» Jeju ilae te na: «E-tōl dew ang, e-dda lo-to maji ang ang, e-bboko ang, e-pa tar-naji ngem dō dew te ang.

19 E-bbeel boije ke koinje. E-ndiki nje-mari toke da-roi njaa.»

20 Basan le ilae te na: «M-dda nejeenn toyn mban. Ddi a naysn ta dda bbay wa?»

21 Jeju ilae te na: «Toke e-ndiki ta ddee maji toyn a, aw e-labbe neje ke ee ne, ta e-kayn nare nje-ndooje a, a kinga ne darâ. Goe te a, e-ddee unn gom!»

22 Kake basan le oo tar le a, roe neele ang ngaa otu mba nee ke ne-kingaje nya.

23 Jeju pa are nje-njaje goe te na: «Tɔkɔɔ, m-pa marese, a to ngeng nya ke nje-ne-kinga kare ande Bbe-kɔn te le Lubba.

24 M-tel m-pa marese bbay, kande le nje-ne-kinga me Bbe-kɔn te le Lubba a ngeng kuta kande le jambal*** buwa suwa te.»

25 Tar le gange singa nje-njaje-go Jeju te le ngaa paje na: «Bbo baann a, na bba a kase kinga kaji wa?»

26 Jeju aade ngaa pa arede na: «To ne ke nya dewje. A Lubba ase ta dda ne toyn.»

27 Piyar pa are na: «Oo, jinya neje leje toyn ngaa junn goi. Tar ke doje te a to toke baann wa?»

28 Jeju pa arede na: «M-pa tar ke tɔkɔɔ marese, ndo ke neje toyn a turuje toke siki, kare te ke Ngonn le dew a kisi ngende-mbay te ke to ne-piti a, sese ke unnje gom kara a kisije do ngendeje te doku gire joo mba gange sariya do gel-kuju ngann Ijarayelje te ke doku gire joo to.

29 A dewje toyn ke inyaje key lede, ngakonde ke dingaw, ke ngakonde ke dene, bodede ke kondede, ngannde wase ndooje lede, woju dom

a, da kinga ne gɔl dɔdɔku uta yeje ke kete ddem, da kingaje tebbe ke ke ndɔ ke ndɔ ddem.

³⁰ Nya le dewje ke toje to dewje ke dɔngɔr bbasine neenn, a toje to dewje ke guku. A nya le dewje ke toje to dewje ke guku bbasine neenn, a toje to dewje ke dɔngɔr.»

20

Gusu-tar dɔ nje-ddaje kula ndɔɔ binye te

¹ «Tar Bbe-kɔn le Lubba to toke tar le mare nje-ndɔɔ ke tee ke esin baa mba sange dewje kare aw ndɔɔ binye te laa.

² Dooje taa naa kare nukade kande nare kara, mba ndɔ kara kara. Goe te a nare daw ndɔɔ binye te laa le.

³ Tee gɔl kare jikara te ke ke endɔɔ a, n̂-tee ddaka, a noo mare nje-kulaje ke ingaje kula ta dda nang, ngaa arje nata.

⁴ N̂-pa narede na: «Aw ddaje kula me ndɔɔ binye te lem a, ma kukase ke dɔgɔle.»

⁵ Nje-kulaje le awje ndɔɔ le. Nje-ndɔɔ le tee ddaka bbay ke gɔl kare dɔku gire joo, ngaa n̂-tel n̂-tee ke gɔl kare mota ke lo-kul te tɔ, a n̂-dda toke baann bbay.

⁶ Nje-ndɔɔ le tel tee ddaka ke gɔl kare mi ke dɔ lo-kul te bbay a, noo mare nje-kulaje arje lo teenn le bbay, ngaa n̂-pa narede na: «Mba ddi bba arje neenn ke ndɔɔ baa ndereng kare be neenn a, e-ddaje ne kara ang wa?»

⁷ Dilaeje te na: «Jar baa mba dew kara otoje kula te ang.» N̂-pa narede na: «Aw ddaje kula me ndɔ binye te lem tɔ.»

⁸ «Dɔ lo-kul a, nje-ndɔɔ le bbar nje-kaa-lo dɔ neje te laa ngaa pa are na: <E-bbar nje-kulaje le, ta ukade kara kara tɔyn. Unn kutue dɔ dede te ke n̂-ddeeje dɔ guku bba ta e-tee ne dɔ nje te ke ddeeje dɔngɔr.>

⁹ Nje ke ddeeje ke gɔl kare mi ke dɔ-lo-kul te ddeeje ngaa ingaje kande nare kara kara tɔyn.

¹⁰ Dede ke dɔngɔr, n̂-ddeeje tɔ. Dejeje to na kingaje nare uta nje ke guku a, dede njaa kara dingaje kande nare kara kara tɔyn tɔ.

¹¹ Kare te ke dingaje nare le a, n̂-naneje ke nje-ndɔɔ le,

¹² n̂-paje na: <Nje-kulaje ke ddeeje dɔ guku ngaa ddaje kula kare kara baa a, ukade ase naa ke jeje ke kula uwa taaje ddem kare ɔsuje ddem toke baann wa?>

¹³ Nje-ndɔɔ le pa are mare kara horode te na: <Naam, mulai naa te ang. Jee sei joo taa naa mba kande nare kara, mba ndɔ kara kara ang wa?>

¹⁴ E-taa nare lei bbo ɔtu tam te ke ddang. Mndiki ta kare nje-kula ke dɔ guku inga nare ase sei naa.

¹⁵ Mee ke ddew ta dda ne ke mem ndiki ke nare lem ang wa? Wase aw aam ke kem ke maji ang wɔju dɔ maji lem le wa? »

¹⁶ Jeju pa bbay na: «Dewje ke dɔ guku, a ddeeje to dewje ke dɔngɔr. A dewje ke dɔngɔr, a ddeeje to dewje ke dɔ guku.»

Jeju tel pa tar koy laa ke tar kin laa

¹⁷ Toke Jeju aw aw ke Jirusalem a, n̂-bbar nje-njaje goe te ke karede baa, ngaa n̂-pa narede ke ddew na:

18 «Ooje, jaw jawje ke Jurusalam. Nunn, da kila Ngonn le dew ji tōku nje-poloje Lubba te, ke ji nje-kōruje gel ndu te. Da gangeje sariya yo dōe te,

19 ngaa da kilae ji dewje te ke gereje Lubba ang kare dōjeje n̄-kokoje ne. Da tundae ke ndey, ngaa da tōle kake-dese te. Ndō mota laa a, na kin horo dewje te ke oy.»

Kōn Jake de ke Janje duju ne ji Jeju te

20 Goe te a, dene le Jebede aw ke nganne ke dingaw ke joo rō Jeju te. Nungu mekeje gōle nangē ngaa n̄-dda rōe to ndoo rō Jeju te mba duje mare ne.

21 Jeju duje na : «Ddi a e-ndiki wa?» Nilae te na: «Unn ndui ta bbo ndō ke a ta kōn mbay a, ngannem ke joo neenn, mare kara isi dō ji-kōli te, a ne ke kara nisi dō-ji geli te.»

22 Jeju ilae te na: «E-gereje ne ke aw dujuje ang. A kaseje ta kay engo-kem-to-ndoo ke ma ta kay wa?» Dilaeje ta na: «Ja kase kay.»

23 Jeju pa arede na: «Tōkōrō, a kaseje ta kay engo-ndoo lem le njaa. A, tar kisi dō-ji kōlum te wase dōji gelem te to tar lem ang. Lo le to wōju dō nje ke Bōmje mōse wōju dōde.»

24 Toke kese nje-njaje go Jeju te ke dōku le ooje tar le a wungu ɔnde dō Jan de ke Jake te le.

25 Jeju bbarde tōyn ngaa pa na: «E-gereje to mbayje ke aw ɔnje dō dewje, aw ddaje dingaw dōde te, ngaa dewje ke bo aw nyaje dō dewje te.

26 Maji kare ne ke baann to horose te ang. Dew ke ndiki ta ddee bo horose te a, maji kare n̄-dda rōe to nje-kula lese.

²⁷ Bbo mare dew horose te neenn ndiki ta to dew ke dɔngɔr a, maji kare n̄-dda rɔe to bbere lese.

²⁸ Ddew kara baa, Ngonn le dew ddee kare dewje ddeeje to nje-kulaje laa ang. N̄-ddee ta to nje-kula le dewje, ta kunn rɔe to ne-kuka dɔ dewje ke banya.»

Jeju dda are nje-kem-toje joo ooje lo

²⁹ Kare te ke Jeju ke nje-njaje goe te aw teeje me bbe te ke Jeriko ke ddaka a, dewje ke banya unnje goe.

³⁰ A ta koo a, mare nje-kem-toje joo ke isije mbɔr ddew te ooje na Jeju a aw nday. Duruje ekii na: «Ebbejeje, Ngonn le Dabbiti, oo kem to ndoo leje.»

³¹ Dewje ke banya le inje ke de kare dutu tade. A duruje ekii nya bbay na: «Ebbejeje, Ngonn le Dabbiti, oo kem to ndoo leje!»

³² Jeju are lo kara, bbarde ngaa pa na: «Ddi a e-ndikije kare m-dda marese wa?»

³³ Dilae te na: «Ebbejeje are joo lo.»

³⁴ Jeju oo kem-to-ndoo lede ngaa ula jia ɔru ne kemde. Kem naa te neenn njaa a, dooje lo ngaa dunnje goe.

21

Jeju ande Jurusalam

¹ Toke Jeju de ke nje-njaje goe te daw ddeeje ngɔsi ke Jurusalam ngaa, n̄-teeje mbɔr bbe te ke Betepaje dɔ ddingiri kake olibeje te a, Jeju ula nje-njaje goe te joo nɔe te kete.

² Ñ-pa na: «Awje me bbe te ke to nɔse tee tonn. Njange baa njaa a kooje kɔn kororo ke ñ-tɔe ngaa ngonne ar mbɔre te. E-tuteje ta e-ddeeje ke de aremje.

³ Bbo mare dew pa ke se tar a, ilaeje te na: «Ebbejeje a ndiki kororoje le.» Njange baa njaa na kinyade karese.»

⁴ Baann bba kare tar le Lubba ke nje-kila mber-tar laa ndaji ddee to ne ke tɔkɔrɔ. Tar le na:

⁵ «E-paje are dewje ke Siyɔn***:
Ooje, mbay lei aw ddee ke rɔi te,
ñ-to dew ke wul pe,
nisi dɔ kɔn kororo te,
ke dɔ ngonn kororo te
ke to da ke daw ñ-dda ne kula.»

⁶ Nje-njaje go Jeju te le ɔtuje awje ngaa ddaje ne ke turu ndu Jeju le.

⁷ Ñ-ddeeje ke kɔn kororo, ke ngonn kororo. Dunguje kubbuje lede dɔ kororoje te le dare Jeju isi dɔe te.

⁸ Dewje ke banya labbeje kubbuje lede dɔ ddew te. Mareje teteje kamje unguje ddew-bô.

⁹ Dewje ke banya ke aw njaje nɔe te, ke dede ke daw ñ-njaje goe te daw duruje ekii na: « Ojana to le Ngonn le Dabbiti! Maji kare Lubba bbar tar ke maji dɔ dew te ke aw ddee ke ri Ebbe-dewje. Jɔsuje gaji Lubba ke isi ddotu dara te!»

¹⁰ Toke Jeju ande Jurusalam a, me bbe tɔyn yeke. Dewje dujuje tar na: «Na ann wa?»

¹¹ Dewje ke banya le ilaje te na: «Jeju, nje-kila mber-tar le Lubba ann, nin Najarete nange Galile te.»

Jeju ande me key-polo-Lubba te

¹² Goe te a, Jeju ande me key-polo-Lubba te ngaa tubba dewje toyn ke aw labbeje ne ddem, aw ndokoje ne ddem me key te le. N-tuta tabele le nje-mbelje nare nungu nangê. N-tuta ne-kisi le nje-labbeje derje n̂-tila.

¹³ N̂-pa narede na: «Maketuru le Lubba na: <Da bbar ri key lem to key duju Lubba.> A sese aw ddaje to lo-kiya-ro le nje-bbokoje.»

¹⁴ Nje-kem-toje, ke nje-meteje ddeeye roe te me key-polo-Lubba te le ngaa n̂-dda nare rode ddee maji.

¹⁵ Toke tōku nje-poloje Lubba ke nje-kōru gel nduje ooje neje ke dum-dōde ke Jeju dda le, ke ngannje ke aw uruje ekii na: «Jōsuje gaji Ngonn le Dabbiti» le a, wungu ōnde.

¹⁶ Ngaa n̂-paje dare Jeju na: «Oo tar ke daw n̂-pajeenn wa?» Nilade te na: «Moo njaa. A tar ke n̂-dda me Maketurute le Lubba le e-turaje ndo kara ang wa? Tar le na: <E-dda ne are ngannje ke ten, ke engutayje kara ōsuje gajii.> »

¹⁷ Goe te a, Jeju inyade a otu. N-tee me bbe te le naw Betani ngaa n̂-to ke teenn.

Jeju bbar tar ke maji ang dō kake pige te

¹⁸ Jeju in ke esindō baa tel aw ke tōku bbe te a bbo ddae.

¹⁹ Toke noo mare kake pige ke ar mbor ddew te ngosi a, naw ngosi ke kake le a kame dorō a noo. Yeenn a n̂-pa nare kake le na: «A kande ndo kara ang ngaa.» A kare teenn njaa kake le oy njan.

²⁰ Nje-njaje-go Jeju te le ooje neenn le a gange singade ngaa paje na: «Dda toke baann bba njange baa njaa a, kake pige le oy wa?»

²¹ Jeju pa arede na: «M-pa tar ke tokoro marese. Toke koo me te lese to, ngaa ejeje tar ang a, a ddaje ne ke m-dda ke kake pige neenn. A kaseje ta pa kare ddingiri neenn na: < otu lo te neenn aw oso me ba te,> a neenn a ddee to ne ke tokoro.

²² Bbo koo me te lese to, a bbo e-dujuje Lubba a, a kingaje ne toyn ke e-dujuje le.»

Na are singa Jeju wa?

²³ Jeju ande me key-polo-Lubba te aw toju ne. A toku nje-poloje Lubba, ke tokuje le Jiipije ddeje roe te. N-paje dare na: «Ddew ddi te bba aw e-dda ne neenn wa. Wase na njaa gate a ari singa ta dda ne wa?»

²⁴ Nilade te na: «Ema kara ma dujuse tar kara baa. Toke ilamje te a, ma bbar ri dew ke arem singa dda nejeenn le karese to.

²⁵ Na a ula Jan are dda batem dewje wa? Lubba wase dewje wa?» A n-paje horode te na: «Bbo jilaje te n-pa na: <Lubba a ulae> a, na pa na: <Mba ddi bba ooje mese te saa ang wa?»

²⁶ Bbo n-paje na: < Dewje a, a to toke baann wa? » Mba n-bbeel dewje ke banya le, mba dede toyn dooje Jan to nje-kila mber-tar le Lubba.

²⁷ Yeenn a, dilaeje te na: «N-gere ang.» Jeju pa arede na: «Ema kara ma bbar ri dew ke arem singa dda nejeenn le karese ang to.»

Gusu-tar do ngannje ke dingaw te joo

²⁸ Jeju pa arede bbay na: «Ddi a ejeje do tar te ke ma ta pa karese neenn wa? Mare dingaw ee ke ngannje ke dingaw joo. N-pa nare ye ke toku

na: <Ngunum, aw bbokone aw dda kula me ndoo binye te lem.>

²⁹ Ngonn le ila boeje te na: <M-ndiki ang.> Goe te a, tar ke nila boeje te le tel neele ang, ngaa notu naw ndoo le.

³⁰ Dingaw le aw ro ye ke mbate te, ngaa pa tar ke kara baa le are to. Ngonn le ilae te na: <An an Boy, ma kaw>. A naw ang.»

³¹ Jeju dujude na: «Horo ngannje te ke joo neenn, ye ke dda, a dda ne ke bboeje ndiki wa?» Dilaeje te na: «Ne ke dongor.» Jeju pa arede na: «Tokoro njaa, m-pa marese, nje-taaje nare lambo, ke dene nje-kayaje a kandeje me Bbe-kon te le Lubba dongor karese.

³² Mba, lew Jan ddee rose te ngaa tojuse ddew dda ne ke gate gate, a e-ndikije te ke tar laa ang. A nje-taaje nare lambo, ke dene nje-kayaje a ndikije te ke tar laa le. A sese, ooje nejeenn ke maje a e-turuje ddew lese ang ddem, e-ndikije te ke tar laa le ang ddem.»

Gusu-tar do nje-kulaje te ke mede majang

³³ «Ooje mare gusu-tar neenn bbay. Mare nje-ndoo dda ndoo binye laa. Nila ndoko n-guku ne doe. Nuru buwa me er te kare dore maann binye le mee te. N-dda mare lo taar kare dew ar doe te mba kaa ne do ndoo le. Goe te a, ninya ndoo le ji mare nje-ddaje kula ndoo te le a notu naw mba te.

³⁴ Kare kuja kande binye le ase a, nula ngann nje-kulaje laa ro nje-ddaje kula me ndoo binye te le kare dulaje ke kande binye laa dareje.

³⁵ A nje-ddaje kula me ndoo binye te le uwaje ngann nje-kulaje le. N̄-tundaje mare, n̄-tolje mare, ngaa n̄-tilaje mare ke er n̄-toleje.

³⁶ N̄-tel nula mare ngann nje-kulaje laa le banya banya bbay. A nje-ddaje kula me ndoo binye te le dda ke de ne ke n̄-ddaje ke nje ke dngor le bbay.

³⁷ Doooen a, nje-ndoo le ula ngonne ro nje-ddaje kula me ndoo te le mba neje n̄-pa na: <A du ang, bbo ngunum a da bbeejeje.>

³⁸ A kake nje-ddaje kula me ndoo te le ooeje a, paje na: <Nje-kuwa ne-ndubba le ann! Areje n̄-toleje are ne-ndubba le tel to leje.>

³⁹ Duwaeje n̄-teeje saa me ndoo te le ke ddang ngaa n̄-toleje.»

⁴⁰ Jeju tel dujude na: «Toke nje-ndoo le ddee a ddi a na dda ke nje-ddaje kula me ndoo binye te le wa?»

⁴¹ Dilaeje te na: «Na koo kem-to-ndoo le nje-me-majangje neenn le ang ta na tolde. Goe te a, na kinya ndoo le ji mare nje-ddaje kula te dang kare ndoe ase a, n̄-ddeeje ke ko ndoo laa dareje.»

⁴² Goe te a, Jeju dujude na: «E-turaje tar ke Maketurute le Lubba pa neenn ndo kara ang bbay wa? Tar le na:

<Er ke nje-kosuje key mbeteje,
tel ddee to singa gol key ke dungu nangê.
To ne ke Ebbe-dewje a dda,
ngaa kura nya kemje te.>

⁴³ Mba yeenn a, m-pa marese: Lubba a koru Bbe-kon laa jise te ta kare mare gel-dewje ke a ddaje kula ke maji.

44 Dew ke oso dɔ er te le a,
 dew le a guru rœ.
 Ngaa dew ke er le oso dœ te a,
 er le a nyaren.»

45 Kake tɔku nje-poloje Lubba ke Parijiyenje
 ooje tar le be a gereje to dede a Jeju aw pa tar
 dɔde te.

46 N-sangeje ddew ta kuwaeje a, n̂-bbelje kem
 dewje ke banya mba dewje le ooje Jeju to mare
 nje-kila mber-tar le Lubba.

22

Gusu-tar dɔ tɔku kusu taa-naa te

1 Jeju tel pa tar arede bbay ddew gusu-tar te pa
 na:

2 «Tar Bbe-kɔn ke darâ to ddew kara baa ke
 tar neenn: Mare Tɔku-mbay dda kusu taa-naa le
 ngonne ke dingaw.

3 Nula nje-kulaje laa kare bbar dewje ke n̂-
 bbarde kusu te le. A dewje le mbeteje ta ddee.

4 N-tel nula mare nje-kulaje kare aw pa arede
 na: «M-dda ne-kusa mban. M-tɔl mangeje ddem,
 daje ke eme ddem are ne-kusa to ngɔsi ngaa, e-
 ddeeje kusu te le.»

5 A dewje le ooje tar laa le to mare ne ang.
 Mare ɔtu aw ndôɔ, a mare aw ta labbe ne laa.

6 A mareje uwaje ngann-nje-kulaje le ddade
 maji ang ngaa tolde.

7 Wungu ɔn Tɔku-mbay le ngaa, nula mbam-
 baje laa nare tɔl nje-tɔlje nje-kulaje laa le, ngaa
 n̂-roje bbe lede.

8 Goe te a, n̂-pa nare ngann-nje-kulaje laa le
 na: «Kare kusu-taa-naa le ase ngaa a dewje ke

ñ-bbarde le to dewje ke ase ta bbarde kusu te ang.

⁹ Aw arje to-ddewje te bbo dew njaa ke ingaeje a, e-bbareje are ñ-ddee kusu-taa-naa te le.»

¹⁰ Ngannje-kulaje laa le unnje go ddewje ngaa bbarje dewje toyn ke dingade, nje ke maji ddem, nje ke maji ang ddem. Yeenn ngaa dewje ke ñ-bbarde le ddusuje me key le.

¹¹ Toke Toku-mbay le ande key mba koo dewje ke ñ-bbarde le a, noo mare dingaw ke ula kubbu-kusu ang.

¹² Ñ-pa nare na: «Naam, na baann bba ula kubbu-kusu ang a e-ddee ande key neenn wa?» A dingaw le ilae tar te ang.

¹³ Yeenn a, Toku-mbay le pa are ngann-nje-kulaje laa na: «E-toje jia ke gɔle bbo ilaeje ddaka lo te ke ndul. Lo teenn na no ngaa na ngeer ngange.» »

¹⁴ Ta kutu ne do tar le a, Jeju pa na: «Tɔkɔɔ, Lubba bbar dewje toke banya njaa, a nje ke ñ-mberede banya ang.»

Tar kuka lambo ke Sejar

¹⁵ Yeenn ngaa, Parijiyenje aw uwaje do naa ta na Jeju mba kingae ddew tar te ke a tee tae te.

¹⁶ Dulaje mare nje-njaje gode te, ke dewje ke unnje go Erode ro Jeju te le kare ñ-paje dare na: «Nje-ne-toju, n-gere to aw pa tar ke tɔkɔɔ, aw toju ddew le Lubba ddew tar te ke tɔkɔɔ, ngaa aw bbeel kem dew ang ddem, dew ke bo wase dew ke ten kara osoi te ang.

¹⁷ E-pa areje joo: Ndu areje ddew kare juka lambo ke Sejar wase ndu mbete wa?»

18 Jeju gere keje lede ke maji ang ngaa pa arede na: «Nje-ngemje, mba ddi a, aw namje wa?»

19 E-tɔjumje kande-nare ke aw ukaje ne lambo.» N-ddeeje ke kande nare le dareje.

20 Jeju dujude na: «Endaji dɔ dew, ke maketuru ke n̂-dda nare te neenn toje to le na wa?»

21 N-paje na: «To le Sejar.» N-tel n̂-pa narede na: «Yeenn a, areje Sejar ne ke to le Sejar, a areje Lubba ne ke to le Lubba.»

22 Dooje tar laa le a dum dɔde, ngaa dinyaeje a dɔtuje.

Tar kin le dewje ke oy

23 Ndɔe teenn njaa Saduseyenje ddeeje rɔ Jeju te. Saduseyenje to dewje ke paje na dewje ke oyje a kinje ang. N-dujuje tar Jeju na:

24 «Nje-ne-tɔju, Moyije pa na: <Toke dew ee ke ngonn ang a oy a, maji kare ngokɔen ta dene-ndubba le uju ne ngannje are.>

25 Lew, mare ngakon naa siri eeje horoje te neenn. Ye ke tɔku taa dene a uju saa ngonn ang a oy. Ninya dene laa nare ye ke tee goe te.

26 Ne ke kara baa le a dda joo lede, mota lede, ndereng tee ne dɔ ye ke to siri lede.

27 Gode te tɔyn a, dene le oy tɔ.

28 Yeenn a, ndɔ kin le dewje ke oy a, na horo ngakon naa teenn a, a to nje-dene le wa? Mba dede siri keme n̂-taaje dene le go naa te.»

29 Jeju ilade te na: «E-ndemje ddew, mba e-gereje Maketuru le Lubba ang ddem, singamɔngu le Lubba ang ddem.

³⁰ Tɔkɔrɔ, ndɔ kin le dewje ke oy a, dene a taa ngaw ang ddem, dingaw a taa dene ang ddem. Dewje a tooje toke anjije ke darâ.

³¹ A tar ke wɔju dɔ kin le dewje ke oy le, e-turaje tare ke Lubba pa arese ang wa? Ñ-pa na:

³² <M-to Lubba le Abaraham, Lubba le Ijake, Lubba le Jakobbo.> Ñ-to Lubba le dewje ke isije kem baa, bbo Lubba le dewje ke oy ang.»

³³ Ne-tɔju laa le dum dɔ dewje ke banya ke ooje tar laa le.

Ndu ke ngeng uta mareje

³⁴ Toke Parijiyenje ooje na Jeju uwa ta Saduseyenje a, Parijiyenje le uwaje dɔ naa.

³⁵ Mare kara horode te ke to nje-kɔru gel ndu duju tar Jeju mba nae ne. Ñ-pa na:

³⁶ «Nje-ne-tɔju, ndu ke dda ngeng uta mareje wa?»

³⁷ Jeju ilae te na: « <Maji kare e-ndiki Ebbedewje ke to Lubba lei ke mei tɔyn, ke kewn lei tɔyn, ke keje lei tɔyn.>

³⁸ Yeenn to ndu ke ngeng uta mareje ann.

³⁹ Joo le ndu ke ngeng uta mareje na: < Maji kare e-ndiki nje-mari toke da rɔi njaa.>

⁴⁰ Ndu le Moyiji, ke ne-tɔjuje le nje-kilaje mbertar le Lubba inje me nduje te ke joo neenn.»

Tar le Mesi de ke Dabbiti

⁴¹ Toke Parijiyenje uwaje dɔ naa a Jeju dujude na:

⁴² «Tar ddi a aw ejeje dɔ Mesi te wa? Ñ-to ngonnn le na wa?» Dilaeje te na: «Ñ-to ngonnn le Dabbiti.»

⁴³ Jeju pa arede na: «Yeenn a, toke baann bba Ndil ddusu me Dabbiti a tel bbar Mesi le to <Ebbeeje> wa? Dabbiti le pa na:

⁴⁴ <Ebbe-dewje Lubba pa are Ebbemje na:

Isi do ji kalem te,

ndereng ndo ke ma kungu nje-baanje lei ko goli te.>

⁴⁵ «A bbo Dabbiti bbar Mesi to Ebbeeje a, Mesi le a to ngonne toke baann wa?»

⁴⁶ Dew kara horode te ase kilae tar te ang. Ngaa unn kute do ndoe teenn, dew kara tay duje tar ang ngaa.

23

Jeju ndoru mbi dewje waju do Parijiyenje ke nje-koruje gel-ndu

¹ Goe te a, Jeju pa are dewje ke banya ke nje-njaje goe te na:

² « Kula le nje-koruje gel-ndu ke le Parijiyenje to engan koru gel ndu le Moyiji kare dewje.

³ Yeenn a, maji kare ooje tade, ngaa e-ddaje neje toyn ke n̂-dujuse. A kula-ddade a ta e-ndajije ang mba kula-ddade to ddew kara ke ne-toju lede ang.

⁴ Ne-koto ke bo, a n̂-toje dundaje do dewje te, a dede ngonni jide kara n̂-ndikije ta koru ne ne-koto le ang.

⁵ Daw n̂-ddaje neje toyn mba kare dewje oojede. Yeenn a, n̂-ddaje bbol endarje ke daw

ngemje maketuruje le Lubba me te dare bo ngaa, n̄-ddaje ta-kubbuje lede dare ngal ngal *

⁶ Ndo kusu a, n̄-ndikije ta kisi lo te ke n̄-mose mba dewje ke bo. Ngaa me key-mbon naaje te kara, n̄-ndikije ta kisi lo te ke kete to.

⁷ N-ndikije kare dewje ddade lapiya nata ddem, ngaa kare dewje bbarde <Nje-ne-toju.>

⁸ A sese, dang bba areje dewje bbarse <Nje-ne-toju> ang. Mba sese toyn e-toje to ngakon-naa, ngaa nje-ne-toju lese kara baa.

⁹ E-bbarje mare dew ke nangê neenn <Bo> ang, mba Bōsese kara baa ee darâ.

¹⁰ Areje dewje bbarse <mbay> ang, mba Mesi kara baa a to Mbay lese.

¹¹ Dew ke bo horose te a, maji kare n̄-ddee to nje-kula lese.

¹² Dew ke dda rōe bo a, a tel ddee to dew ke ten. A dew ke dda rōe ten, a tel ddee to dew ke bo.

¹³ Kem-to-ndoo to lese, see nje-koruje gel Ndu, ke see Parijiyenje ke e-toje to nje-ngemje. Aw utuje ta ddew areje dewje ke ndikije ta kande me Bbe-kon te ke darâ. Sese njaa kara andeje te ang, a inyaje dewje ke ndikije ta kande te are ande te ang.»

¹⁴ Kem-to-ndoo to lese see nje-koruje gel Ndu ke see Parijiyenje ke e-toje to nje-ngemje. E-taaje ne-kingaje le dene-ndubbaje jide te toyn. A kare teenn njaa, aw dujuje Lubba kure ew mba kare

* **23:5** 23.5 Yeenn to gusu ke Parijiyenje aw dda je ddew kubbu-koje te lede ke ngann bolje ke n̄-toje node te ke jide te je ta toju dewje to n̄-toje to dewje ke n̄-bbeelje Lubba nya uta keseje.

dewje aase. Mba yeenn a sariya ke dōse te a ngeng nya.

¹⁵ Kem-to-ndoo to lese see nje-kōruje gel Ndu ke see Parijiyenje ke e-toje to nje-ngemje. Aw ulaje loje toyn bba aw ingaje dew kara ke ndiki ta ngem Ndu le Moyiji. Ngaa goe te ke ingaeje a, e-ddaeje are n̂-ddee to dew ke ase kaw kem puru te ke aw wōn ke ndo ke ndo utase gōl joo bbay.

¹⁶ Kem-to-ndoo to lese, sese ke aw ōruje nō nje-marese, ke e-toje toke le nje-kem-toje. E-paje na: <Toke dew unda yo ke ri key-polo-Lubba a, dda ne ang. A toke nunda yo ke ri ande ke me key-polo-Lubba te a, maji kare n̂-dda ne ke nunda yo ta dda le.>

¹⁷ See mbeje ke nje-kem toje! Key-polo-Lubba a dda are ande le ddee to ne ke dunda dang mba Lubba. Yeenn a, Key-polo Lubba le a to ne ke ngeng wase ande le wa?

¹⁸ E-paje bbay na: <Toke dew unda yo ke ri bann a, dda ne ang. A toke dew unda yo ke ri ne-polo ke to dō bann te a, maji kare n̂-dda ne ke nunda yo ta dda le.>

¹⁹ See nje-kem-toje! Bann a dda are ne-polo ddee to ne ke dunda dang mba Lubba. Yeenn a, bann le a to ne ke ngeng wase ne-polo le wa?

²⁰ Dew ke unda yo ke ri bann, unda yo ke ri bann le ddem, unda yo ke ri ne toyn ke to dō bann te le ddem.

²¹ Dew ke unda yo ke ri key-polo-Lubba, unda yo ke ri key-polo le ddem, ke ri Lubba ke to me key-polo te le ddem.

²² Dew ke unda yo ke ri dara, unda yo ke ri ngende-mbay le Lubba ddem, ke ri Lubba ke isi

do ngende-mbay te le ddem.

²³ Kem-to-ndoo to lese see nje-kɔruje gel Ndu ke see Parijiyenje ke e-toje to nje-ngemje. Sese ke aw areje dime ngann ne-ndooje lese toyn, a aw mbeteje tarje ke ngeng nya uta keseje ke Ndu aw toju. Neje toke: <Ne-dda ke gate gate, me-maji, ke ngem tar le Lubba>. To maji ta nejeenn ke keseje toyn.

²⁴ Sese ke aw ɔruje nɔ nje-marese, ke e-toje to nje-kem-toje le, nayn to aw taaje maann-kay lese mba kɔru ngann kewnje ke ddang, a areje jambalje nday aw mese te wa!

²⁵ Kem-to-ndoo to lese see nje-kɔruje gel Ndu ke see Parijiyenje ke e-toje to nje-ngemje. Nayn to aw tokoje giri engo-ne-kayje lese ke giri sambeje lese. A, ne-bbokoje, ke neje ke ingaje ke ddewe ang a ddusu me engo-maannje, ke me sambeje lese le.

²⁶ Ei Parijiyen ke e-to nje-kem-to le, e-toko me engo-ne-kay bba gire a kare to.

²⁷ Kem-to-ndoo to lese see nje-kɔruje gel Ndu ke see Parijiyenje ke e-toje to nje-ngemje. E-toje toke le dobare ke dɔru pɔr gire te are nda. Gire kura kem dewje te, a singa dewje ke oy ke ne-yerewje dang dang njaa ddusu mee.

²⁸ Sese kara e-toje ddew kara baa toke baann. Kem dewje te, undaje rɔ dewje ke aw bbeel Lubba. A, ngemje ke ne-ddaje ke maji ang ddusu mese.

²⁹ Kem-to-ndoo to lese see nje-kɔruje gel Ndu ke see Parijiyenje ke e-toje to nje-ngemje. Aw ddaje dobare nje-kilaje mber-tar le Lubba ngaa aw mɔseje dobare dewje ke gate gate are kura.

³⁰ Ngaa aw paje na: <Toke jeje n-to dɔ ndɔ te le kajeje a, ja kumade ta tɔl ne nje-kilaje mber-tar le Lubba ang.>

³¹ Yeenn pa na sese njaa e-gereje to e-toje to nje ke gel dewje te ke tɔlje nje-kilaje mber-tar le Lubba le.

³² Yeenn a, sese, uwaje kula le kasese le areje ngeng awje ne ke kete ma!

³³ See lije, ko embakanraje, a kaseje ta tee ta sariya-puru te ke aw wɔn ke ndɔ ke ndɔ toke baann wa?

³⁴ Mba yeenn a, ooje, ma kula nje-kilaje mber-tar le Lubba, nje-kem-kareje, ke nje-kɔruje gel Ndu rɔse te. A tɔlje mareje, ta a bbereje mareje dɔ kake-dese te. A tundaje mareje ke ndey me key-mbɔn naaje te lese ngaa, a tubbajede ke bbe bbe.

³⁵ Yeenn bba kare tar mese dewje ke gate gate tɔyn ke e-tɔlje de dɔ nange te neenn tel dɔse te. Unn kutue tar mese Abel te ke to dew ke gate gate, ndereng dɔ tar mese Jakari te ke to ngon le Barasi ke e-tɔlje me key-polo-Lubba te horo lo te ke maji tɔyn ke bann.

³⁶ Tɔkɔrɔ m-pa marese, sariya nejeenn tɔyn a koso dɔ dewje te ke bbokone neenn.

Jeju nɔ wɔju dɔ Jurusalam

³⁷ See dewje ke Jurusalam, see dewje ke Jurusalam! Sese ke aw tɔlje nje-kilaje mber-tar le Lubba, ngaa aw tilaje dewje ke Lubba ulade rɔse te ke er e-tɔljede. M-ndiki nya ta mbɔnse toke kɔn kunja aw mbɔn nganne kɔ bake te a, e-ndikije ang.

³⁸ Maji! Me key lese a to baa.

³⁹ Mba, m-pa marese, a koomje ang ngaa ndereng ta a paje na: «Maji kare Lubba bbar tar ke maji dɔ dew te ke aw ddee ke ri Ebbe-dewje.»
»

24

Jeju pa na dewje a tujuje key-polo-Lubba

¹ Toke Jeju tee key-polo-Lubba te aw ɔtu a, nje-njaje goe te ddeeje aw tojeje gusu ke dɔsu ne key-polo-Lubba le.

² Yeenn a Jeju pa arede na: «Ooje neje neenn toyn. M-pa tar ke tokɔɔ marese. Mare er kara a nayn dɔ mare te ang. Da tɔ neje neenn toyn.»

Neje ke a toje kete bba ddotu ndɔ a ddee

³ Toke Jeju isi dɔ ddingiri Olibeje te a, nje-njaje goe te ddeeje ke karede baa dujeje na: «Nɔ ddi njaa bba nejeenn le a toje ne wa? Ngaa ddi bba ja gere ne kare ddee lei ddem, ddotu ndɔ le ddem wa?»

⁴ Jeju ilade te na: «Aaje rose ke maje areje dew erese ang.

⁵ Mba dewje nya nya a ddeeje ke rim ngaa da paje na: «Ema m-to Mesi le». Ngaa da kereje dewje nya.

⁶ A kooje tam ddoje ke aw ddeeje ngɔsi ke tam ddoje ke naynje ddew ew. A areje bbeel ddase ang. Maji kare nejeenn le toje. A, a to ddotu ndɔ ang bbay.

⁷ Mba gel-dewje a kinje ta dda ddo ke mare gel-dewje. Bbe-kɔn a kin ta dda ddo ke mare bbe-kɔn. Tokɔ bbo a koso ngaa, nange a yeke loje te dang dang.

⁸ A nejeenn toyn a toje toke le kunn-kutu nduru-ndo le dene.

⁹ Yeenn ngaa da kuwase kare dewje ula kemse ndoo ngaa da talse. Gel-dewje toyn a mbetese wɔju dɔm.

¹⁰ Koo me te le dewje nya a koso. Da kunnje dɔ naa, ngaa da mbeteje naa ke yo ke ne.

¹¹ Nje-kilaje mber-tar ke toje to nje-ngemje a kundaje lo tee banya banya ngaa da kereje dewje toke banya.

¹² Majang a kaw ke kete kete, are ndiki naa le dewje nya a tel ke guku.

¹³ A dew ke uwa are ngeng ndereng tee kɔen te a, a kinga kaji.

¹⁴ Da kila mber Tar ke maji ke wɔju dɔ Bbe-kɔn ke darâ dɔ nange te toyn kare gel-dewje toyn ooje. Goe te ngaa bba a to dɔbɔyn ne.»

Dewje a kooje ndoo nya

¹⁵ «A kooje <ne ke maji ang ke aw tuju lo> le lo te ke maji-toyn, ddew kara baa toke nje-kila mber-tar le Lubba Daniel ila mbere le*. - Maji kare dew ke aw tura Maketuru neenn le gere kande ke maje-

¹⁶ Yeenn a, maji kare dewje ke a kisije nange Jude te aynje er ke dɔ ddingirije te.

¹⁷ Toke dew isi dɔ key te a, maji kare n̂-ddisi ta kunn ne laa ke to me key te ang ngaa.†

* **24:15** 24.15 <Lo ke maji-toyn> ke Jeju aw pa ne neenn to lo ke me key-polo-Lubba te ke Jerusalem. † **24:17** 24.17 Nangue Ijarayel te dewje aw isije dɔ key te lede mba n̂-ddaje dɔ key le dare labbe to labbe

18 Toke dew ee ndoo a, maji kare n̂-tel bbee mba kunn kubbu laa ke ngal ang tɔ.

19 Dɔ ndoe teenn, a to ndoo nya kare deneje ke eeje ke sem, ke nje ke ngannde aw ilje mba.

20 E-dujuje Lubba kare ndo kayn lese le to do nayn-kul te ang ddem, ndo-kuwa-ro te ang ddem.

21 Mba kare teenn, dewje a koo ndoo nya kuta ndoo ke dewje ooje kunn-kutu ne te ndereng bbokone. Goe te a, ne kem-to ndoo ke a kuta yeenn a to ang ngaa.

22 Toke Lubba tel ke ndo nejeenn le are nayn ngaji baa ang a, dew kara a kinga kaji ang. A na tel ke ndo nejeenn le kare nayn ngaji baa woju do dewje ke n̂-mberede toke kete.

23 Yeenn a, toke dew pa arese na: <Ya! Mesi ee neenn.> Wase <Nee yonn> a, e-ndikije te saa ang.

24 Mba mesije ke tokoro ang, ke nje-kilaje mber-tar ke tokoro ang a ddeje. Da ddaje ne-morije ke neje ke dum do koo, ta bbo ddew to a, nje ke Lubba mberede kara ta kerede tɔ.

25 Ye ann, mila mbise te kete mban.

26 Yeenn a bbo, n̂-pa darese na: <Ya! Nee me kor te> a, awje ang. A bbo na: <Ne a niya roe neenn> a e-ndikije te ang.

27 Ngonn le dew a ddee ddew kara baa toke ndi ke teel me dara te lo tee te le kare ndereng lo kande te le kare.

28 Lo ke ninn to te a, malje a mbonje naa kete‡.»

Ddee le Ngonn le dew

29 « Njange baa go ndo ne-kem-to-ndooje teenn le a, kare a tuka ndul ta neyn a nda ang ngaa.

‡ 24:28 24.28 Gel tar neenn na: Ndo teel le Jeju a, dewje toyn a gereje.

Endeterendenje a kinje darâ tosoje dɔ nange te. Singa-mɔnguɛ ke me dara te a yekeje.

³⁰ Yeenn ngaa ne ke a tɔju kare dewje gereje ne teel le Ngonn le dew a tee me dara te. Ngaa dewje tɔyn ke dɔ nange te a nɔnje. Da kooje Ngonn le dew ke a ddee me mum te ke singa-mɔnguɛ ke bo nya ddem, ke piti ke bo nya ddem.

³¹ Tɔku tebbe-nare a bbar ngaa Ngonn le dew a kula anjije laa kare n̄-mbɔnje dewje ke n̄-mberede kɔyn nange te ke sɔ tɔyn, in er kara tee er kara.»

Ne-tɔju ke dɔ kake Pige te

³² «Maji kare e-gereje ne dɔ kake Pige te: Toke maann aw nja me barkem kake Pige te a kame aw unju a, e-gereje to neyn ne-dubbu ee ngɔsi ngaa.

³³ Ddew kara baa, bbo sese ooje nejeenn tɔyn a, maji kare e-gereje to Ngonn le dew a ta ddee ngaa. Nee ngɔsi baa ngaa.

³⁴ M-pa marese, tɔkɔɔ njaa, dewje ke bbokone neenn a koyje tɔyn ang bbay a, nejeenn tɔyn a teeje.»

³⁵ «Dara, ke nange da ndayje, a tarje lem a ndayje ang.»

Dew kara gere ndɔ ke Ngonn le dew a ddee ne ang

³⁶ Dew kara gere ndɔ wase kare tee le nejeenn le ang. Anjije ke dara wase Ngonn le kara gere ang. Bɔ ke kare baa gere.

³⁷ Ndɔ tee le Ngonn le dew a to ddew kara baa ke neje ke teeje ndɔ te le Noe.

³⁸ Mba kare teenn le, kete bba kare maann taa lo a, dewje aw usaje, aw ayje. Daw n̄-taaje naa, daw dare ngaw ngannde ke dene ndereng tee ndo te ke Noe ande me toku to te.

³⁹ Dejeje mare ne kara ang ndereng do ndo te ke ndi ere are maann taa lo ngaa uwade toyn aw ke de. Ndo ddee le Ngonn le dew a to ddew kara baa toke baann to.

⁴⁰ Yeenn a, bbo dingawje joo eeje ndoo a, da kunn mare kara, a da kinya ye ke kara.

⁴¹ Toke deneje joo aw uruje ne biri a, da kunn mare kara, a da kinya ye ke kara.

⁴² Yeenn a, areje dogolse te mba e-gereje ndo ke Ebbesese a ddee ne ang.

⁴³ Maji kare ooje tar neenn ke maje: Toke nje-key gere kare ke nje-bboko a ta ddee ne til te a, na ngem ta-lo bbo na kinya nje-bboko le kare ande key laa ang.

⁴⁴ Mba yeenn a, sese kara isije do golse te mba Ngonn le dew a ddee ke kare ke e-gereje ang.

Tar do nje-kulaje te joo

⁴⁵ Nje-kula ke dda ne ke dogole ddem, keme are ddem ngaa ebbeeje inya nje-kula mareje jia te kare narede ne-kusa ke kare to na wa?

⁴⁶ Ro-neel a to laa ne ke ebbeeje le ddee ingae ta kula te le.

⁴⁷ M-pa marese, tokoro njaa, ebbeeje le a kinya ne-kingaje laa toyn me jia te.

⁴⁸ A toke n̄-to nje-kula ke maji ang a, na keje na: <Ebbemje a ddee njange ang bbay.>

⁴⁹ Ngaa na kuru do nje-kula mareje te le tundance. Na kusa ne ngaa, na kayn ne ke nje-kayje koto.

⁵⁰ Ebbeeje le a ddee ke ndo ke neje ang ddem, ke kare ke na gere ang ddem.

⁵¹ Ebbeeje le a ddae maji ang ngaa a kilae lo ke daw dila nje-ngemje ke te are aw nonje ddem aw ngeerje ngangede ddem.»

25

Gusu-tar do ngamandeje te doku

¹ «Yeenn a, Bbe-kon ke darâ a to ddew kara baa toke tar le mare ngamandeje doku ke jinje lambeje lede ta kaw tila ne kem dingaw ke a ta taa dene.

² Nje ke mi toje to mbeje, a keseje ke mi toje to nje-kem-kareje.

³ Mbeeje le jinje lambeje lede a awje ke maann-koo-lo mba kungu me lambeje te le ang.

⁴ A nje kem-kareje le jinje lambeje lede ke maanne me ngann kuje te.

⁵ Nje taa dene le naysn ddee njange ang bbay a, bbi ddade are n-tibbije toyn.

⁶ A kare ke lo mongu a, mare ko bbar na: <Nje-taa-dene le aw ddee ngaa bbo! E-teeje, e-tilaje keme!

⁷ Yeenn ngaa, ngamandeje le toyn ndolje ngaa unnje kutu mose lambeje lede.

⁸ Mbeeje le dujuje nje ke kemde are le na: <Arejeje maann-koo-lo lese ten mba lambeje leje a ta koy.>

⁹ A nje-kem-kareje le ilade te na: Baann ang, maann-koo-lo leje a kase engaje ke engase toyn ang. Awje bbe le dewje ke aw labbeje e-ndokoje enganse.

¹⁰ A kare ke dawje ta ndoko a, nje-taa-dene le tee. Nje ke moseje rōde kete le andeje saa me key-kusu taa-naa te, ngaa dutu ta-key le.

¹¹ Goe te ngaa bba kese ngamandeje le ddeeje ngaa uruje ekii na: <Dingaw, dingaw ōru ta-key areje.>

¹² A nilade te na: <Tōkōrō njaa m-pa marese, m-gerese ang. > »

¹³ Go gusu tar te neenn le a, Jezu pa na: «Yeenn a, arje dōgōlse te, mba e-gereje ndōe ang ddem, kare ang ddem.»

Gusu-tar dō nje-kulaje te mota

¹⁴ «Tar Bbe-kōn le Lubba a to ddew kara baa ke tar le mare dingaw ke a ta kaw mba te a, bbar nje-kulaje laa ngaa inya ne-kingaje laa me jide te.

¹⁵ Nare mare kara kande ande-nare kōr mi. Nare mare kōr joo. A nare mare kōr kara. Narede ase gude gude ngaa, naw mba te le.

¹⁶ Dew ke inga kande ande-nare kōr mi le aw labbe ne ne ngaa inga kande ande-nare kōr mi dōe te tō.

¹⁷ Ne ke ninga kōr joo le naw n̂-dda toke baann tō ngaa ninga kōr joo dōe te tō.

¹⁸ A ne ke ninga kōr kara le naw nuru buwa ngaa niya nare le ebbēje le me te.

¹⁹ Ndō nya goe te a, ebbe-nje-kulaje le tel ddee ngaa unn kutu dujude kare n̂-tōje ne ke n̂-ddaje ke nare laa le.

²⁰ Ne ke ninga kande ande-nare kōr mi le naw n̂-ddee ke mare kande ande-nare kōr mi ke ninga dōe te le ngaa n̂-pa na: <Ebbemje, arem kande ande-nare kōr mi, a ye ke kōr mi ke minga dōe te a neenn.>

²¹ Ebbeeje pa are na: <Maji, e-to nje-kula ke maji ddem, e-dda ne ke dɔgɔle ddem. E-dda ne ke dɔgɔle ddew neje te ke sen baa. Yeenn a, ma kinya neje ke bo me jii te. E-ddee e-dda rɔ-neel sem.>

²² Ne ke dare kande ande-nare kɔr joo le n̂-ddee tɔ ngaa, n̂-pa na: <Ebbemje, arem kande ande-nare kɔr joo, a ye ke kɔr joo ke minga dɔe te a neenn.>

²³ Ebbeeje pa are na: <Maji, e-to nje-kula ke maji ddem, e-dda ne ke dɔgɔle ddem. E-dda ne ke dda ne ke dɔgɔle ddew neje te ke sen baa. Yeenn a, ma kinya neje ke bo me jii te. E-ddee e-dda rɔ-neel sem.>

²⁴ Gode te tɔyn a, ne ke ninga kande ande-nare kɔr kara le n̂-ddee ngaa n̂-pa na: <Ebbemje, m-gere to e-to dew ke ketere. Lo ke e-dubbu ne te ang kara aw uja ne te. Lo ke e-tila ko te ang kara aw tɔru ne te.>

²⁵ Bbeel ddam are maw miya nare lei le me buwa te. Ye a neenn, e-taa.>

²⁶ Ebbeeje le ilae te na: <Nje-kula ke maji ang, nje-dabbe. E-gere to lo ke m-dubbu ne te ang kara maw muja ne te. Lo ke m-tila ko te ang kara maw m-tɔru ne te.>

²⁷ Bbo baann a, mba ddi bba ungu nare lem le lo ngem nare te kare telem a minga nare lem le ddem, mare nare dɔe te ddem ang wa?

²⁸ E-taaje kande ande-nare ke kɔr kara le jia te areje nje-kula ke ee ke kande ande-nare doro kara le.

²⁹ Mba da kare ne dew ke ee ke ne kare ne laa bo ke kete kete. A dew ke ee ke ne kara ang, ne laa ke ten baa be kara da taa jia te.

³⁰ A ne nje-kula ke kari baa neenn le, ilaeje ddaka lo te ke ndul lo te ke dewje aw nare n̂-n̂je ngaa aw ngeerje ngangede kete.»

Sariya ke ddutu ndo te

³¹ «Ndo ke Ngonn le dew a ddee ke anjije laa toyn me piti te laa a, na kisi do ngende-mbay te laa ke to ne-piti.

³² Dewje toyn ke do nange te a mbonje naa noe te ngaa, na kayn horo dewje ddew kara baa toke nje-ngem-da aw kayn horo bateje ke benyaje.

³³ Na kungu bateje do-ji-kole te a, na kungu benyaje do-ji-gele te.

³⁴ Yeenn ngaa, Toku-mbay le a pa kare nje ke isije do-ji-kole te na: <Sese ke Bomje bbar tar ke maji dose te le, e-ddeeje. E-taaje Bbe-kon ke Lubba mose mba tar lese lew baa kare te ke naw n̂-dda ne neje le to lese.

³⁵ Mba bbo ddam, a aremje ne musa. Kunda om, a aremje maann may. M-to nje-mba, a e-taamje ke key.

³⁶ Kubbu goto rom te, a aremje kubbu mula. Rom tom, a e-ddee oomje. M-to key-kula te, a e-ddeeje oomje.>

³⁷ Yeenn ngaa dewje ke gate gate le a kilaeje te na: <Ebbe-dewje, ndo ke dda bba bbo ddai bba joi a jari ne-kusa, wase kunda woin bba jari maann ay wa?

³⁸ Ndo ke dda bba e-to nje-mba bba joi a n̂-taai ke key, wase kubbu goto roi te bba jari kubbu o wa?

³⁹ Ndo ke dda bba roi toi, wase ee key-kula te bba n̂-ddee jooi wa?>

⁴⁰ Yeenn ngaa Toku-mbay le a kilade te na: <Tɔkɔrɔ njaa, m-pa marese, kare toyn ke e-ddaje nejeenn le ke kara le ngakom ke toje to dewje ke ten baa neenn a, yeenn to ema a e-ddaje sem.> »

⁴¹ Goe te a, na pa kare nje ke eeje do-ji-gele te le na: <ɔtuje mborem te ke ddang, sese ke ndu-ndool to dose te. Awje dann puru te ke a kon ke ndo ke ndo, ke Lubba mose mba esu de ke anjije laa.

⁴² Mba bbo ddam, a aremje ne-kusa ang. Kunda om, a aremje maann kay ang.

⁴³ M-to nje-mba, a e-taamje ke key ang. Kubbu goto rom te, a aremje kubbu ang. Rom tom, a e-ddeeje oomje ang dem, m-to key-kula te, a e-ddeeje oomje ang.>

⁴⁴ Yeenn ngaa da kilaeje te na: < Ebbejeje! Ndo ke dda bba bbo ddai, kunda woin, e-to nje-mba, kubbu goto roi te, roi toi wase ee key kula te bba jumai ang wa?>

⁴⁵ A na kilade te na: <Tɔkɔrɔ njaa, m-pa marese, kare toyn ke e-ddaje nejeenn le ke kara le ngakom ke toje to dewje ke ten neenn ang a, yeenn to ema a e-ddaje sem ang.>

⁴⁶ Da kaw koo ndoo ke ndo ke ndo, a nje ke ddaje ne ke me Lubba ndiki le a kisi ke tebbe ke ndo ke ndo.»

26

Tɔkuje le Jiipije ulaje tar me naa te ta tol Jeju

¹ Toke Jeju pa tarje neenn le toyn nunga a, n-pa nare nje-njaje goe te na:

² «E-gereje toyn to kusu-Pake nayn ndo joo baa ngaa. Da kila Ngonn le dew ji dewje te kare n̄-tole do kake-dese te.»

³ Yeenn ngaa, toku nje-poloje Lubba ke tokuje le Jiipije mbonje naa me ndoko te le mbay le toku nje-poloje Lubba ke ria na Kayipi,

⁴ ngaa dunnje ndude ta kuwa Jeju ke gusu ta tole.

⁵ A n̄-paje na: «Areje juwae ke ndo kusu-Pake ang, mba a kuju bula horo dewje te.»

Mare dene ungu yambo do Jeju te

⁶ Jeju ee Betani key le Simo ke lew to nje-banji,

⁷ a mare dene ddee ngosi saa. Nuwa ku ke n̄-dda ke er ke ria na Alebatere jia te. Yambo ke gate ngeng nya ddusu mee. Kare ke Jeju nayn ta ne-kusa te bbay a, dene le ungu yambo le doe te.

⁸ Toke nje-njaje-go Jeju te ooje neenn le a, neelde ang ngaa n̄-paje na: «N̄-tuju yambo neenn be mba ddi wa?

⁹ Maji ta labbe yambo neenn ke gate ke ngeng a kayn nare nje-ndooje ang wa?»

¹⁰ Jeju gon tar ke daw n̄-pa le gere ngaa pa na: «Mba ddi bba aw jokuje dene neenn wa? Ne ke maji a n̄-dda sem.

¹¹ Nje-ndooje aw nayn ke se ke ndo toyn. A ema, ma nayn ke se ke ndo toyn ang.

¹² Nungu yambo le rom te ta mosem ngina ne ndo ke da kilam me buwa-yo te.

¹³ Tokoro, m-pa marese, lo toyn ke do nange te ke da kila mber Tar ke majineenn te, da pa tar ne ke dene neenn dda ngaa da kole mede doe te.

Judase ndiki ta kunn do Jeju

14 Goe te a, kara le nje-njaje-go Jeju te ke doku gire joo ke daw n̄-bbare na Judase Isikariyote aw inga t̄oku nje-poloje Lubba,

15 ngaa pa arede na: «Toke mila Jeju jise te a, ddi a, a karemje wa?» T̄oku nje-poloje Lubba areje kande nare d̄omota.

16 Unn kutue kare teenn, Judase aw sange ddew ta kila Jeju jide te.

17 D̄ongor nd̄o kusu-mapa ke n̄-dda ke wum ang le a, nje-njaje-go Jeju te ddeeje dujeje na: «E-ndiki kare n̄-m̄ose ne-kusa mba kusu-Pake le jari lo te ke dda wa?»

18 Jeju ilade te na: «Awje t̄oku bbe te r̄o mare dew te ke be. E-paje areje na: <Nje-ne-t̄oju pa na: Kare lem ddee ngosi ngaa. Key lei a ema ke nje-njaje-gom te ja dda kusu-Pake ke te.> »

19 Nje-njaje-go Jeju te ddaje ne ke nunn ndu narede kare n̄-ddaje ngaa n̄-m̄oseje neje mba kusu-Pake le.

Jeju toju kem dew ke a kunn d̄oe

20 Lo-kul a, nisi ta ne-kusa te ke nje-njaje goe te ke doku gire joo le.

21 Kare te ke daw dusaje ne a, n̄-pa na: «T̄ok̄or̄o m-pa marese, dew kara horose te a kilam ji dewje te.»

22 R̄o nje-njaje-go Jeju te le neelde ang nȳom ngaa dede kara kara n̄-dujeje na: «Ebbe-dewje to ema wa?»

23 Nilade te na: «Dew ke ula jia naa te sem me sambe te neenn, ne a na kilam ji dewje te.

24 Ngonn le dew a koy ddew kara baa ke tar ke makuturu le Lubba pa d̄oe te. A kem to ndoo a

to le dew ke a kilae ji dewje te le. Duje ang kara maji nya uta.»

²⁵ Judase ke a ta kilae ji dewje te le duje na: «Nje-ne-tɔju, to ema wa?» Jeju ilae te na: «Ei njaa e-pa mban.»

Muru me-kara

²⁶ Kare te ke daw dusaje ne a, Jeju unn mapa ngaa, are wooyo Lubba a, tete ngaa are nje-njaje goe te a pa na: «E-taaje usaje. Yeenn to da-rɔm ann.

²⁷ Goe te a, nunn mare engo maann binye ngaa nare wooyo Lubba a, n̂-pa na: «Sese tɔyn njaa ayje,

²⁸ yeenn to mesem ann. To mese ke Lubba ɔsu ne dɔnɔ ke dewje ke banya are ula mba kare tar majang lede ɔru ne dɔde te.

²⁹ M-pa marese, ma kay maann binye neenn ang ngaa ndereng ndɔ ke ma kay ne maann binye ke siki ke se me Bbe-kɔn te le Bɔmje.»

Jeju pa na Piyar a mayn tar le ne

³⁰ Goe te a, dɔsuje pa wal Lubba, ngaa n̂-teeje dawje ke dɔ ddingiri Olibeje te.

³¹ Yeenn a, Jeju pa arede na: «Til te neenn, ne a kingam kare e-tusumje tɔyn inyamje, mba n̂-dda me Maketurute le Lubba na:

Ma tɔl nje-ngem-bateje, ta kusu bateje le a saren.»

³² «A go kin te ke ma kin horo dewje te ke oy a, ma kaw ginase Galile.»

³³ Piyar pa are na: «Le dewje tɔyn tusije inyaije kara, ema ma kinyai ndɔ kara ang.»

³⁴ Jeju ilae te na: «Tɔkɔrɔ, m-pa mari, til te neenn njaa, kete bba kare kuran nɔ a, a mbetem ta pa na e-gerem ang gɔl mota.»

³⁵ Piyar pa are na: «Le ase kare moy sei kara, ma mbiti ta pa na m-geri ang ndɔ kara ang.» Ngaa kese nje-njaje goe te tɔyn paje toke baann tɔ.

Jeju duju Lubba lo te ke Jetesemane

³⁶ Goe te a, Jeju aw ke nje-njaje goe te le lo te ke daw n̂-bbar na Jetesemane ngaa n̂-pa narede na: «Isije lo te neenn a ema, ma kaw duju Lubba lo te ke yonn.

³⁷ N̂-jin Piyar de ke ngann le Jebede ke joo naw ke de. Rɔe unn kutu neele ang ngaa bbeel uta dɔe tɔ.

³⁸ Ngaa, n̂-pa narede na: « Rɔm neelem ang nja nyɔm. E-naynje neenn, ta je ke se, jareje bbi ɔru kemje ang.»

³⁹ Goe te a, n̂-ngese ke kete ten be ngaa, n̂-tee noso ke ta mee, n̂-debbe keme nange ngaa n̂-duju Lubba n̂-pa na: «Bɔy, bbo ddew to a, uta engo kem-to-ndoo neenn ke ddang. A e-dda toke mei ndiki bbo toke mem ndiki ang.»

⁴⁰ N̂-tel n̂-ddee rɔ nje-njaje goe te ke mota le a, ningade tɔyn dɔ bbi te. Yeenn ngaa n̂-pa nare Piyar na: «A kaseje ta kare bbi ɔru kemse ang sem mba kare kara ang wa?»

⁴¹ Areje bbi ɔru kemse ang bbo e-dujuje Lubba na a kosoje me ne-na te. Dew ndiki ta dda ne ke maji njaa a, da-rɔ inga ddew ta dda ne le ang.»

⁴² Jeju tel aw ddew ew bbay ngaa duju Lubba na: «Bɔy, bbo engo neenn le to ta kare may njaa,

mba ddew ke a kōru ne ke ddang goto a, maji kare e-dda ne ke mei ndiki.»

⁴³ N̄-tel n̄-ddee a ningade dɔ bbi te bbay mba bbi uta dɔde.

⁴⁴ Ninyade a naw n̄-duju Lubba ke gɔl mota laa bbay. Neenn le njaa n̄-tel n̄-duju Lubba le bbay.

⁴⁵ Ngaa n̄-tel n̄-ddee rɔ nje-njaje goe te a n̄-pa na: «Aw e-tibbije, aw uwaje rɔse bbay wa? Bbasine, kare ase ngaa, da kila Ngonn le dew ji nje-ne-ddaje te ke maji ang.

⁴⁶ Yeenn a, inje are jawje. Dew ke ilam ji dewje te le ddee ngɔsi ngaa.

Duwa Jeju

⁴⁷ Toke Jeju nayn aw pa tar bbay a, kara le nje-njaje goe te ke dɔku gire joo ke ria na Judase le ddee ke dewje ke banya. Duwaje tɔku kiyaje ke kakeje jide te. Tɔku nje-poloje Lubba, ke tɔkuje le Jiipije a ulajede.

⁴⁸ Judase nje-kila Jeju jide le tɔjude toke kete, mare ne ke na dda kare n̄-gere ne Jeju le. N̄-pa na: «Dew ke m-to mbiya a, to ne ann ta uwaeje.»

⁴⁹ Njange baa njaa a, Judase le ddee ngɔsi ke Jeju ngaa pa are na: «Lapiya, Nje-ne-tɔju!» Ngaa n̄-to mbiya.

⁵⁰ Jeju ilae te na: «Naam, e-dda ne ke e-ddee ta dda le.» Yeenn ngaa dewje le ddeeje ngɔsi ke Jeju le ngaa ilaeje uwaeje.

⁵¹ Mare nje-nja go Jeju te kara ɔru tɔku kiya laa ngaa tuka ne mbi mare nje-kula le tɔku-nje-polo Lubba ti.

⁵² Yeenn ngaa Jeju pa are nje-nja goe te le na: «E-tel ke tōku kiya lei ture te, mba dew ke tōl dew ke tōku kiya a, da tōle ke tōku kiya tō.

⁵³ E-gere ang wa? Mase ta duju Bōy kare ula ke anjije ke toje to nje-ddōje banya banya arem.

⁵⁴ A bbo m-dda toke baann a, tarje ke Maketurule Lubba pa le a ddeeje to ne ke tōkōrō toke baann wa? Maketuru le pa na maji kare neenn le to toke baann.»

⁵⁵ Goe te a, Jeju pa are dewje ke banya le na: «E-ddeeje ke tōku kiyaje, ke kakeje bba ta kuwam ne toke ne ke m-to nje-bboko. Ke ndō toyn misi me key-polo-Lubba te maw m-toju ne, a uwamje ang.

⁵⁶ A nejeenn toyn teeje kare tar ke nje-kilaje mber-tar le Lubba paje me Maketurute le ddeeje ne to ne ke tōkōrō.» Yeenn ngaa nje-njaje-go Jeju te le tōyn njaa aynje inyaeje.

Daw ke Jeju lo tōku sariya te le Jiipije

⁵⁷ Nje ke uwaje Jeju le awje saa rō Kayipi te ke to tōku nje-polo Lubba. Nje-kōruje gel ndu ke tōkuje le Jiipije mbōnje naa lo teenn.

⁵⁸ Piyar ōru goe, a nja ddew ew saa ndereng tee ne me ndoko te le Kayipi le. Nande me ndoko te le ngaa nisi ke nje-ngemje ta key ta koo se ne le a kōsu kōyn toke baann wa?

⁵⁹ Tōku nje-poloje Lubba ke nje-gangeje sariya le Jiipije le tōyn aw sangeje mare tar ngem ta kunda dō Jeju te bba ta gange ne sariya yo dōe te.

⁶⁰ Nje-tar-najije ke toje to nje-ngemje nya nya ddeeje ulaje tar tae te. A dingaje ne ke ta kunda

ne tar dœ te le ang. Dɔ bɔnye a mare dewje joo ddeeje paje na:

⁶¹ «Dew neenn pa na: <Mase ta tɔ key-polo-Lubba ta tel dda ture te me ndɔ mota te.> »

⁶² Tɔku nje-polo Lubba le in taar ngaa duje na: «Tar ke a kila te goto wa? Tar ddi a, a pa dɔ tar te ke dewje aw paje dɔi te neenn wa?

⁶³ A Jezu pa tar ang. Yeenn ngaa tɔku nje-polo Lubba pa are na: « M-duji ke ri Lubba ke nje-kisi kem baa kare ilaje tar te neenn: <E-to Mesi, Ngonn le Lubba wa?> »

⁶⁴ Jezu ilae te na: «Ei njaa e-pa mban. A m-pa marese, bbasine neenn njaa a kooje Ngonn le dew dɔ-ji kɔl Lubba te ke nje-singa-mɔngu. A kooje kare te ke na kin darâ ta ddee me mum te tɔ.

⁶⁵ Yeenn ngaa tɔku nje-polo Lubba le tir kubbu ke rœ te* ngaa pa na: «Î-taji Lubba. N-ndiki ta kinga nje-tar-naji bbay ang ngaa. Ooje taji ke î-taji Lubba neenn mban.

⁶⁶ Tar ddi a ejeje dœ te wa?» Dilaeje te na: «Nase yo.»

⁶⁷ Yeenn ngaa, î-tibbije nwere keme te ngaa î-bbirije jide î-tundaeje ne. Mareje tundaje kambore ngaa,

⁶⁸ paje na: «Mesi, e-pa are joo, na a undai wa?»

Piyar mbete Jezu na î-gere ang

⁶⁹ Kare teenn Piyar isi ddaka me ndoko te le. Mare nje-kula ke dene ddee ngosi saa ngaa pa

* **26:65** 26.65 Bbe le Jiipije, toke mare dew ke bo tir kubbu laa a, yeenn tɔju to ungu woen nya. Yeenn to ne ke ngeng nya. Tɔku nje-polo-Lubba ee ke ddew ta tiir kubbu ke rœ te ang tɔ.

na: «Ei kara e-nja ke Jeju dew ke Galile neenn le tɔ.»

⁷⁰ A Piyar mayn kem dewje te tɔyn na: «M-gere tar ke e-ndiki ta pa neenn ang.»

⁷¹ Nunn ddew ta kotu ngaa n̂-tee ta ndoko te le a, mare nje-kula ke dene dang ooe ngaa pa are nje ke isi lo teenn na: «Dew neenn nja ke Jeju dew ke Najarete le tɔ.»

⁷² Piyar unda yo ngaa mayn bbay na: «M-gere dingaw neenn ang.»

⁷³ Ngaji goe te a, nje ke eeje teenn le awje ngosi ke Piyar le ngaa paje are na: «E-to kara le dewje neenn njaa. Tar-pa lei njaa tɔju.»

⁷⁴ Yeenn ngaa nunn kutu kunda yo ngaa n̂-ton ne guma na: «M-gere dingaw neenn ang. Toke mere ngem a, maji kare Lubba undam.» Kare teenn njaa kuran nɔ.

⁷⁵ Piyar ole mee dɔ tar te ke Jeju pa are na: «Kete bba kare kunra nɔ a, a mbetem pa na e-gerem ang gɔl mota.» N̂-tee ddaka ngaa n̂-nɔ nya.

27

Daw ke Jeju nɔ Pila te

¹ Ke endɔɔ baa njaa, toku nje-poloje Lubba, ke tokuje le Jiipije tɔyn unnje ndude kare n̂-tɔl Jeju.

² Duwaeje n̂-tɔeje ngaa, n̂-ddeeje saa dulaeje ji ngonn-mbay Pilate te, ke to dew ke Rɔm.

Tar yo le Judase

³ Toke Judase ke ila Jeju ji dewje te le oo sariya yo ke n̂-ngange dɔe te le a, keje laa jɔke nya. N̂-tel ke kande nare ke dɔmota le nare toku nje-poloje Lubba, ke tokuje le Jiipije le.

⁴ N̄-pa narede na: «M-dda ne ke maji ang, mba mila dew ke dda ne ke maji ang kara ang ji dewje te kare n̄-tole.» Dilaeje te na: «Osoje te ang. Yeenn ooi.»

⁵ Judase sanre nare le me key-polo-Lubba te ngaa otu aw ila kula gose te to kake te ngaa oy.

⁶ Toku nje-poloje Lubba le ndekeje nare le ngaa paje na: «N̄du are ddew ta ngem nare ke be neenn lo-ngem nare te ke me key-polo-Lubba te ang, mba to nare mese.

⁷ Duwaje do naa ngaa goe te a, dunnje nare le n̄-ndokoje ne ndoo le mare nje-kubba jo ta dda to lo dubbu yo le nje-mbaje.

⁸ Mba yeenn a n̄-bbar ne ndoo le na « ndoo-mese» ndereng bbokone.

⁹ Yeenn ngaa tar le Lubba ke Jeremi nje-kila mber-tar laa pa le ddee ne to tar ke tokoro. Tar le na: «N̄-taaje kande nare domota. To gate dew ke ngann Ijarayelje waju le ann.

¹⁰ Ngaa dareje mba ndoko ne ndoo le nje-kubba jo ddew kara baa ke ndu ke Ebbe-dewje unn arem.»

Pila te duju tar Jeju

¹¹ Daw ke Jeju no ngonn-mbay Pilate te. Ngonn-mbay le duje na: «E-to toku-mbay le Jiipije wa?» Jeju ilae te na: «Ye njaa e-pann.»

¹² A toke toku nje-poloje Lubba, ke tokuje le Jiipije aw undaje tar doe te a, nilade te kara ang.

¹³ Yeenn ngaa, Pilate duje na: «Oo tarje toyn ke daw dundaje doi te neenn ang wa?»

¹⁴ A nilae mare tar te kara ang. To ne ke dum do Pilate le.

N-gange sariya yo do Jeju te

¹⁵ Ke ndo kusu Pake kara kara toyn, ngonnmbay le aw oru dew key-kula te. To dew ke dewje ke banya ndikije kare nore.

¹⁶ A kare teenn mare dew ke ria bbar nya ee key-kula te le. Ria na Barabase***.

¹⁷ Yeenn a Pilate duju dewje ke banya ke mbonje naa le na: «Na bba e-ndikije kare more marese wa? Barabase wase Jeju ke daw n-bbare to Kiriste le wa?»

¹⁸ Mba Pilate gere ke maje to me a ddade do Jeju te a duwaeje dulae jia teenn.

¹⁹ Kare te ke Pilate isi lo sariya te le bbay a, dene laa ula pa are na: «Ula tai tar te le dew ke gate gate neenn ang. Mba til te neenn, moo ndoo nya me ni te waju doe.»

²⁰ A toku nje-poloje Lubba, ke tokuje le Jiipije tulaje dewje ke banya le kare n-dujeje dare noru Barabase a ta n-tolje Jeju.

²¹ Ngonn-Mbay le tel dujude na: «Horo dewje te ke joo neenn, na bba e-ndikije kare more marese wa?» A dilaeje te na: «Barabase!»

²² Pilate dujude bbay na: «Ddi a ma dda ke Jeju ke daw n-bbare to Kiriste le wa?» Dede toyn njaa dilaeje te na: «Are n-tole do kake-dese te!»

²³ Pilate dujude na: «Majang ddi a n-dda wa?» A dunnje kutu kuru ekii ke singa bbay na: «Are n-tole do kake-dese te!»

²⁴ Toke Pilate oo to na kase dda mare ne dang ang, ngaa dewje le aw yekeje lo ke kete kete a, nunn maann ngaa n-toko ne jia kem dewje te ke banya le ngaa n-pa na: «Tar yo le dingaw neenn a kuwa dom ang. Oose.»

²⁵ Dewje ke banya le toyn ilaeje te na: «Maji kare tar yo laa le oso doje te ke do ngannje te.»

²⁶ Yeenn ngaa Pilate oru Barabase arede. Nare n-tunda Jeju ke ndey ngaa nulae jide te kare n-tole do kake-dese te.

Mbambaje ojuje Jeju kokoje ne

²⁷ Mbambaje le Pilate awje ke Jeju lo gange sariya te laa, ngaa kese mbambaje le toyn mbonje naa doe te.

²⁸ N-toruje kubbuje laa roe te ngaa dulaeje kubbu ke ngal ngaa kase.

²⁹ N-peteje kulaje ke to konn to ejokudo, ngaa dundaje doe te. Dulaje kare jia te ke kol ngaa dosuje mekeji golde nange noe te, n-kokeje ngaa n-paje na: «Lapiya, toku-mbay le Jiipije!»

³⁰ N-tibbije weren doe te ngaa n-taaje kare le dunda ne doe.

³¹ N-ddae n-koko ne ngaa goe te a, doruje toku kubbu le ngaa n-tel dulae kubbuje laa. Goe te a, dawje saa ta tole do kake-dese te.

N-bbere Jeju do kake-dese te

³² Toke mbambaje le inje me bbe te le aw teeje ke ddaka a, dingaje mare dingaw ke bbe te ke Sirenn, ria na Simo, ngaa duwaeje dare noto kake-dese le Jeju le.

³³ Daw n-teeje lo te ke daw n-bbar na Gologota, ke kande na: «Lo ka-do dewje» a,

³⁴ dareje Jeju le maann kande binye ke dungu maann ne ke ate me te ngaa dare kare nay. Jeju le na a, mbete ta kay.*

³⁵ N-bbereje do kake-dese te le ngaa goe te a, n-ddoje mbari n-kaynje ne naa kubbuje laa.

³⁶ Ngaa disije lo teenn ta ngeme.

³⁷ N-dda mare makeruru n-bbere er doe te ta toju ne gel ne ke n-gange ne sariya doe te le na: «Dew neenn to Jeju, toku-mbay le Jiipije.»

³⁸ N-bbere nje-bbokoje joo do kake-deseje te mbore te to. Mare kara er kol, a mare kara er gel.

³⁹ Dewje ke aw ndayje loteenn tukaje dode a tajeje.

⁴⁰ N-paje dareje na: «Ei ke e-ndiki ta to key-polo-Lubba ta tel dda mare ture te me ndo mota te le, bbo e-to Ngonn le Lubba a, aji roi ei njaa bbo in do kake-dese te le uru nangê.»

⁴¹ Toku nje-poloje Lubba, ke nje-koruje gel ndu, ke tokuje le Jiipije kokeje to paje na:

⁴² «Naji mare dewje, a nase ta kaji roe njaa ang! Toku-mbay ke Ijarayel le ann? Bbo nin do kake-dese te nuru nangê a, ja koo meje te saa.

⁴³ Nunda mee do Lubba te ngaa n-pa na n-to Ngonn le Lubba. Toke Lubba ndike a, maji kare naje bbasine neenn.»

⁴⁴ Nje-bbokoje ke n-bberede do kake-deseje te le tajeje toke baann to.

Koy le Jeju

* **27:34** 27.34 To ne dewje ke Rom aw unguje me ben te are dewje ke daw ta tolde do kake-dese te ta tolde bba kare doo ndoo nya ang.

⁴⁵ Unn kute kare te ke ar dana ndereng gol kare mota ke lo-kul te, lo ndul do nange te toyn.

⁴⁶ A ta tee gol kare te ke mota a, Jeju uru ekii ke singa na: «Eli, Eli, lama sabakantani!» Kande tar le na: «Lubba lem, Lubba lem, inyam mba ddi wa?»

⁴⁷ Mare dewje ke eeje lo teenn le ooje tar le Jeju le a paje na: «Naw n̄-bbar Eli.»

⁴⁸ Mare dew kara horode te ayn ke ngoru aw unn mare ta kubbu ula me maann binye te ke mase ngaa ke ta kare te a ula are Jeju kare ay.

⁴⁹ A mareje paje na: «N-ngina joo se Eli a ddee kaje wa?»

⁵⁰ Jeju tel uru ekii ke singa bbay ngaa goe te a kewn laa tee†.

⁵¹ Kare teenn njaa, kubbu ke n̄-to n̄-gange ne me key-polo-Lubba tir dana, in taar uru nangê. Nange yeke ngaa erje riyaje.

⁵² Ta buwa-yoje teyn ngaa dewje ke ooje mede te ke Lubba bba oyje ndolje.

⁵³ Dinje me buwa-yoje te le n̄-teeje ngaa, go ndol te ke Jeju ndol horo dewje te ke oy le a, dandeje Jurusalam ke to bbe ke maji toyn are dewje nya oojede.

⁵⁴ Toke nje-kon do mbambaje ke Rom, ke dewje ke eeje saa lo ngem niinn Jeju le ooje nange ke aw yeke, ke neje ke teeje le a, bbeel ddade nya ngaa n̄-paje na: «Dew neenn to Ngonn le Lubba njaa.»

⁵⁵ Deneje ke banya ke inje Galile ngaa unnje go Jeju aw dda saa le eeje teenn to. Darje ddew ew

† **27:50** 27.50 Koy le Jeju to ne njaa ninya kewn laa nare tee.

daw dooje nejeenn le.

⁵⁶ Horo deneje teenn le, Mari ke Magedala, ke Mari ke uju Jake de ke Jejobbe, ke kon ngann le Jebede deeje teenn.

Dila niinn Jeju me buwa-yo te

⁵⁷ Lo-kul a, mare nje-ne-kinga ke to dew ke bbe te ke Arimate ddee tee. Ria na Jejobbe. Ne kara n̂-to nje-nja-go Jeju te to.

⁵⁸ Naw noo Pilate ngaa n̂-duju niinn Jeju le. Yeenn ngaa Pilate unn ndu kare dare niinn le.

⁵⁹ Nunn niinn le ngaa, n̂-ke ke kubbu ke siki ke are ngate ngate,

⁶⁰ ngaa nila buwa-yo te laa ne njaa ke nare duru dare toke siki bbay me er te. Goe te a, n̂-ndubbu mare t̄oku er nutu ne ta buwa-yo le ngaa n̄tu‡.

⁶¹ Mari ke Magedala de ke Mari ke kara deeje teenn, disije nangê, kemde ke buwa-yo te le.

Dundaje nje-ngemje buwa-yo le.

⁶² Lo-kare, ke to nd̄o ke go nd̄o m̄ose neje mba nd̄o-kuwa-r̄o a, t̄oku nje-poloje Lubba, ke Parijiyenje awje naate kara baa r̄o Pilate te,

⁶³ ngaa paje na: «Dew ke bo, jole meje to, d̄o nd̄o te ke nje-kere dewje neenn le nayn ne kem baa bbay le, n̂-pa na: <Nd̄o mota go yo te lem a, ma kin horo dewje te ke oy.>

⁶⁴ Yeenn a, unn ndu are n̂-ngem buwa-yo le ndereng nd̄o mota. Baann ang a, nje-njaje goe te a ddee bbokoje niinne a da paje kareje dewje

‡ **27:60** 27.60 Buwa-yo le Jiipije to nange ang. Daw n̂-ddaje buwa le me er te bba daw dubbu ne yoje lede.

to ne a nin horo dewje te ke oy. Ngem ke guku neenn a ngeng kuta ye ke kete bbay[§].

⁶⁵ Pilate pa arede na: «Nje-ngemje ta lo a neenn. Awje areje n̂-ngemje buwa-yo le toke mese ndiki.»

⁶⁶ Dawje buwa-yo te le ta koo gusu ke ta ngem ne buwa-yo le. N-ddaje mare endaji ta buwa-yo le ngaa dundaje nje-ngemje ta lo tae te.

28

Kin le Jeju horo dewje te ke oy

¹ Go ndo-kuwa-ro te le Jiipije a, ke ndo-kuwa-ro*, Mari ke Magedala de ke Mari ke kara dawje ta koo buwa-yo le.

² A ta koo a, nange yeke ke singa. Mare anji le Ebbe-dewje in dara ddee, ndubbu er le ke ddang ngaa isi doe te.

³ N-ndoren toke teel le ndi ngaa kubbu laa nda toke le neyn jeenn.

⁴ Nje-ngemje buwa-yo le bbeelje nya ngaa isaje. Disije toke le dewje ke oy.

⁵ A anji le pa are deneje le na: «Sese, areje beel ddase ang, mba m-gere to aw e-sangeje Jeju ke n̂-tole do kake-dese te le.

⁶ Nee neenn ang, nin horo dewje te ke oy ddew kara baa toke n̂-pa le. E-ddee ooje lo ke dilae te le.

§ 27:64 27.64 Ngem ke dongor ke Jeju ere ye ke n̂-pa na ne a n̂-to Mesi le. Ooje Mat. 26.63. Ye ke goe te a to ye ke nje-njaje goe te a paje na ne a nin horo dewje te ke oy. * 28:1 28.1 Ndo-kuwa-ro le Jiipije to Saba, ke to Samedi. A ndo-kuwa-ro to damasi.

⁷ Ta, awje njange aw e-paje are nje-njaje goe te, e-paje na: <Nin horo dewje te ke oy, ngaa naw ta nginase Galile. A kooje nunn. Tar ke m-ndiki ta pa karese ann.> »

⁸ Deneje le otuje buwa-yo te le ke ngoru. Bbeel ddade ddem, rode neelde nya ddem ngaa daw paje tar le dareje nje-njaje-go Jeju te.

⁹ A ta koo a, Jeju tee node te aw tila kemde ngaa pa arede na: «Lapiya lese!» Deneje le ddeje ngosi saa ngaa, dosuje mekeji golde noe te ngaa duwaje gole n̂-waleje ne.

¹⁰ Yeenn ngaa Jeju pa arede na: «E-bbelje ang, aw paje areje ngakom are dawje Galile. Lo te ke nunn a da koom†.»

Tar ke nje ke ngemje ta buwa-yo le paje

¹¹ Toke deneje le naynje ddew-boo bbay a, mare dewje ke ngemje ta buwa-yo le telje awje me toku-bbe te ngaa oruje gel neje toyn ke tee le areje toku nje-poloje Lubba.

¹² Toku nje-poloje Lubba le mbonje naa ke tokuje le Jiipije ngaa dooje ta naa. Goe te a, dare nje ke ngemje ta buwa-yo le toku nare,

¹³ ngaa n̂-paje darede na: «Ta e-paje na: <Kare ke n̂-nayn jaw n̂-tibbi bbay a, nje-njaje-go Jeju te le ddeje til te ddee bbokoje niinne.>

¹⁴ Bbo Pilate oo tare a, ja gere gusu ke ta pa ne kare n̂-ndiki te. A sese a kingaje tar ang.»

¹⁵ Nje-ngemje ta buwa-yo le taaje nare le ngaa, ddaje ddew kara baa ke ndu ke darede le. Tar neenn le nja horo Jiipije te ndereng bbokone.

† 28:10 28.10 Ooje Matiye 12.49

Jeju ula nje-njaje goe te

¹⁶ Nje-njaje-go Jeju te ke naynje dɔku gire kara le awje Galile dɔ ddingiri te ke n̄-tɔjude le.

¹⁷ Toke dooeje a, dɔsuje mekeji-gɔlde nangê. A mareje, aw maynje bbay.

¹⁸ Jeju ddee ngɔsi ke de ngaa pa arede na: «Lubba arem singa tɔyn dara ddem, nangê ddem.

¹⁹ Yeenn a, awje rɔ gel-dewje te tɔyn ke dɔ nange te. E-ddajede to nje-njaje-gom te, ngaa e-ddajede batem ke ri Bɔ, ri Ngonn, ke ri Ndil-menda.

²⁰ E-tɔjujede are n̄-ddaje ne ddew nduje te tɔyn ke munn marese. Ooje, ma kee ke se ke ndɔ tɔyn ndereng ddotu ndɔ te.

Tar le Lubba ke tar Kabba
Kaba: Tar le Lubba ke tar Kabba Bible

copyright © 2015 Wycliffe Bible Translators, Inc.

Language: Kabba

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 1 Oct 2024 from source files
dated 29 Jan 2022

42d55340-9c90-56ec-bf99-50cbf96e48a7